



ՀՐԱՇԱԼԻ ՅԱՐՈՒԹԻՒՆ

ՆՈՅՆ ՀԵՂԻՆԱԿԷՆ

ՀՈԳԵՐ (1901) ՈՏԱՆՎԱՆՈՐ ԵՒ ԱՐՃԱԿ ՔԵՐՈՒՄԸՆԵՐ
Քարիզ, 1 հատր 10 դր

ՏՊԱՐԱՆ ԵՒ ԿԱԶՄԱՏՈՒՆ
Օ. ԱՐԶՈՒՄԱՆ
№ 220

891.99-
10-55

ՎԱՀԱՆ ԹԻՊԻՍԱՆ

18 NOV 2011

ՀՐԱԾԱԼԻ ՅԱՐՈՒԹԻՒՆ

1901-1914

Փա՛ռք հրաճալի յարութանն . . .



Ե. ՊՈԼԻՍ
1914

31183

Գ Ա Յ Ը Գ Ը

Կը մըտածեմ ես յանախ այն գայրզին ըսպիտակ,
Նուրբ, զարդարուն, անթերի,
Մեծ եպրի մը քովի նաւակայքին շուքին տակ,
Մէկ խորշին մէջ Վոսփորի . . . :

Էրկար ժամեր, ցերեկին, գայրզն անշարժ կը մընայ,
Եւ անցորդները ծովէն՝
«Մը արտորեալ մեծ-փառան շինել տըւաւ ասիկա...»
Ըզմայլագին կը հարցնեն :

Հետաքրքիր ուրիշներ՝ « Իր ո՞ր կընտըը համար,
« Ծրփանքներուն վրայ ծովուն
«Օրորուելու հետն անոր—Լէյլա, Նազը կամ Նիկեար—
« Ան կազմեց բոյնն այս շարժուն . . . :»

Կըսեն, կ'անցնին՝ ջուրին մէջ թիակի թոյլ ճողբերով...:
Բայց երբ կ'ըլլայ իրիկուն,
Վերջալոյսին հրդեհէն երբ կը վառին ամպ ու ծով
Եւ նաւակայքն ալ խոհուն,

I



66371-68

Երբոր լուսինն ալ կ'ելլէ, զերդ դաշտերուն մէջ երկնի՞
 Հովիւ աստեղց մեծ հօտին,
 Եւ կ'աղօտի ու տակաւ կ'անրջանայ, կը հալի
 Շրջագիծը ցամաքին . . . ,

Գիտե՛մ, կուգայ եալլէն մերթ պատանի մը այնտեղ,
 Երազաբայլ, երկիւղած,
 Գայրզին քով կը սահի, զայն կը գրկէ սիրազեղ,
 Եւ հանելով զայն ի բաց՝

Կ'երթայ մինակ, նաւելով լուռ հրմայքի մը մէջէն,
 Ալեաց վրայ տարուբեր,
 Գըլուխը բաց եւ շրջած . . . , մինչդեռ կ'իյնան երկինքէն
 Աչքերուն մէջ ասուպներ . . . :



Նըմանէին քերթուածներս այդ գայրզին ըսպիտակ -
 Պատանիի մը հոգին
 Մերթ գա՛ր մտնել անոնց մէջ, եւ յուզումի հովին տակ
 Մեկնէ՛ր հեռուն՝ սարսուզին . . . :

1910

Հոգիիս մէջ մի՛շտ այս կըրիւն յետամնաց,
 Երկինքն ի վեր թըռիչներու թեւին տակ՝
 Մի՛շտ այս շղթան կապուած կեանքին տափարակ . . . :

Դեռ գրկիս մէջ տաքցող անցեա՛լըս մեռած,
 Դեռ ներկայէն վախցող աչքերոս հիւանդ,
 Թրջուած դե՛ռ արցունքներէն հընաւանդ . . . :

Եւ կը լըսեմ երգի մը վերջը անվերջ,
 Հին սէրերու ողբն ինձի միշտ կը հասնի,
 Կ'ուզեմ քաղել միշտ ճառագայթ մը լուսնի . . . :

Եւ այս ճերմակ կարապը սե՛ւ լիճին մէջ,
 Նաւող անխոնջ յաւիտեանէ յաւիտեան,
 Ի խնդիր միշտ իր մէկ բըրրոջ գըթութեան,

Դեռ մինչեւ ե՛րբ պիտի՛ յածի տրտմօրէն,
 Եւ մինչ շատեր խորասուզուած են շատոնց՝
 Յիշեցընէ պիտի ինձի մահն անոնց . . . :

Եւ ի՞նչ է այս լոյսը յառնող խաւարէն ,
Պահ մը կռուող եւ շուտ մ'արդէն յաղթուած . . .
Հոգիիս մէջ ի՞նչ այս կրօնիւն յետամնաց . . .

1909

Ո Ղ Զ Ո՛ Յ Ն

Ամէն անո՛նց որոնք երբեք չըզիտցան
Իրենց համար իմ սրտիս մէջ բարձրացած
Սեղանին վրայ ծխուող խունկը սրբազան . . . ,
Ամէն անո՛նց որոնք իբրեւ առեղծուած

Մը զիս տեսան , աչքիս բոցով եւ լեզուիս
Լրուածիւնով , եւ քայլերո՛վրս փախչող . . . ,
Որոնք գրտան իրենց ճամբուն վրայ զիս՝
Պտտցրնող սէր մը անծայն ու անշող . . . ,

Անո՛նց , անուշ էակներուն , այժմ ողջո՛յն
Իմ անցեալիս գեղեցկութեան մէջ անմահ ,
Անոնց ողջո՛յն՝ այս բառերով դողդոջուն . . . :

Իրենցմէ բա՛ն չեմ ուզեր ես ա՛լ հիմա ,
Զի ըստացայ ինչ որ ինձ տալ կրնային ,
Զի իրենցմով հիմա շէն է ամային . . . :

ԷՐ ԵՐԲԵՄՆ

Էր երբեմնն՝ զեղեցկութեան ու արեւի ,
Սիրոյ՝ այց մը , ատեն ատեն ,
Պատկառազգեաց հոգիիս մէջ կ'ընդունէի .
Կը դըլըրդար հոգիս հիմէն ,
Եւ աչուրներս մըտից դուռներն էին անոր
Որոնք մեղմիւ կը գոցուէին
Անցքէն յետոյ Այցելուին նաճանչաւոր ,
Բարի-եկած Այցելուին . . . :

Կը նըւազէր սիրտըս հեշտիւ ամէն վայրկեան ,
Ինչպէս հովէն տաւիղ մ'առկախ .
Կը թրջէին արցունքներով ուրախութեան
Աչքերս արբշիւ , սիրաթաթախ .
Եւ կ'երթայի , սէրըս զրկած կուրծքիս վըրայ ,
Մօր մը նըման ըզբուշաբայլ ,
Չայն տըւողէն հեռու՝ բայց միշտ դէմըս ներկայ
Ըզգալով դէմքն իր լուսափայլ . . . :

Էր երբեմնն...: Մինչ այս գիշեր ինքզինքս այնչա՛փ
Այստեղ օտար , լքուած կ'զգամ ,
Որ երանի կուտամ վարէն սա՛ առ խարխափ
Գացող մուրիկ կոյրին անգամ .
Ան կը յուսայ իրեն օգնող սիրտ մը գըթած ,
Եւ ես , աւանդ , բան չեմ յուսար .
Միայն անոր պէս իմ շրթունքս ալ վարժըւած
Կը մըմնջեն այս երգը յար . . . :

9

Քու յիշատակդ, այս գիշեր, զիս լալու չափ կը յուզէ .
Կարծես մեկնած էր սրբտէս, եւ գաղտնաբար այս գիշեր
Ետ կը դառնայ, իր հին տեղն ու հին գգուանքը կ'ուզէ,
Կը սեղմըւի գրկիս մէջ, կը բարձրանայ կուրծքս ի վեր . . . :

Քու պատկերըդ աչքիս մէջ եւ քու ձայնըդ՝ ականջիս,
Կը թրթրուան այս գիշեր . երակներուս մէջ կարծես
Քաղցրահոտ շունչդ է լեցուած, որ կ'զգլխէ, կ'օրրէ զիս ,
Մինչ երեսէս ալ կ'անցնին կարծես մատներդ անտես . . . :

Ետ կը դառնան մի առ մի մեր հին ժամերն անկորուստ ,
Կարաւանին հետ աստեղջ անոնք կուգան վերըստին ,
Հոգիս փարախն է բացուող ընդդէմ իր քաղցրը հօտին . . . :

Յիշատակովդ, այս գիշեր, կ'զգամ այնչափ զիս հարուստ,
Այնչափ բարի, երջանիկ . . . որ գրթութեամբ մը անհուն՝
Կը մըտածեմ զայն բաժնել երկրի բոլոր խեղճերուն . . . :

Իրիկուն էր . . . : Վերադարձին
Ամայացած ճամբաներէն՝
Մեր շրթները լուռ մընացին .
Ըսինք՝ «Բառերն ալ անգօր են

« Երբ հոգիները կը խօսին . . . »
Եւ կը խօսէր իրօք հոգիդ ,
Եւ հոգիս ալ , ու միասին
Կը հոսէին՝ ականակիտ

Ինչպէս վրտակ մը խոխոջուն . . . :
Տակաւ արեւը կը մարէր ,
Կը լրուէին ճրպուռ , թուչուն ,
Եւ սաղարթները աներեր

Կ սպասէին լուսընկային . . . :
Կը քալէի աչքերըս զոց՝
Որպէս զի ջինջ դեռ շողային
Հոգիս մէջ աչքերդ բոց . . . :

Օղէն , խոտէն եւ մարմինէդ —
 Կը ծաւալէր բուրում մ'անգայտ...
 Կարծես քալած էի քեզ հետ
 Ժամանակէ մ'ի վեր անյայտ . . . :

Յետոյ , երկնից մէջ մի առ մի
 Տեսայ ծագիրը աստղերուն,
 Ինչպէս աչքեր բարեկամի
 Իմ նըսեհիս վրրայ քթթուն . . . :

Երբոր լուսինն ալ բարձրացաւ
 Հորիզոնէն բոցակարմիր ,
 Եւ լսուեցաւ , թրթռուն ու թաւ ,
 Հեռուներէն խորհրդակիր ,

Համանըլազը գորտերուն ,
 Ես չըկրցայ զսպել այլ եւս
 Հոգիս ցնցող սարսուռն անհուն ,
 Եւ գաղտնաբար նետեցի թեւս

Մութին մէջէն ուսերուդ շուրջ ,
 Ու անսահման գորովանքով ,

Շատ երջանիկ ու շատ ալ լուրջ ,
 Քաշեցի դէմքդ դէմքիս քով . . . :

Համբոյրն ինչպէ՛ս թեւ կը բաղխէր
 Բերնիս վրրայ , թուչնոյ մը պէս .
 Սիրտըս ինչպէ՛ս կը բաբախէր՝
 Բանտըլած խենդ մ'ըլլար կարծես .

Եւ առաջին համբոյրը լուռ ,
 Որուն աստղերն եղան վրկայ ,
 Ինչպէ՛ս բացաւ դէմըս զերդ դուռ
 Մ'երկինքն՝ ուր ներս յանկարծ մըտայ . . . :

. . . Գիշեր էր երբ՝ վերադարձին
 Հրեշտակներու բացած համբէն ,
 Շրթունքըս քեզ համբուրեցին ,
 Ու այն համբան հիմա կ'օրհնեն . . . :

1906

Ա Ր Ե Ի Ը

Արեւն մըրկէ, երբ ամէն իրկուն տօգոյն վար կ'իջնէ,
Ո՞ւրկէ նորէն կ'ստանայ իր փայլն ու բոցը վաղուան.
Կարծես ըլլար մէկ-հատիկ վիթխարի դոյլ մ'ոսկիէ՝
Այգեհորի մը անյայտ խորքէն լցուող յաւիտեան...:

Նորէն, երէկ իրիկուն, հորիզոնին վրայ պայծառ
Թափեց, պարպեց ան հուսկ շիթն իր մըրուրին ծիրանի,
Մինչ այս առտու լեւի-լեցուն հուր հեղուկով մ'անըսպառ՝
Հանդիպակաց երկրնքին վըրայ փառօք կ'երեւի

Եւ քիչ առ քիչ կ'ելլէ վեր...: Եւ շըլացած, երկիւղած,
Մըտիկ կ'ընեմ ճըռընչեանն ամբողջ երկնի անիւին
Որ ծանրորէն, մինչեւ լոյս, այս մեծ դոյլն է վեր հանած...:

Խո՞ր ճըռընչիւն, ձայներ որ ամէն կողմէ կը լսուին,
Աբլորներուն՝ իր շղթա՛ն... կովերուն՝ ձա՛յն ճարճատման,
Եւ անտառին՝ յամր աղմո՛ւկ թաւալումին անսահման...:

1912

Կ՝ԱՆՁՐԵԻ ԷՆՏՆԱՍ...

Կ'անծրեւէ, տրղա՛ս...: Աշունը թաց է,
Թա՛ց աչքերուն պէս խեղճ խաբուած սիրոյն...:
Պատուհանն ու դուռը գընա՛ գոցէ՝
Եւ դէմըս եկո՛ւր նստիլ վեհագոյն՝

Լըռութեան մը մէջ...: Կ'անծրեւէ, տրղա՛ս...:
Կ'անծրեւէ՞ երբեմն հոգիիդ մէջ ալ,
Կը մըսի՞ սիրտըդ, եւ կը դողդըղա՛ս՝
Խորհելով պայծառ արեւին անցեալ,

Դըրան մը ներքեւ գո՛ց ձակատագրին...:
Բայց կուլաս, տրղա՛ս...: Մութին մէջ յանկարծ
Ծանրը արցունքներ աչքէդ կը գլորին...:

Լա՛ց անմեղութեան արցունքը անդարծ,
Լա՛ց չըզիանալով, խեղճ անգէտ տրղա՛ս,
Խնճճ որսը կեանքին, ա՛հ լա՛ց որ մեծնաս...:

1901



86341 - 68

Տ Ա Ր Ի Ք Ը

Նուրբ ինչպէս ձո՛ղ մը սաթի եւ ինչպէս մուշկը՝ բուրեան,
Մարմինն ամբողջ հոգի էր եւ աչուրներն՝ ամբողջ շունչ-
Կը տեսնէիր իր տարի՛քը զերդ թռչուն մ'ոստին վրան.
Մինուօնագօծ դեռ այտեր եւ սրբողորկ ունէր դունչ...:

Ես խենդ էի ու տրգէտ վաղորդայնին տրտմութեան...
Ձէի գիտեր ժամանակն որ կը հնծէ անշրջունչ ,
Որ կը սրբէ ամէն գիծ, ամէն նրկար ու մատեան ,
Որ կը խեղդէ սրտին մէջ որոտագոչ ամէն հունչ . . . :

Հոգիս ամբողջ իր ամբողջ հոգին սիրեց ցնծութեամբ-
Արեւուն մէջ՝ ինծի շուք, խաւարին մէջ՝ էր արեւ ,
Եւ մըտածումս այն հետքն էր գոր կը թողուր իր ետեւ...:

Յետոյ ինչպէս արեւուն վրրայ տակաւ սեւցող ամպ,
Եկաւ տարիքը , աւա՛ղ , ու զայն ծածկեց աչքերէս ,
Եւ մանկութիւնն իր սիրուած հիմա եղած է անտես...:

1906

Ա Հ Ա Ի Ա Ս Ի Կ Կ՝ Ո Ի Զ Ե Ի . . . ,

Ահաւասիկ . . . : Կ'ուզէի շարունակել եւ ըսել .
«Աւազոյն սէրը ա՛ն է որ լըռութեան մէջ կ'անցնի .
«Գեղեցկագոյն թռչունը ա՛յն թռչունն է անընտել
«Որուն ճախրը կը դառնայ ոչորտներուն մէջ երկնի...:»

Ահաւասիկ . . . : Կ'ուզէի երազի՛նս մէջ փայփայել
Քողտորր գըլուխ մը բումայթ եւ հասակ մը արքենի ,
Մենաւորիկ պըտըտիլ բաղձանքներու մէջ անել
Եւ դառնալ ետ եւ գտնել սէրըս միշտ նոյն, միշտ զաղտնի:

Երազս է այս , սիրական եւ ընտանի հի՛ն երազ ,
Եւ միմիակ կարելին անկարելի տեսչերուս ,
Որուն մէջ ա՛հ թէ կենա՛ր տարիքս անցնող վազն ի վազ:

[ըռս

Քայց չի՛ կենար, եւ դուն խեղճ, իմ խե՛ղճ հոգիս, կը թո-
Որ հի՛ն ընկերըդ՝ մարմինն, կեանքի գետին մէջ տղմուտ
Քզքեզ վարէ ու տանի եւ քեզ զարնէ խութէ խութ...:

1909

ԶԱՐՆՈՒԱԾ ԹՌՉՈՒՆԸ

Ոտքիս տակն է նետահար
Յո՛յսը կեանքիս պարմանի . . . :
Մինչեւ երկինք կ'ամբառնար ,
երբ արեւը՝ ծիրանի

Փառքով զանի կը թողու ,
Ապագայիս ալեհեր
Պատմուհանը բերելու . . . :
Եւ ինչպէ՛ս քա՛ղցրը կ'երգէր ,

Ինչպէ՛ս մաքուր ու առոյգ
Կը հնչէր ծայնը խիզախ ,
Եւ թեւերուն մէջտեղ զոյգ ,
Միջոցին մէջը առկախ՝

Իր պզտիկ կուրծքն աղուամազ
Ի՛նչ հեւքերով կ'ուռենար . . . :
Հիմա , շնչող հազիւ հազ ,
Ոտքիս տակն է նետահար ,

Փետուրները թափթրփած ,
Աչքերը փակ , եւ անտես
Վէրքէ մը ուր յեղակարծ
Զարնըւեցաւ զաղտնապէս՝

Արիւնելով նռնագոյն
Իր արեան շիթը յետին . . . ,
Մինչ իրիկուան արեւուն
Կը բըզըկտի՛ ծիրանին . . . :

1907

Անբարեկամ ամբոխին մէջ հանդիպում մը այսօր ,
Տղմաթաթալ պարտէզին մէջ վարդենի մը կարծես...
Ո՛վ խեղդըւող աչքերուս դէմ նետուած լաստը հրզօր ,
Ո՛վ աղաղակը յոյսի բարձրացող ոչք ու կոծէս . . . :

Բայց երեւոյթը կ'անցնի... Կրնա՛ր թերե՛ւրս տեսել .
Արշալոյսին ծոցէն զով՝ տըւընջեան հուրը անբաւ
Կրնա՛ր թերե՛ւրս ժայթքիլ... մինչ սիրտս հիմա առաւել
Գուցէ գիտուն կամ տրկար՝ ըստուերին գրոհ չըտըւաւ... :

[նաբար-

երջանկութի՛ւնն էր արդեօք, Աստուած, անցնող գաղտ-
ձակատագրին՝ որուն ես մըտիկ չըրի՛ կո՞չն էր խուլ -
Կամ դըրախտի՛ծաղի՞կ մ'էր՝ բողբոջած հոս ինձ համար... :

Եւ յաւիտեան անթափա՛նց պէտք է գաղտնիքը թողուլ ,
Եւ ապարդիւն յաւիտեան՝ պէտք է գիտնալ ուզել միշտ ,
Կարօտէն ու պատրանքէն կըրել միշտ նոյն վէրքն ու
վիշտ . . . :

1903

I

Ո՛վ կորսըւած առիթնե՛ր , իմ թռչուննե՛րս սիրելի ,
Ճերմակ երբեմն ու յաճախ տենչանքի գոյն բոցաւառ ,
Եթերային ու մաքուր մերթ համբոյր մը ներելի ,
Ամբողջական՝ երբեմն ալ՝ գիրկընդխառնում մը անհառ :

Այնչա՛փ մօտիկ, օ՛հ այնչա՛փ հրնարաւոր առիթնե՛ր ,
Կարմիր-ճերմակ թռչուննե՛ր, պատուհանէս մըտած ներս,
Սենեկիս մէջ սրգաւոր դեռ չողջունած մուտքը ձեր՝
Փախա՛ք նորէն, ձրգելով ինձի իմ ցաւ-կարօտներս... :

Կը կանչեմ ձեզ այս գիշեր երկինքներէն ձեր կապոյտ .
Եկէ՛ք նորէն , օհ եկէ՛ք, սենեկիս մէջ սրգաւոր .
Պիտի գիտնամ այս անգամ վեճական բառն ու ընդփոյթ
Պիտի գոցեմ կուրծքիս փն՛դկը ձեր կուրծքին դէմ աղ-
ուոր . . . :

1904

II

Ո՛վ Առիթներ, որ կուգաք արշաւատյր եւ կ'անցնիք,
 ես միշտ պատրաստ ըլլայի, ամէն բոպէ պատրաստ միշտ՝
 Թեթեւ ու ժիր վազելու ձեր ետեւէն, ու ձեզ հիշդ
 Որսի մը պէս բռնելու եւ զարնելու ձեզ ժանիք...:

Ո՛վ ապրելու առիթներ եւ առիթներ խորհուրդի,
 Քանինքրդ էք որ ինծի օր մ'երեւցաք անբարբառ,
 Մերթ հանճարի բոպէներ զորքս մոռցած եմ իսպառ,
 Մերթ ալ ծովեր հեշտութեան ուր սիրտըս դեռ կ'ընկզմի:

Ձեզ ո՞ր ոգին քայլերուս տակ կ'ստեղծէ անդադար
 եւ կը թաղէ անծանօթ դամբաններու մէջ եղծիմ.
 Ձենէ մէկուն նորագոյն սուգովը միշտ կը շրջիմ,
 եւ այս մահերը պզտիկ կ'ըլլան հոգւոյս մահն երկար...:

1911

Կ Ը Ս Ի Ր Է Ի

Կը սիրէի վաղանցուկ խրոովքները մարմնական,
 Աններելի խրոովքներն՝ որոնց սակայն հեշտանքով
 Կը դիմէի աղբիւրին, ինչպէս հօտերը կուգան
 Գինովլալով, յամբաբար, օշինդրի բարկ թուփին քով...:

Կը սիրէի ձեւերուդ ընտանութիւնը աշուոր,
 Ստուերին մէջ դիմացէս հնչող տաք ձայնդ տրտմած,
 եւ նուրբ հասակդդ հրկուն եւ աչքերդդ լուսաւոր
 Որ վառելով կ'իջնէին հոգիիս մէջ մըթամած...:

Ու կ'իյնար մութը ինչպէս օրհնութիւն մը մեր գլխուն,
 Կուգար քանդել մեր մէջտեղ թումըր լոյսին, քար առ քար,
 Մինչ մազերուդ բերնիս տակ ըզգլխիչ բոյրը անհուն
 Խունկէ հոգիդ էր կարծես՝ որ դէպի ինձ կ'ամբառնար...:

Ո՛վ սիրական...: Երբեմնի խրոովքներէն վաղանցուկ
 Չըմընաց բա՛ն մը հիմա, ո՛չ ցաւ, ոչ խինդ, ոչ նախանձ,
 Մինչդեռ հոգիդ զոր հանցայ՝ կը բընակի յիս ծածուկ,
 Ան իմ սուրբս է, եւ անո՛ր՝ խոհերըս տօ՛նն են անանց...:

1904

Փ Ո Յ Ո Ր Ի Կ

Փոթորիկ կայ օդին մէջ...: Երկրնքի ջինջ պատառներ
Կը լափուին սեւ, ուրուածեւ, համայնակեր ամպերէն .
Յառաջընթաց զովութիւն մ'այս ամպերը կը ծորեն ,
Պաղ քրտինքին զովութիւնը գայրոյթին փրփրահեր . . . :

Փոթորիկ կայ օդին մէջ...: Այս ժամերուն է, զիտե՞ս ,
Որ ճշդութեամբ մը լկող՝ պատկերըդ շե՛շտ կը զարթնու,
Ամբողջ պատկերը մարմնոյդ, գոր աչուրներս զաղտնատես
Կը մերկացնեն՝ իյնալու համար վրբան եւ տալ՞ու

Անոր համբոյր մը նրման համբոյրներուս երբեմնի . . . :
Կը կարծէի ես՝ յիմա՛ր, մոռցած ըլլալ համն անոնց ,
Թէ տենչանքին ա՛լ մարած էր շրջող բոցը շատոնց ,

Թէ արցունքներն՝ անվրդով հիմա յիշել կրնայի . . . :
Օ՛հ փոթորկի ժամն է այս... եւ երբ երկինք կը գոռայ՝
Կարծես ճիչն է անցեալիս՝ տախտապարտը գետնին
վրայ . . .

1904

ՏԱՂ ԱՌ ԱՐՅՈՒՆՔՆԵՐ

Բե՛ռ ծանրատար՝ հրպարտութիւնըս մէկդէ՛
Նետած այս գիշեր ,
Կը կանչեմ ձեզ՝ տրդու մը պէս անօթի,
Անո՛ւշ արցունքներ :

Եկէ՛ք ինծի ձեր երկնային աղբիւրէն ,
Քոյրե՛ր անծրեւի .
Կենդանարար ձեր աւազանը նորէն
Թո՛ղ վրբաս բացուի :

Արգելեցի աչքերուս դո՛ւռը ձեզի
Եւ կեանքս չորցաւ .
Թրջեցէ՛ք կեանքս , ըլլայ կակուղ որպէս զի ,
Իբր արծանիս՝ կաւ :

Ո՛վ կայլակնե՛ր զինուոյ , քամուած խաղողէն
Սիրոյ , բարութեան ,
Կը ժայթքիք դուք՝ վիշտերը երբ կը կոխեն
Մեր հոգին՝ հնծան . . . :

Կ'արբեցընէք հեծող սիրտերն յոգնաբեկ
 Ձեր վազքովն անդորր .
 Անոնց նախնի կուսութիւնն էք, եւ երբե՛ք
 Դուք չելաք պղտոր . . . :

Դուք թարմութիւնն էք մանուկին եւ կընոջ,
 Գետն'ը ընդերկրեայ .
 Մօրրս հոգին համբուրեցի եւ դողդոջ,
 Ձեր ափանց վըրայ . . . :

Եւ հոսեցաք դուք սիրելոյս աչքերէն
 Մեկնումին պահուն ,
 Եւ կարծեցի տեսնել՝ բացուող բաղջրօրէն,
 Մերկութիւնն հոգւոյն . . .

Ու ան իսպառ հեռացած էր՝ երբ յանկարծ
 Բղխեցաք աչքէս,
 Եւ իբրեւ համն իր շրթունքին, գլուխս ի բարձ՝
 ձաշակեցի ձեզ . . . :



Ակընթարթնե՛ր այգի, շողե՛ր իրիկուան,
 Ա՛լ չէք ծագիր յիս .
 Կ'ոռոգէիք երբեմն իբրեւ շատրուան՝
 Պարտէզն հոգիիս . . . :

. . . Բե՛ռ ծանրատար՝ հրպարտութիւնըս մէկդի՛
 Նետած այս գիշեր,
 Կը կանչեմ ձեզ՝ տրդու մը պէս անօթի,
 Անո՛ւշ արցունքներ . . . :

1906

Թ Ա Խ Ի Ծ

Երբ չի սպաններ՝ կը բուժուի՝ վերքը սիրոյ .
Կանցնի ատեն , կը մոռնանք ցա՛ւը անգամ .
Կամպամածի դէմքն որ առաջ ամէն ժամ
Մեր աչքերուն եւ սրտին մէջ կուտար գրոհ :

Կը բուժուի՝ վերքն՝ ուրկէ մեռնիլ կարծեցինք ,
Բայց այնքան՝ յամր որ չենք գիտեր թէ ինչպէ՛ս ,
Եւ դեռ հովուել կը կարծենք երբ՝ գաղտնապէս ,
Լուսնին ներքեւ փարախ դարձած են խաշինք :

Վերք մը ուրիշ , սիրոյ ուրիշ վերքեր նոր ,
Կը յաջորդեն տարիներու մէջ անոր . . .
Ըսպիներէն խաչեր շինուած են բոլոր ,

Որոնց ներքեւ մէյ մէկ քիչ մենք , մեր հոգին ,
Մեր թարմութի՛ւնը արիւնին , արցունքին ,
Մեր անցեա՛լը ու ապագա՛ն կը պառկին :

1906

Ե Ղ Ե Ր Ե Ր Գ

Տղու մը վրայ որ սիրոյ համար
անձնասպան եղաւ .

Չսպասեցիր քրնանալ հասկերուն մէջ ցորենի՝
Երբ ցերեկուան արեւին կը ծածանին դեղինփառ .
Առաւօտո՛ւն ուզեցիր որ հասակըդ պարմանի
Ծաղկանց վըրայ երկնայախոր իր ստուերն՝ անբարբառ :

Երազներու հոյլին տակ աչքերդ խապառ փակեցիր .
Ի՛նչ միամիտ , ի՛նչ սիրուն՝ մինչեւ մահուան եզերքն ալ ,
Երբ պատրանքի մը շիջամբ մը թնցաւ կեանքըդ անծիր ,
Եւ տենչացիր դէպի մեծ , գերագոյն Մո՛ւլթը երթալ :

Ռ՞վ կ'ըսէ թէ՛ երջանիկ չեղար այդպէս , հէ՛ք տրղայ :
Մարմինդ որդերը կերան , բայց սէրդ անշուշտ ապրեցաւ . . .
Ի՛րերեւս սա՛ ճանանչն է որ գետնին վրայ կը խաղայ ,

Թ՛երեւս հիմա կը վազէ հովերուն մէջ խօլարշաւ ,
Կու՛ սա՛ դէմի բըլուրէն հեծող սըրինգն է հիմա ,
Եւ կամ , թ՛երեւս , ներշնչո՛ւմա՛ որ այս գիշեր քեզ կուլայ :

1905

ԿԱՐԱՊՆԵՐԸ ՀԱՄՊՈՒՐԿԻ ԼԻՃԻՆ ՄԷՋ

Տերեւաթափ ծառերուն տակ իրիկո՛ւն . . .
Աշնան օրուան արեւի մը՝ մայրական
Մեկնումն անվերջ, ու փափկաքայլ, ու խոհուն,
Զերդ սենեակէ մ'ուր քընացա՛ւ իր տըղան . . . :

Եւ լիճին մէջ մութը տակաւ կը կախուի՝
Ինչպէս վրրան հայելիի մ'արծաթէ
Ծրուած ինքզինք կը դիտէ սեւ թագուհի
Մ'որ իր շունչով մետաղը մերթ կ'ադօտէ . . . :

Կը նետէ հոն երկինք զարդերն իր փառաց ,
Ափունքներէն լոյսէ ծոպեր կ'իյնան վար ,
Եւ կը նաւեն կարապները մեղմավար,

Կարծես ճերմակ մեծ խորհուրդնե՛րն անմուաց
Այդ ջուրերուն պատանեկան տարիքին
Երբ լեռներէն արեւախա՛ռն կ'իջնէին . . . :

1903

Ք Ա Ջ Ո Ւ Թ Ի Ի Ն

Մերթ ալ՝ քաջութեան փայլակ մը շքեղ
Կ'անցնի հողիէս . . . : Կամբքս , ինք իր վրայ
Կըբած, կը թըռի՛ թափով մը անեղ
Եւ հովին հետ որ անգուսպ կը սուրայ ,

Ինքզինք կը չափէ . . . : Կը բացուին ինքնին
Հորիզոնները արշաւիս առջեւ,
Թեւերքս հողին մէջ կը մըխըրճին
Եւ կը բարձրացնեն երկինքը մինչեւ

Ոսկիի կոյտեր . . . : Կը նետեմ սուրեր
Անթիւ, անհամար . . . եւ ամէն ձեռքի
Մէջ հատ մ'անտնցմէ երբոր կը ծագի՝

Կը մըղեմ բանակս, ինձմով անվեհեր,
Սարն ի վեր դժուար յաղթանակներուն,
Դէպ ի փա՛ռք եւ դէպի անմահութիւն . . . :

1910

Կ Ռ Ո Ւ Ի Ե Ր Թ

Այս գիշեր նորէն՝ կ'անի, կը մեծնայ, կը շատնայ հոգիս,
Կռիւի գացող բանակի մը պէս.

Ո՛վ դաւիննպրոսակ, այս գիշեր նորէն ինծի կ'երեւիս
Լերան մը ծայրէն, եւ զիս կը փորձես . . . :

Ճամբուս վրայ, հեռուն, մընացած ամբողջ յոյսերըս նը-
կը վերադառնան մի առ մի, անի՛, [կուն
եւ խոր քունի մէջ նիրհող ոյժերուս պարն այս իրիկուն
Նորէն հաւատքով կը թըռի կ'ելլայ . . .

[Վիառաւոր

«—Ո՞ր կ'երթանք այսպէս, ո՞ր յաղթանակին, կամ ո՞ր

«Պարտութեան առաջ...» կը հարցընէք դուք,

Ո՛վ իմ անհամար արշաւանքներէս դարձած կորակոր
Զինուորներս արի, զոհե՛րրս անշուք...

Քանզի կը յիշէք թէ քանի՛ անգամ ըզձեզ կանչեցի
Երազի մը վառ դըրօշին ներքեւ,
Երթալ յարձակմամբ առնելու համար նրսեհին կծծի
Քաղաքն ու զանձե՛րը երկնապարգև...

Քանզի կը յիշէք նաեւ թէ ինչպէ՛ս կամբքս՝ զօրապետ
Որ կ'աշտանակէր առոյգ, ուղղաբարձ,
Կ'երկմըտէր մէկէն ու կը պաշարուէր խոհերով անպէտ,
Եւ համբուն մէջտեղ կը կենար յանկարծ...

Թէ այսպէս, յաճախ, չըմղուած մարտին տրտմութեամ-
ետ դարձաք հիւանդ ու ամօթահար, [բը լի՛
Մինչդեռ անձնասպան ինկան ձեր մէջէն բազեր մէկ քանի,
Եւ հեծեալն՝ անզօ՛ր՝ անունց վրայ կուլար...:

Բայց այս իրիկուն բազամբոխ հոգիս ոտքի է նորէն,
Նայուածքներուն տակ աստեղց նորածագ,
Իր հին, դարաւոր անցեալին անխոյզ խորութիւններէն
Պարպելով իր հարց զինարանն համակ,

Զարին, սրտութեան եւ կեղծիքներու դիմաց անհամար
Ուխտելով նետուիլ, կռուի՛լ անվրհատ,
Թերեւս յաղթելու եւ կամ վերըստին խաբուելու հա-
թերեւըս, ո՛վ մահ, իյնալ՞ու վըրադ... [մար,

Զի հոգիս այսօր իր ճակատագրին կոչն է զոր մօտէն,
Ա՛լ շատ մօտիկէն լըսեց այս անգամ,
Եւ յանկարծ կեցած հորիզոնին դէմ, լուրջ ու վճռօրէն
Պատասխան տրւաւ՝ «—Ահա՛, Տէ՛ր, կուգամ...»:

Խոնարհութիւնը թերեւս անօրեւ մըն է զովարար՝
Աշխարհակալ ու անթեր հոգիներուն վըրայ չոր...
Բայց ես կ'ուզեմ այս առտու որ հոգիս սո՛ւր մը ըլլար
Այլոց կամքին մէջ մխտուղ, անզիղջ, հատու եւ հրգօր...:

Պողպատն իր ս'ւժն անցընէ՛ր աչքերուս մէջ ու լեզուիս,
եւ ցանկութեանցըս անոնք չըհարթէին երբ նամբան՝
Երկու թեւերս օճառուտ գոհացընե՛լ գային զիս,
Նըւաճելով տենչանքիս կամ գայրոյթիս առարկան...:

Վաղուց ի վեր ձեռքերուս մէջ սովամահ գգուանքներ
Ահա՛ նորէն գաղտնաբար, օճանըման կը յառնեն . . .
Ետ կը դառնան կորսըւած սիրոյ բառերը անտէր

Եւ փրփրացայտ բերնիս մէջ, կոչերու հետ հըրեղէն,
Արիւնաշաղ կը տրորուին... եւ չեմ զիտեր նոյն իսկ թէ՛
Հոգիս այսօր մա՞հ թէ սէր սիւնել մարդոց մէջ կ'ուխտէ...:

1905

Ամբան աղուոր վերջալոյսները երկար
Նորէն, տակաւ, ըզգալաբար կը ծիւրին .
Տրամազգեցիկ հարսերու պէս դողահար
Կ'ընկրկին միշտ դէմը դաժան Խաւարին . . . :

Դեռ չենք ուզեր, նոր մեկնողի մը ինչպէս
Շուտով մոռնալ դէմքն ու տեղը սիրելի,
Լոյսը վառել գող Խաւարին գայուն պէս,
Եւ կը թողունք որ աննշմար ան սահի

Մեր փեղկէն ներս՝ որուն առջեւ, ձեռն ի ծնօտ,
Յիշատակին վրայ կը նաւենք մեղմավար . . . :
Ռ՛վ քաղցրութիւնը այս ժամուն խնկահոտ .

Կարծես վերջին աշնանս իրկո՛ւնը ըլլար,
Ռը տենչերով ա՛լ խաղաղած յաւիտեան՝
Սպասէի մահուան, վայրկեան առ վայրկեան...:

II

Մաքո՛ւր ամէն տենչանքէ՛ երբ իրիկուան մէջ խոհուն,
Արեւին խիստ լոյսէն հոգիս քիչ մը մութ
Ծառերուն տակ կը բերեմ պայծառացնել, — եկո՛ւր դուն
Եւ հնչեցո՛ւր նըւագը մեղմ քայլերուդ . . . :

Ո՛չ մէկ տենչանք . . . : Ինքզինքիս հիմա կ'ուզեմ արգելել
Յոգնութիւնն իսկ երազելու քու վըրադ .
Քանզի նանչցայ ցընորաց ծաղկէ բաւիղը անել
Եւ թոյն ունին գորովներն իսկ խանդակաթ . . . :

Միայն անցի՛ր, իրիկուան մէջ քաղցրութիւն մը ինչպէս,
Ինչպէս քոյր մը զեփիւռներուն եւ թիթռանց .
Միայն անցի՛ր՝ վանելու համար ըստուերն հոգիէս,
Յիշեցնելո՛ւ Գեղեցկութիւնը անանց . . . :

Խաղաղութեան այս պահուն՝ անցի՛ր խաղաղ քայլերով-
եղի՛ր խորհուրդն եւ ըստիւիա՛նքը մութին,
Եւ թո՛ղ որ հոս ծառերուն մէջ վայրկեաններս անվրդով
Քու ձեւդ առնեն եւ քեզի հետ ալ անցնին . . . :

III

Կը նիրհեն կարծես՝ զիւղ, դաշտ եւ բլուր,
Լոյսին տակ լուսնին .
Աստղերուն խորունկ համերգին ի լուր՝
Տերեւք կը բուսնին . . . :

Ո՛վ խաղաղ գեշեր . . . : Լուսնի լոյսին տակ,
Գետնին վըրայ ցած,
Հարս մըն է կարծես պարտէզն ըսպիտակ՝
Սիրո՛յ մէջ մեռած . . . :

Լուսինը՝ ծըռած սրկիհ մ'է կարծես,
Լեցուն ամբրոսիա,
Չոր առատորէն կը հեղու անտես
Ձեռք մ'երկրի վրայ . . .

Եւ կամ բուրվառ մ'է՛ յամբորէն հօհող
Աստուծոյ աշին,
Բուրվա՛ռ ուրկէ դուրս կայծեր հըրաշող՝
Աստե՛ղք կը թռչին . . .

Եւ ծիր-կաթինն ալ, թերեւքս, ո՛վ Տէր,
Ծո՛ւխն է բուրվառին . . . ,
Կամ ծըխասքօղուած, բարձրացած յեթեր՝
Անցեալին ուղին . . . :

IV

Մեծասփիւռ գիշեր, գիշեր գարնային . . . :
 Հեռաւոր, մըթին կամարին խորէն
 Բիւրաւոր աստղեր ինծի կը նային
 Եւ գինովութիւն վըրաս կը ծորեն . . . :

Հեռո՛ւ, ամէն ինչ կ'երեւայ հեռու
 Այս գիշեր ինծի . . . : Կը թըւիմ մոռնալ
 Յիշատակը հոծ անցեալ օրերու,
 Պահ մը կը մոռնամ, ո՛վ հոգիս, քեզ ալ . . . :

Կ'ապրիմ անհունին մէջ ցայգալըւայ . . .
 Բայց յանկարծ սարսուռ մը շուրջըս կ'անցնի,
 Ծառերէն մինչեւ առագաստն երկնի,

Եւ սիրտըս անոնց մէջտեղ կը հեւայ . . .
 Ու կարծես՝ կեցած աստղերուն ի սեմ,
 Հոգիս, ձայնդ անոնց մէջէն կը լըսեմ . . . :

V

Ծովուն վըրայ գիշեր է, եւ գիշերուան մէջ՝ ամառ . . .
 Եւ այս գիշերը ամրան Վոսիորի վրայ կ'երկննայ
 Շնչառութեամբն իր թեթեւ, իր ցոլքերովը ցանցառ
 Եւ իր ալեաց սեւաթոյր վէտ:վէտում'վը թաւշեայ . . . :

Պատըզգամէս՝ որ ծովուն վըրայ եւ մէջն է կարծես,
 Անըրջախոհ կը նայիմ եւ կ'ընկղմիմ թովանքին
 Մէջ որ կ'իջնէ երկինքէն, կ'ելլէ ջուրէն եւ անտես
 Հեռուներէն, անցեալէ՛ս իսկ կը փըջէ տարիագին . . . :

Թանձրը շուք մը, մութին մէջ, ահա՛ մեղմիւ կը շարժի
 Ծովուն վըրայ, աչքիս տակ . . . ո՛րկէ եկած եւ կամ ո՛վ
 Այս հեշտաւէտ գիշերին մենութեան մէջ օրրելով . . . :

Բայց ծովն յանկարծ կ'ուռենայ նրման կուրծքի մը լայնշէ-
 Աստղերն ահա՛ կը մարին . . . եւ պատըզգամըս թողած՝
 Ես անձկութեամբ կը խորհիմ այն նաւակին որ գընաց . . . :

VI

Երբոր գիշերն անդորր է եւ երկինքը աստղազարդ ,
 Ամառ ատեն, զիւղին մէջ, երբ նիրհած է ամէն մարդ,
 Միայն գորտերն հեռուէն երբոր կ'երգեն դաշնածայն
 Եւ հազիւ մերթ կը շարժին բարձրը հիւղե՛րը միայն,
 Ինչպէ՛ս քերթողն ալ հոգին կ'զգայ յատակ ու զրւարթ,
 Երբոր գիշերն անդորր է ու երկինքը աստղազարդ...:

Ծաղկանց նրման որ մութին մէջ յամրաբար կը բացուին
 Եւ աստղերուն պէս որոնք ծաղիկներն են երկրնքին,
 Քերթողին սիրտն ալ այնպէ՛ս հոս կը բացուի ինքնիրեն-
 Կեանք ու թըռիչ կ'ստանան իր հին յոյզե՛րը ամէն ,
 Մինչ թեթեւցած խոհերն ալ կը խառնուին միջոցին՝
 Ծաղկանց նրման որ մութին մէջ յամրաբար կը բացուին:

[շերուան ,

Ո՛վ Տէր, քերթողն այդ պահուն, ծրփանքին մէջ զի-
 Աստուածօրէն կը սուրայ հանգրըւանէ հանգրըւան ,
 Իր անցեալին , ներկային , ապագային մէջ նաեւ ,
 Քու հեռաւոր լոյսիդ տակ եւ քառսի մը վերեւ .

Կերթայ մինչեւ հուսկ յետին պահը մութին մէջ լուծման՝
 Ո՛վ Տէր, քերթողն այդ պահուն , ծրփանքին մէջ զի-
 շերուան . . . :

VII

Այս գիշեր , տե՛ս , հին յիշատակըդ նորէն ,
 Հողէն ինչպէս կուգայ բուրում մ'անծրելի ,
 Էութենէս ու անցեալիս խորերէն՝
 Մինչեւ բերանս եւ աչուրներս կը լեցուի . . . :

Տե՛ս թէ ինչպէ՛ս անցած գացած քայլերուդ ,
 Զիս չըտեսած քու նայուածքիդ ալ համար ,
 Իմ մենաւոր հոգիս՝ տահար մը զերդ մութ ,
 Կը խնկրւի դուռնէն մինչեւ ի կամար . . . :

Մընալ մութին մէջը, ի՛նչ փոյթ... միայն մերթ
 Ըզբեզ տեսնել , ըզբեզ լրսել... պատահմամբ
 Մերթ դէմըդ գալ, եւ ճամբուդ վրայ՝ թերթ առ թերթ

Ըզմայլանքիս փետտել փո՛ւնջը քաղցրութեամբ...
 Փորձել երբեմըն մօտենալ քեզ մեղմիւ,
 Եւ ճանչցըլ՛ լ՝ քիչ մը, կամ շատ, կամ հազիւ...:

VIII

Ո՛վ իմ անցեալս, այս գիշեր ինչպէ՛ս վերաս կը խուժես,
Իր ափունքին վրայ խուժող մակընթացիկ ծովուն պէս՝
Որ մեկնելով հեռուէն, կուգայ կոհակ առ կոհակ,
Տիրել նորէն իր կալուածին ըսպիտակ . . . :

Գետնին վրայ տարածուող դաշն աղմուկով մը կուգաս
Հորիզոնէ՛ն մանկութեանս ու կը նետուիս իմ վերաս
Եւ կ'ողողես հոգիիս աւազադաշտն ամայի՝

Որ լուսնին տակ անհունօրէ՛ն կը պառկի . . . :

Ինչպէս ալիքն ալիքին՝ բոլոր օրերս երբեմնի
Կը յաջորդեն իրարու. — մին ծառացած կը քստմնի,
Միւսն օրօրուն՝ կ'օրրէ գիս, մինչ ուրիշ մ'ալ կը փլնի
Վերաս՝ ինչպէս հայելի մը դահլիճի . . . :

Եւ ամէնուն մէջ անոնց՝ կըտորուանքնե՛ր հայելոյ,
Անցելաշող կը տեսնեմ նախ ինքքզինքս ու յետոյ՝
Դարանակալ շուքիս մէջ սէր - մանուկը պահուըտած,
Որուն տըւաւ աղեղն այնքա՛ն ինձ հարուած . . . :

...Ո՛վ իմ անցեալս, այս գիշեր ինչպէ՛ս վերաս կը խուժես,
Իր ափունքին վրայ խուժող մակընթացիկ ծովուն պէս՝
Որ մեկնելով հեռուէն, կուգայ կոհակ առ կոհակ,
Տիրել նորէն իր կալուածին ըսպիտակ . . . :

IX

Գիշերուան մէջ կը պըտրտիմ առանձին
Եւ առանձին տուն դառնալով ես նորէն՝
Աչքերուս մէջ կը գտնեմ շող մ'աստղերէն
Եւ շողին մէջ՝ երազ մը հի՛ն, լուսածին . . . :

Երազն անուշ, բայց անօրոշ է այնքա՛ն,
Այնքա՛ն մարուր ու գեղեցիկ ու փափուկ՝
Որ կը վախնամ դըպիլ իրեն, եւ ծածուկ
Մէկ խորշին մէջ սրտիս պահել կ'ուզեմ զայն . . . :

Ո՛վ հեռաւոր, անկարելի, քա՛ղցր երազ՝
Որ կեանքիս մէջ հետեւեցար միշտ ինձի,
Զոր փոթորկաց մէջէն անշէջ անցուցի,
Եւ որ հիմա կը սլալըլաս հագիւ հազ . . . ,

Երկու հոգևով երջանկութեան լո՛յս պտտկեր՝
Որուն իմ տունս պիտի ըլլար շրջանակ,
Եւ որ կեանքի խաղաղաւէտ ծուխին տակ
Պիտի մեղմիւ, տարուէ տարի, աղօտէր . . . ,

Ո՛վ խեղճ երազ , չեկա՞ւ ատենն ուր այլ եւս
 Աստղերէն վար պիտի քեզի հանդիպիմ ,
 Աստեղափայլ աչքի մը մէջ մըտերիմ՝
 Որ իմ վըրաս ծագէր , ծածկէր զիս թերեւս....:

... Դիշերուան մէջ պըտըտելով առանձին
 եւ առանձին տուն դառնալով ես նորէն՝
Աչքերուս մէջ կը գտնեմ շող մ'աստղերէն
 եւ շողին մէջ՝ երազը հի՛ն , լուսածին . . . :

X

Լուսնին ներքեւ , այս գիշեր , պատուհանէն սենեակիս
 Ուր , ո՛վ խոնջէնքս , ինձի հետ ա՛լ յաւիտեան կը բնակիս ,
 Տեսայ անցնիլն յամրաքայլ իմ Մանկութեա՛նրս որուն
 ձանչցայ սիլուէթը փափուկ եւ քալուածքը երազուն....:

[Կարծ

Ո՛վ զանգուածեղ իմ խոնջէնքս , քեզ ի՛նչ եղաւ որ յան-
 վերուցիք ծունգրդ կուրծքէս , եւ անցեալիս վերարժարծ
 Բոցը տեսնել չուզելով՝ քովէս իսկոյն հեռացար ,
 Զիս ձըզելով ողորուիլ անոր լոյսովը պայծառ . . . :

... Իմ մանկութիւնս է ահա՛ որ յամրաքայլ կը շրջի
 Փողոցին մէջ , առանձին , զերդ ոգի մը անուրջի ,
 Ունկնդրելով աստղերուն եւ լուսնի վարդը բացուած

Հոտոտելով հոգեւին....: Ա՛հ , ճիշդ ան է , եւ արդէն
 Տեսէք ինչպէ՛ս փողոցին կ'անհետանայ անկիւնէն ,
 Ինչպէ՛ս շուտով կը մեկնի , ու մեկնեցա՛ւ , ու զընաց....:

X I

Գաղջ իրիկուն՝ ձրմեռուան դեռ . . . : Փողոցէն՝
Ուր ըստուերները կ'երկարին դուռնէ դուռ ,
Դանդաղաքայլ կ'անցնին մարդիկ . . . : Ժամը լուռ
Լապտերներովնն է որ մութը կը խոցեն . . . :

Ձնփիւռներ կարն, ու փարփայտ, ու թեթեւ ,
Սեւ թիթեռներ կարծես անտես , կը փակչին
Երեսներուս . — ո՛վ պատըրուակը չնչին՝
Սիրտը յոգնած վագըրներու հեւ ի հեւ . . . :

Ո՛չ մէկ անուն քովէս անցնող դէմքերուն . . . :
Շա՛տ՝ աղուորներ . . . : Եւ ամէնուն քովս ի վեր
Կ'ընկերանայ պահ մը 'հոգիս' ըզմայլուն . . . :

Կ'անցնին, կ'անցնին, ա՛հ ինչքա՛ն շատ, աղուորներ . . .
Երթալ անոնց հետ միասին . . . Մինչ ահա՛
Մութը տակաւ կ'իջնէ գլխուս, սրտիս վրայ . . . :

X I I

Ձրմեռ գիշեր . . . : Լուսի՛նն , ինկած գնիթէն ,
Փողոցներուն կ'օծէ քարերը լոյսով . . .
Ցանցառ ու ջինջ աստղերը սառ կը կաթեն . . .
Գայլերուն մէջ, եւ սիրտերուն, կ'իյնայ սով . . . :

Գարնան առտուն եւ այս գիշերն յունվարի ,
Այնքա՛ն նրման , երկուորեակներ են կարծես .
Սիրտը սիրոյ ինքնաւէտմամբ կը բերկրի՝
Հո՛ս ցուրտին մէջ, հո՛ն արեւուն բոցազէս . . . :

Մարդիկ ի՛նչ ժիր կը քալեն, տե՛ս, այս գիշեր .
Երանութեամբ աչքերն արդէն կը ժպտին .
Եւ անո՛նք խսկ որ տեսչանքն ա՛լ չեն յիշեր ,

Անո՛նք որոնց ձիւնեց գլխուն ու սրտին ,
Անկողնուն մէջ կը խտրլտին տարփահար՝
Ցուրտը կարծես նոր սիրուհի՛ մը ըլլար . . . :

Ա Լ Է Մ - Տ Ա Ղ Ի Ի Ա Ն Տ Ա Ռ Ը

Իրարու մէջ՝ բարձրաբերձ ու թափանցիկ որմերով,
Սըրահներ են ընդարձակ, կանանչ մըթին սըրահներ՝,
Պալատի մը որ հողէն յամբօրէն վեր է ելեր . . . :

Վըրան ու շուրջը ծով է, արեգակի, օդի ծո՛վ,
Որոնց երկար ալիքներն անվերջօրէն կը բաղխին
Եւ կը սփռեն հոն իրենց ցոլքն ու շըշուկը խորին...:

Իր սիւնազարդ հեմելեաց անցքերուն մէջ գալարուն,
Տարին ամբողջ կը փռուին թաւ օթոցներ թաւիշէ՝
Ձորըս ձեղունն անդադար, գիշեր-ցերեկ կը շինէ,

Ձեղունը բա՛րձր, ամպածրար արհեստանոց մը անհուն՝
Ուր ժըրաջան պարիկներ ծաղիկ, տերեւ կը հիւսեն
Եւ կը թափեն գետնին վրայ, յուշիկ, ծըւէն առ ծըւէն...:

Մերթ խորերէն այդ բարձանց, նըւագածու մը անտես,
Լըռութենէն ներշնչեալ եւ Ստուերէն հըմայուած՝
Նորաստեղծել կ'սկըսի եղանակ մը երկիւղած... ,

Եւ Լըռութիւնն Ստուերին մէջ կ'ունկնդրէ գաղտնապէս՝
Եւ Ստուերը կ'աւելնայ, եւ տերեւնե՛րը բոլոր
Շունչ չեն առներ՝ լըսելու համար այս երգն հեշտոլոր...:

Միահարթ չէ գետնամասն այս պալատին դիւթական,
Այլ մեղմագիծ կորութեամբ մը կ'իջնայ վար ու կ'ելլայ,—
Մինչ կը լսուին ներքեւէն զլգըլումներ արծաթեայ .

Ձուրե՛րն են որ հիմերուն շուրջ կը դառնան անվախճան,
Կենսանորոգ, ընդերկրեայ պահապանները տեղւոյն,
Ձուրե՛րն՝ համակ զօվութի՛ւն, յտակութի՛ւն, քաղց-
րութի՛ւն . . . :

1909

Միակըտուր սեւ-անփայլ մետաքսն ամբողջ զինք ծածկած
 Եւ քայլերուն մետաքսէ խոր շրշիւնո՛վը թեթեւ՝
 Որ ազդերուն քրնարին կարծես նըւա՛գն ըլլար ցած ,
 Կերթա՛յ Հանըմն՝ յուզելով մուշկի ալիք մ'իւր ետեւ...:

Ժանեկայորդ թեւէն դուրս կը բղխի ձեռքը պզտիկ՝
 Զոր նախանձոտ սեւ ձեռնոց մը կը պահէ կիսովին,
 Մինչ ուղղանկիւն հակատէն ինկած քօղն ալ լուսանցիկ
 Ծանրածարիր աչքերուն կ'անթեղէ հո՛ւրբը խորին . . . :

Կամուրջին վրայ, յորդագեղ վերջալոյսի մը ներքեւ,
 Կերթայ Հանը՛մը այսպէս, հորիզոնէ հորիզոն,
 Մըթնցնելով Ոսկեղջիւրն ու դիւթելով Երեկոն . . . :

Կերթա՛յ Հանըմն՝ անմատոյց, քօղածածուկ, հոյածեւ ,
 Կի՛ն կամ ոգի , պահ մ'եւրած պալատներէն Պօլխի ,
 Պօլտոյ Ոգի՛ն, խուսափուկ , անքննելի՛ , սխրալի՛ . . . :

1906

Բա՛ց են թողեր դուռն այսօր դըժոխքներուն ընդերկրեայ,
 Բոց է առեր երկնային կապոյտ կայանը անհուն ,
 Եւ փոշին որ օդին մէջ համատարած կը ծրփայ՝
 Կարծես աճի՛ւնն է երկնից խորն հրդեհուող շէնքերուն...:

Օդը այսօր այնքա՛ն յոյլ , այնքա՛ն տաք է եւ ընկճող՝
 Որ ըսպառած տենչանքի մը վերջին հե՛ւքն է կարծես,
 Եւ քաղաքն ալ՝ ննջարա՛ն տիտաններու անկարող,
 Մարմնակործան, գալարուճող մահիճներու մէջ հրակէզ...:

Պզտիկ ու թոյլ հովիկներ երբեմնն դեռ կը կառչին ,
 Քգուանքներու պէս ամուլ, անցորդներուն յամրընթաց,
 Եւ կ'իյնան վար , կը մեռնին՝ պարտասած կամ զղջա-
 ցած . . . :

Ուղտ մը կ'անցնի, վեհանդորր, իբր իր տարրէն առաջին,
 Մինչ երկընքին մէջ հո՛ն վերն՝ արմաւենիք աներեր
 Շատրուաններ են կարծես՝ աւազներէն ժայթքած վեր...:

1906

(*) Եգիպտոսի մէջ աւազախառն տաք հով մը:

Հ Ո Վ Տ Ե Մ Բ Ե Ր

Թխպոտ երկինքէն կարօտ մը սիրոյ
Կիջնէ աչքերուս, թեւերուս վըրայ . . .
Աշո՛ւնն է արդէն՝ ամառէն յետոյ,
Որ պարտէզիս մէջ գաղտնաբար կ'իյնայ . . . :

Պատերուն ներքեւ ըսպիտակ վարդեր
Կը ծաղկին նորէն, անբիծ ու տըխուր . . .
Թոռմած սէրերուն սրտիս առընթեր՝
Կը բացուի սիրոյ նոր յո՛յս մը մաքուր . . . :

Յոգնած թիթեռնիկ մը կուգայ թառիլ
Ածուին ցանցառ մարմանդին վըրայ . . .
Այս յոյսին մէջ քիչ մըն ալ մահ չըկա՞յ . . . :

Երկրնքէն կ'իյնայ անծրեւի կաթիլ
Մը՝ նա՛խ, ծանրօրէն, յետոյ ուրիշներ . . .
Մըխիթարուած սի՛րտս է որ կուլայ դեռ . . . :

1911

Ո Ր Պ Է Ս Զ Ի Մ Ն Ա Յ

Որպէսզի մընայ հեշտութիւնն երկար,
Երկա՛ր, անըսպա՛ռ, խորը հոգիիս
Եւ ձեռքերուս մէջ, եւ օրօրէ զիս,
Քգուա՛նք մը միայն՝ այսպէս, յամրաբար,

Պարանոցիդ շո՛ւրջը ողորկ ու տաք . . . :
Օ՛հ, համբոյրը խենդ, պատրաստ թռչելու,
Որ բերնիս վըրայ, երկիւղիս հըլու՝
Կսպասէ աչքի՞դ հորիզոնին տակ . . . :

Այսպէ՛ս կը սիրեմ, այսպէ՛ս աւելի . . .
Խօսի՛ր քիչ մ'ի՛նծի, ու քի՛չ մը ժպտի,
Քիչ մը մօտեցնէ՛ զըլուխը ինձի,

Իր շունչն ու մազերն երեսըս գգուեն,
Եւ ինչպէս հովին հետ անցնող ծովէն՝
Տննչերըս հեռո՛ւ յամրօրէն նաւեն . . . :

1901

Ա Յ Ս Չ Ա Փ Ե Տ Բ Ը

Այսչափ ետքը՝ հիմա նորէն, ո՛վ Աստուած,
Մաքուր սիրոյ մը յոյսն ինձի ներելուդ,
Այս հառազայթն իմ դրժոխքիս մէջը մութ
Երկարելուդ համար վերէ՛ն՝ նեղ բացուած

Շընորհներուդ պատուհանէ՛ն, — քեզի փա՛ռք
Եւ օրհնութի՛ւն, ծունգի վրայ, բազկաբաց,
Արտասուելով վերջին կաթի՛լը ցամքած
Արցունքներուս, եւ հծծելով քեզի՝ փա՛ռք...:

Հիմա նորէն մէ՛կ փափաք մը ունիմ ա՛լ .
Բարի եւ հոխ իր սրտին մէջ հիւրընկալ
Ճակատաբաց յառաջանա՛լ քայլ առ քայլ . . .

Մէ՛կ փափաք մը . մըտերմութեան հոսանքին
Մէջը նետել սեւ խորհուրդներս անմեկին,
Մէջը լըւալ իմ հոգիիս ժա՛նգը հին . . . :

1902

Մ Տ Ա Ծ Ո Ւ Մ Ս

Մ՛չ . մըտածումս անուշ է դեռ, եւ տրտում...
Չե՛ս ըզգար զայն՝ աշուրներէդ սահող վար,
Ինչպէս մարող բոցի մը փայլն անհատնում,
Ինչպէս թոշնած ծաղկի թերթեր հողմավար...:

Հեռուներէ՛ն իմ մըտածումս կ'իջնայ վրադ,
Ձերդ տատրակ մը զանգակատան բարձունքէն՝
Կ'իջնա՛յ վըրադ՝ վիրաւոր եւ յուսահատ,
Եւ սրբաբո՛յր դեռ մատուռին հին խունկէն...:

Տեսա՛ր ատեն մը նայուածքիս մէջ պայծառ
Սէր-ծաղիկին ծըլարծակի՛լը բոսոր . . .
Կարմըրեցար եւ ձեռքիս տակ ծըռեցար...:

Մի ձեռքիս տակ...: Անջրպետ մը մեզ այսօր,
Լուռ սէրերուն հակատագի՛րը դժնէ,
Մեզ իրարմէ անվերադա՛րձ կը բաժնէ . . . :

1902

Այս իրիկուն քաղցրորէն եւ անխընայ՝
 Ըստոյիկեան մը ինչպէս
 Երակաները կը բանայ ,
 Սիրտըս բանա՛լ կուգամ քեզ...:

Ըսել կուգամ այս իրիկուն քեզի ես՝
 Թէ ո՛չ մէկ շիթ կը մընայ
 Սրուակին մէջ գինիէս .
 Թէ վառեցի՝ քահանայ ,

Կնդրուկն ամբողջ բուրվառիս մէջ արծաթէ...:
 Արդ վըրայէս կը նետեմ
 Ամէն կեղծիք եւ սրբեմ

Եւ մարդկորէն կ'երթամ հոն ուր կը կաթէ
 Հեշտութեան պո՛ւտ մը նեկտար ,
 Խըմել , թերե՛ւս , դառնաբար . . .

Նատարա՛փ . . . : ձերմակն առեր է չորս դին .
 Երկնքը՝ գոց, եւ գո՛ց՝ քիւերն ալ տանեաց . . .
 Ենեաւորիկ գիւղն այս ծովին մէջ սառած ,
 Ինչարժ ու լուռ՝ կը մտմըտա՛յ իր բախտին . . . :

Հարթեր է ծիւնն ամէն համբայ խորտուբորտ...
 Կը թռչտին հերմակ հանճերն անհամար՝
 Մարմարելով հողէ տունե՛րը խոնարհ ,
 Կուրցընելով գիւղին զամբռե՛րը պահնորդ . . . :

Առաւօտ է , բայց իրիկուան չափ թօնուտ . . .
 Վէրքի մը պէս լոյս մը յանկարծ կը բացուի
 Հեռո՛ւն , անկի՛ւն մը ամպերուն ետեւ մութ . . . :

Կը դադրի ծիւնն , եւ հառազա՛յթ մ'արեւի
 Նախանձաբեկ աչք մը կ'ուղղէ դէպ ի վար՝
 Երկրի անհուն անբըծութեան ծիւնափառ ,

Եւ կը պահուի . . . : Զիւնը նորէն կ'սկըսի . . . :

Ի Ր Ի Կ Ո Ւ Ա Ն Ա Ղ Օ Թ Ք

Համանրւագ՝ իրիկուան
Աղբիւրներուն, ծառերուն
Եւ դարձող գո՛մը հեռուն
Բոժոժներուն հովուական

Ինչպէս ե՛րգը դաշնալուր՝
Ծաւալիլ ու հրմայել
Եւ անձաւները անել,
Տէ՛ր, լեցընե՛լ ձայնիս տո՛ւր

Զեփիւռին եւ մռլթին հետ,
Թաւշափափո՛ւկ անոնց պէս,
Խնկո՛ղ ամէն արահետ

Ու փայփայո՛ղ զաղտնապէս,
Անցնո՛ղ ամէ՛ն դաշտերէ,
Տէ՛ր, իմ երգե՛րըս ըրէ՛ . . . :

Յ Ո Ւ Ս Ա Խ Ա Բ Ո Ւ Թ Ի Ի Ն Ք

Ամէն տուփի խորէն ցատկող սատաննե՛ր .
Ամէն ծաղկի բաժակին տակ պահուած օ՛ձ .
Դաշտին մէջ փո՛ս, հառազայթին քով ստուե՛ր .
Գգուանքներու ներքեւ յանկարծ սառած ծոց...:

Տանիքին վրայ իջած լուսի՛նը մօտիկ,
Եւ սրտին վրայ ծագած աչքե՛րը պայծառ...
Ուրուականնե՛ր որ մեր մէջէն միշտ կ'անցնիք
Եւ կը փրչէք մեր յոյսերուն վրայ վառ :

Անցէ՛ք, անցէ՛ք . վախցող չըկայ ա՛լ ձեզմէ .
Ա՛լ հրեռանքին մէջ ողբ մըն է խառնըւած,
Ա՛լ ամէն սէր ունի իր մէջն իր կասկած :

Հիմա՛, միայն թաղծութի՛ւնն մ'որ կը հզմէ,
Հիմա, քալուած դժուար համբուն ծայրն անել՝
Լո՛ւռ, անտրտո՞ւնը, քայլերըդ ե՛տ դարձընել...:

ՄԱԲՈՒՐ ՍԻՐՈՅ ԶԱՅՆԸ

Խորշէ մը դե՛ռ՝ ան վախնալով, չըլտուելուն
Համոզումով, եւ եղանակ մը կոտորած
Խառնած երգին, գետնամած ու բազկատարած՝
Գմբեթին տակ կ'աղաղակէ իր ալելուն . . .

Գմբեթին տակ ուր դեւերու ուրուականներ
Խորանն ի վեր եւ երկայնքէն որմերուն սուրբ
Կը մագլցին ու կը վազեն՝ քրքիջ մը նուրբ
Ծաւալելով եւ իշխելով հոն իբրեւ տէր . . .

Մինչ խորանին ետեւ ծունգի եկած ահա՛
Հաւատարիմ զըպիր մանո՞ւկ մ'արդեօք նախկին,
Անհրնագանդ նոր տէրերուն սաստող կամբին՝
Շարականի կըտոր մը հին կը հեկեկայ . . . :

Կը պատահի նոյն իսկ որ երբ լուսամուտէն
Արեւի շո՛ղ մը մութ տեղւոյն մէջ կ'երկարի՝
Զայնին շեշտերն ա՛լ աւելի յանկարծ արի
Կը նետուին վեր եւ միւսներուն վըրայ կ'իշխեն . . . :

1902

Ա Պ Ր Ի Լ

Ապրիլ ամիս . . . : Կը մանկանան աչուրներս
Մանկութեանն հետ տերեւներուն, սիւզերուն . . .
Օդին, հողին եւ հոգւոյս մէջ ի՛նչ աղերս,
Խորի՛ն աղերս մը կայ թրթռուն, ծաւալուն . . . :

Պատուհանէս՝ պարտէզներու վըրայ բաց,
Արեւ, անդորր ու թարմութիւն կը շնչեմ . . .
Թիթեռնիկ մը, օդի ծաղիկ վայրայած,
Կը խոնարհի իւրաքանչիւր ծաղկի դէմ . . . :

Երկիրն ամբողջ կախեալ-պարտէզ մ'է՛ կարծես՝
Երկինքէն վար, հաճանքներո՛վն արեւին . . .
Ծղրիթներու երգով խոտերը կ'օրրին . . . :

Յանկարծ հաճանջ մ'ալ կը մեկնի հոգիէս,
Կ'եղբայրանայ ծառերուն հետ ու լեռանց,
Կուտայ սրտիս գարունի յո՛յս մը վաղանց . . . :

1910

Գ Ե Ղ Զ Կ Ա Կ Ա Ն

Պզտիկ տուններ հեռո՞ւն ինձի կը ժպտին . . .
Գիւղ մ'է՛ թաղուած մեծ ծառերու շուքին տակ,
Անտառախիտ լերան մը կո՛ղը ետին
Եւ առջեւէն հոսող ջուրով մը յստակ . . . :

Եւ կը խորհիմ . . . Ե՛ս այդ գիւղին բընակիչ ,
Մենաւորիկ եւ մոռցըւած հոն կ'ապրիմ ,
Հոգիս յանձնած իր անդորրին ամոքիչ ,
Հովին, հողին եւ ծառերուն մըտերիմ . . . :

Ի՛նչ անուշ է գիշերն այնտեղ բընանալ . . .
Կեանքն հոն կանո՛ւլս , արշալոյսին կ'սկըսի .
Մըշուշասքօղ հեռուի լեռն ու դաշտն ալ
Յօրանջելով ոտքի կ'ելլեն . մեկուսի

Առուակն այգուն կ'ըսէ աղօ՛թք մը կարծես՝
Ալեակներուն համրիչն անվերջ քաշելէն .
Կը բուրվառեն ծառի ճիւղերն , եւ անտես
Ճըպուռներն ալ առուակին դիմ կը բռնեն . . . :

Օ՛ր անոնցմէ որոնք մէկ-մէկ կը բանան
Արեւին հետ դուռը իրենց տընակին ,
Որոնց միտքը թերեւս հողէն ալ խոպան՝
Սակայն հարուստ , բարի ու պա՛րզ է հոգին ,

Անոնցմէ մէկն ալ ջինջ առտու մը հարկաւ
Կը դարձընէ քաղցրը նայուածքը վըրաս ,
Եւ դիպուածաւ իր լոյս ժըպի՛տը անբաւ
Ինձ կը նետէ՝ ինչպէս միրգ մը նորահաս . . .

Անո՛ր, ո՛վ Տէր, լուսաբացի այդ պահուն ,
Ես ալ հոգիս ի վեր ընծայ կը դրկեմ ,
Եւ օրերուս վըրայ առկախ , օրօրուն՝
Կը տեսնեմ միշտ անոր պատկերն այգադէմ . . . :

. . . Օ՛հ այն գիւղը՝ մեծ ծառերու շուքին տակ,
Որուն , ո՛վ Տէր , ես ըլլայի բընակիչ .
Ան քայլերուս ըլլար սահման բովանդակ ,
Հոնկէ ի մահ ընթանայի քիչ առ քիչ . . . :

Կ՝ ԵՐ Ք Ե Ի

Կերգէի, ուրախ կամ տըխուր, ի՛նչ փոյթ,
եւ երկինքն ըլլար մըռայլ կամ կապոյտ՝
Երգս ինչպէս արտոյտ մը կը թռչէր վեր .
Երկու յօնք իրեն կ'ըլլային թեւեր
եւ կ'երթար, կ'երթար, անխոնջ ու թեթեւ,
Հորիզոնն ի վար, նայուածքի մ'ետեւ . . . :

Կերգէի՝ ինչպէս տըղաք կը կանչեն
Իրենց արծազա՛նգը հովին մէջէն,
Ինչպէս աղբատիկ տըղաք կը մուրան՝
Կծկած մեծ դըրան մը սեմին վըրան,
Ինչպէս խաղացող տըղաք կ'իյնան վար,
Ինչպէս կը շնչեն տըղաք ոգեւար . . . :

Կերգէի՝ նրման մանուկ դիւցազանց
եւ երգերս էին աշխոյժ ու անսանձ .
Կերգէի բաներ որոնք չեն խօսուիր
Բառերով փափուկ, բարի, անբասիր .
Կերգէի յաճախ անգէտ, ակամայ,
Կերգէի՝ ինչպէս... չեմ երգեր հիմա . . . :

Դեռ կ'երգեմ հիմա, աւելի՛ թերեւս
Վարպետը երգին, մինչ՝ աւանդ՝ այլ եւս
Ձայնըս չի հնչեր իր հին թարմութեամբ
եւ սիրտըս լըռած է շեշտերն իր բամբ . . .
Դեռ կ'երգեմ հիմա, մինչ կ'ուզէի ա՛լ
Անխօս ու անշարժ՝ հանգչիլ, քընանա՛լ . . . :

ԱՆՅԵԱԼՍ ԱՅՆՉԱՓ ՀԵՌԱՅԱԻ

Անցեալս այնչա՛փ հեռացաւ՝ որ մօտ եմ զայն մոռնալու,
Ան աղօտած է այնչա՛փ՝ որ զայն հագիւ կը տեսնեմ,
Եւ շատ անգամ դեռ երբոր ան կը կանգնի աչքիս դէմ՝
Ձինք չե՛մ ճանչնար եւ ձայնին ա՛լ չէ իմ սիրտըս հըլու...:

Ես չեմ ճանչնար մանաւանդ տըղան որ ե՛ս եղայ հոն,
Իմ կերպարանքըս փափուկ եւ իմ հոգիս թրթռայոյզ,
Ու ինչ որ զիս կը թողու տրտմաթախիծ ու անյոյս՝
Հոգի՛ն որուն մատուցի ես պատարագ ու պաշտօն

Երկա՛ր ատեն, նըւիրմամբ ու այն ջերմիկ հաւատքով
Թէ ան իմ մէ՛ջըս յաւէտ պիտի ապրի՛ անճոռաց...:
Ուրեմըն բա՛ն չըմընաց . ամայացած բարձիս քով

Ո՛չ իսկ զրբոյկ մը կեանքիս լոյս-ստուերովը զրուած՝
Ձոր կարդալով, աչուըներս ինքնիրեննի՛ն գոցուէին...
—Մոմըդ մարէ՛, դժբա՛խտ մարդ, եւ նետուէ՛ վի՛հը
քունին...:

Ն Ե Ր Կ Ա Ն Ա Ն Ա Պ Ա Տ Ն Է

Ներկան անապատն է լուռ , ամայի ,
Նախադուռ ո՛չ մէկ երկրի աւետեաց՝
Ձոր գէթ հեռուէն պիտի տեսնէի ,
Անապա՛տ մ՛անծայր , ուր կամաց կամաց
Յոգնիլ կ'սկըսին յոյսերըս առոյգ ,
Ինչպէս երագս ալ , բոցաթեւ նըժոյգ ,
Կը կասի՝ կարծես բանալ ուզելով
Աւազին ներքեւ իրեն կայք մը զով . . . :

Առտուները ա՛լ բընաւ մանանայ
Ձիջնար երկինքէն . ո՛չ սիւն լուսեղէն
Կ'երեւի եւ ինձ ճամբայ կը բանայ
—Հընագէտք պիտի հողն արդեօք պեղե՞ն
Եւ օր մը այս սիւնն հաննն երեւան—
Ո՛չ մէկ ժայռի տակ կայ զուսպ շատըրուան
Եւ աչքիս դիմաց ամէն մորենի
Ու ամէն փափաք կ'այրի՛ , կը հատնի՛ ...:

Ներկան անապատն է լճու, անխրվիրտ...
 Կը մոռնամ թէ ո՞ր անցեալէն եկայ՝
 Յիշելով միայն թէ համբան էր բիրտ
 Եւ զիս ջախջախեց իր խոնջէնքն հսկայ .
 Ապագան. — ահա դաշտ մ'ոսկերոտեաց
 Եւ ե՞րբ յարութեան փողն երբեք գոռաց....:

1907

Պ Ա Թ Ի Ի Լ Լ Է Ս Ի Մ Ա Հ Ը

Ինչպէս օղի՝ սիրոյ շունչի մը պակասէն
 Հիմա մարած, մեռնելու մօտ է Պաթիւլլէս...
 Գարայրի մը մութ խոռոչին մէջը, կ'ըսեն,
 Ինչպէս հոգին դէմքին ետեւ՝ ինքը այնպէս
 Կը պահուըտի, տարիներէն հալածական . . .
 Զինք իր ցաւին հետ հոն մոռցա՛ւ անգութ Պարկան:

Շա՛տ սիրուեցաւ, բայց ա՛լ ոչ ոք զինք չի սիրեր .
 Ո՛չ մէկ քերթող զինքը չերգեր ըզմայլահար,
 Եւ չի գգուեր զինք ո՛չ մէկ ծեր իմաստասէր
 Որուն համար ինք ներդաշնակ լուծումն ըլլար
 Խորհրդասօղ գոյութեան մն՛ծ առեղծուածին...
 Սեւ թիթեռներ հիմա իր շուրջը կը յածին....:

Բայց իր խորշին մէջ կը լրսէ ահա՛ յանկարծ
 Թրթռուն աղմուկ մ'որ անտառէն իրեն կուգայ...
 Տըղայ մ'անշուշտ, մարմանդին վրայ ընկողմանած,
 Այդ երգն անուշ՝ անո՛ւշ հոգւով կ'երգէ հիմա...
 Զայն ատենօք իրե՛ն ձօնեց Անակրէոն . . .
 Եւ Պաթիւլլէս արտասուողող կը մեռնի հոն....:

1910

Ս Է Ր Մ Ը Գ Ա Ղ Տ Ն Ի

Սէր մը գաղտնի՝ դանդաղօրէն հասունցած ,
Իրար գրկող նայուածքներով խուսափուկ ,
Եւ շեշտերով , մրմունջներու մէջտեղ ցած ,
Որ ակամայ բացուող դուռներ են ծածուկ...:

Սիրտէ ի սիրտ գացող համբան կը յորդի
Մերթ արեւով , մերթ ամպերով կը մթնէ .
Ի՛նչ փոյթ սակայն՝ եթէ վայրկեանը արդի
Մեզ նըլաղիլ , մեռնի՛լ կուտայ յուզումէ...:

Եւ տենչանքներ , շիւղերու պէս կը ծըլին ,
Կանա՛նչ այնպէս , այնպէս անծայն , աննշմար .
Սիրտէ ի սիրտ գացող համբուն մէջ լըռին...:

Օր մ'ալ այնտեղ երկու բերան դողահար
Միակ բառով մը ամէն թումբ կը քանդեն
Եւ կը կազմեն... Ծ'հ նոյն համբո՛յրը արդէն...:

Ե Ս Ջ Ի Ն Ք Կ Ա Ր Ծ Ե Մ

Ֆս զինք կարծեմ ուրիշ անգամ տեսած եմ
Եւ այդ աչքերն՝ արդէն , արդէն կը սիրեմ .
Միայն չէի ես դեռ իր ծա՛յնը լըսեր
Եւ պահեցի զայն հոգւոյս մէջ գաղտնասէր...:

Սակայն նորէն հեռացաւ ան , եւ նորէն
Իր պատկերը ընկղմեցաւ քաղցրօրէն
Եւ զոցուեցա՛ւ ալիքներէն անցեալի ,
Ալիքներուն տակ զերդ գոհա՛ր սխրալի :

Ա՛հ թո՛ղ երթա՛յ ու չընայի՛մ ետեւէն ,
Թո՛ղ հանդարտի՛ սրտիս խըռո՛վքը տարտամ
Եւ աշխարհի մէջ յաւիտեան զինք մոռնա՛մ...:

Միայն երբ զայ մահուանըս ժամն՝ այն ատեն
Յիշե՛մ իր ծայնն ու իր նայուածքը յանկարծ ,
Եւ այդ դողին մէջ հեռանա՛յ շունչս անդարծ...:

1909

ԱՂՈՒՈՐՆԵՐԸ

Աղուորն ա՛ն է յաւիտեան՝ որ անցաւ օր մը քովէդ
Եւ աշուրնե՛րրդ օծեց, աստուածային այցելո՛ւ,
Գեղեցկութեամբ մը որուն ա՛լ չըդարձար նայելու,
Եւ չուզեցիր հանդիպիլ անոր անգամ մըն ալ գէթ...:

Աղուորն ա՛ն է տակաւին, յաւիտեա՛նէ յաւիտեան,
Որ նայուածքիդ արեւին տակ կը մեծնար յամբօրէն,
Որ գերդ ծաղի՛կ մ'օրօրուող գարնան անուշ հովերէն,
Երբ մեկնեցար՝ մտքիդ մէջ մընաց միշտ թարմ, մի՛շտ
բուրեան...:

Եւ աղուո՛րը — դուն գիտե՛ս օրհնեալ անո՛ւնը անոր —
Անիկա՛ է՝ որ կարծես պիտի կրնար քեզ սիրել,
Որ սէրդ անշուշտ գուշակեց եւ ըսպասեց ակընկոթ,

Որուն սակայն լաւ է որ չուզեցիր սի՛րտը խռովել...
Աղուորն անո՛նք են միայն՝ որ տենչանքիդ ընդմէջէն
Անցան գացին ու հիմա քեզ հեռուէ՛ն կը կանչեն...:

ՉԷԻ ԿԱՐԾԵՐ ՔԵԶ ՍԻՐԵԼ

Չէի կարծեր քեզ սիրել...: Յորմէհետէ բայց հեռու
Ենք իրարմէ օրերով, ես շարունակ կը տեսնեմ
Գողտըր պատկերը դէմքիդ արեւագուրկ աչքիս դէմ,
Կը յիշեմ մէ՛ն մի շարժումդ եւ մէ՛ն մի շեշտդ ալ աղու...:

Գեղեցկութի՛ւնըդ վերջէ՛ն ծընաւ մտքիս մէջ կարծես,
Ինչպէս հողին մէջ թաղուած հունտքն բո՛յսը կը ծըլի...
Ծընա՛ւ, մեծցա՛ւ, ու հիմա պարտէ՛զ մըն է սխարլի՛
Մըտածումէ՛ս բարձրացած, շատըրուանուած աչքերէ՛ս,

Իր ծառերով հովանուտ եւ ջուրերով յորդագեղ՝
Որոնց մէջտեղ կը շրջիմ ու կը շնչեմ արբեցած,
Մերթ քաղելով յուշիկներ՝ ծաղկանց նրման երվինագեղ,

Եւ մերթ ալ հոն մընալով շըւարած ու մըտայած,
Հարցընելով՝ — Այս դըրբխտն ո՞ր աստուածինն է
արդեօք,
Ես ո՞ւր եւ ե՞րբ տեսայ զայն, եւ կա՞յ աստուածն այդ
իրօք...:

Ա Ն Ո Ւ Ն Գ

Ինչո՞ւ անուներդ այստեղ չըկարենամ գրրել ես
 Եւ աշխարհի չըյայտնեմ թէ քեզ ինչպէ՛ս սիրեցի . . .
 Երկու վանկերը անոր ես կը զուրցեմ զաղտնապէս
 Եւ ան ամբողջ կը թըլի սիրոյ մատեան մը ինձի . . .
 Ինչո՞ւ անուներդ այստեղ չըկարենամ գրրել ես . . . :

Հիմա հեռո՞ւ իրարմէ՛ միայն անո՛ւներդ ունիմ
 Բերնիս վըրայ, համբոյրի մը պէս աննիւթ եւ անուշ . . .
 Գիշեր ատեն , սենեկիս մննութեան մէջ մըտերիմ ,
 Ես զայն կըսեմ եւ ահա՛ քեզ կը տեսնեմ քաղցրայուշ . . .
 Հիմա հեռու իրարմէ՛ միայն անո՛ւներդ ունիմ . . . :

Գեղեցկութիւնդ ու իմ սէ՛րս յօրինեցին զայն կարծես . . .
 Սիրտս իր անդուլ տըրտիմամբ անընդհատ զա՛յն կը հեգէ՛
 Թէպէտ վաղո՛ւց մտքիս մէջ քեզ ամբողջ գոց գիտեմ ես . . .
 Քեզ չըճանչցած ունէ՛լի՞ր դուն այդ անո՛ւնը միթէ . . .
 Գեղեցկութիւնդ ու իմ սէ՛րս յօրինեցին զայն կարծես . . . :

Մ՛չ , չեմ ուզեր, չեմ կրնա՛ր ես զայն յանձնել աշխարհի-
 Երկու վանկովն իր կ'ուզեմ խնկել իմ կեա՛նքըս միայն ,
 Եւ երբ վերջին արեւիս վերջին ճաճա՛նչը մարի՛ [ուան-
 Անունդ ի շուրթ դեռ կ'ուզեմ ողջունել ա՛յդը մահ-
 Մ՛չ , չեմ ուզեր, չեմ կրնա՛ր ես զայն յանձնել աշխար-
 հի . . . :

1911

Հ Ո Ւ Ի Դ

Պզտիկ աղջիկ , հոգիիդ ցուցուցիր դէմքն ինձ այսօր՝
Ձոր ես չեի տակաւին աչքերուդ մէջ կարդացած . . .
Ի՛նչ հաճոյք էր թափանցել յանկարծ մութին մէջ անոր
եւ զայն գտնել այնքան քաջ, ու վեհազգած, ու զըթած . . . :

Հոգի՛դ, այո՛, աչքերուդ եւ հասակիդ արժանի ,
Այնքան մատաղ ու այնքան արդէն հարուստ ու հասուն ,
Գարնանաբո՛յր քու հոգիդ մարմինիդ մէջ ծաղկատի ,
Ձոր շնչեցի հրմայուած՝ ինչպէս հոգին վարդերուն . . . :

Բառով մը դուն ցուցուցիր հոգիիդ դէ՛մքը ինձի ,
Պզտիկ աղջիկ , եւ այդ բառն ես սրտիս մէջ պահեցի
եւ զայն յիշեմ պիտի միշտ՝ երբ դուն մոռցած ըլլաս
զիս :

Գիտե՞ս թէ ի՛նչ կ'ուզեմ արդ . . . օ՛հ , ո՛չ թէ զիս յիշէիր ,
Այլ թէ որքան ալ մեծնաս ու տառապիս ու հրճուիս ,
Յիշե՛ս հոգիդ այսօրուան եւ փափկութիւնն եւ ո՛ւժն իր . . . :

1912

Ժ Պ Տ Ո Ւ Ն Ա Չ Ք Ե Բ Գ

Ձրհասկցուած բաներուն ,
Բընութեան մեծ գաղտնիքին
Նրման՝ աչքերը՛դ ժպտուն
Հոգիիս մէջ կը նային :

Ժպտուն աչքե՛րրդ արդեօ՛ք
Սէ՛ր մը ինձի խոստացան ,
Մինչ կը կարդամ անձկանօք
Ես հոն վրճի՛ւրս անծայն . . . :

Ժպտուն աչքե՛րրդ բացի՞ն
Թէ գոցեցին դուռ մ'ոսկի ,
Որուն ղիմաց կը յաղկի

Դեռ սիրոյս բո՛ցը նախկին . . .
Ժպտուն աչքերդ մա՞հ թէ յոյս
Կը պարզեն դէ՛մը սիրոյս :

1903

ՉՈՐՅԱԻ ԱՂԲԻԻՐԸ ՍՐՏԻՍ

Չորցա՛ւ աղբի՛ւրը սրտիս, քաղցրակարկաչ այս սրտին՝
Որուն անուշ, յորդաբուխ, հին ջուրերուն վազքն անգամ
Հիմա հագե՛ւ կը յիշեմ եւ հագիւ մերթ կը մընամ
Անրջասո՛յզ՝ թէ անոնք թերեւս նորէ՛ն կը բղխին . . . :

Չորցա՛ւ աղբիւրն՝ աւելորդ զոհողութեան մը նըման ,
Չորցաւ՝ ի տես իր ուղխին աւազներէն՝ ծծուելուն ,
Եւ զի շատոնց չըբուսաւ ծաղիկ մը եզրն իր համբուն
Եւ ուղեւոր մը շատո՛նց չըհակեցաւ իր վըրան . . . :

Հիմա՛, ցամբած այդ ակէն կը մընայ լո՛կ մէկ հակատ ,
Աւազալից իր գուռով եւ քարերով մամուռապատ
Որ կը գատուին օրէ օր եւ կը թափին աննշմար . . . :

Չորցա՛ծ աղբիւր, չէ՞ր կրնար ըլլալ սակայն՝ որ վերջին
Անգամ մըն ալ սանձաբեկ ջուրերդ յանկարծ ժայթքէին
Եւ շէնքդ ամբողջ, անոնց տակ, մեծաշառա՛չ վար իյ-
նար . . . :

ՀԱՅՐԵՆԻ ԳԱՐՆԱՆ ՅԻՇԱՏԱԿԸ

Եթէ լըռէ՛ր վայրկեան մը սրտիս աղմուկը անկարգ ,
Եթէ պահիկ մը դադրէ՛ր կիրքին խուճապը քանդիչ ,
Ըստուերին մէջ իրիկուն մ՛եթէ աչքե՛րբս անարգ
Չըվառէ՛ի՛ն տենչանքով ու գոցուելով քիչ առ քիչ

Ձիս ամփոփուիլ, հանդարտիլ ու ըսպասե՛լ Անցեալին՝
Իր գոյներով, բուրումով, պայծառութեամբ, թարմու-
թեամբ ,

Վերադարձի՛ն հեզօրէ՛ն զիս ըսպասե՛լ թոյլ տային . . . ,
— Ինչպէ՛ս անա կը բանայ երկինքն իր ծոցը անամպ

Իր կապույտովը շրքեղ մայիսի ջինջ առտըւան ,
Բըլուրը ի՛նչ թաւշաթոյր կողեր ունի վէտովէտուն ,
Ի՛նչ աղուոր է դեռ թրջած խոտերուն մէ՛ջը գալ ման
Եւ երկննա՛լ, եւ դիտե՛լ հեռուի լե՛ռը ժպտուն . . . :

Հո՛ն՝ գարիի նորաբոյս արտը շրջարշ մ՛է նըբին
Որուն ներքեւ կը շողան հարսնուկնե՛րը յակնթեայ .
Հո՛ս՝ եզերքէն, բուռերով երիցուկներ կը յորդին
Եւ կը հոսին՝ մարգարտի զերդ հեղե՛ղ մը համբուն վրայ . . .

Քիչ մը անդին՝ հեշտացրի՛ւ հօ՛տը հովուին կ'արածուի ,
Գառնուկները կը մայեն եւ կը ցատկեն անդադար ,
Եւ ուլերը տոպրակուած ծիծերուն տակ մայրենի
Կը քսուըռտին եւ կ'ուզեն իրենց բաժի՛նը արդար . . . :

Ինչպէ՛ս անա՛ զեփիւռն ալ կուգայ դաշտին այցելու ,
Թիթեռնիկները կուգան թալթըլելէ՛ն , դողալէն ,
Մինչդեռ ծառերն ալ կարծես կ'ըսեն գաղտնիք մ'իրարու
Երբոր հովէն գըլուխնին իրարու վրայ կը ծըռեն . . . :

Մատաղերամ տըղոց խումբ մ'ալ կը խաղայ անոնց մէջ .
Անոնց հնչուն ծիծաղին ես կ'ունկնդրեմ ցնծութեամբ .
Օ՛հ , անոնց մէջ է անշուշտ իմ ծիծաղս ալ վաղաշէջ . . .
... Ինչպէ՛ս ինծի կը բանայ Անցեալն իր ծոցը անամպ . . . :

1903

ԵՒ ՆՈՐԷՆ ԽՈՆՁ ԵՆ ՇՐԹՈՒՆՔՆԵՐՍ

Եւ նորէն խո՛նջ են շրթունքներս երգելէն ,
Եւ այս սըրինգն, Աստուած, հաթած է արդեօք,
Եւ Տենչանքնե՛րն՝ որ մութին մէջ կ'այցելեն ,
Որոնց ի տես կը դողայի հրեռանօք՝

Մոլորեցա՛ն արդեօք համբան... , կամ հոգիս՝
Մեհեա՛ն իրենց, աստուածներո՛ւ թափառիկ,
Շատ հի՞ն գըտան ու լըքեցի՛ն արդեօք զիս,
Եւ պիտի մնա՛մ ա՛լ առանձին, անտրիկ . . . :

Շրթներըս խո՛նջ են երգելէն ; յաւիտեա՛ն .
Բոլոր յոյսե՛րըս մի առ մի կը կըքին
Եւ սիրտըս խո՛նջ է տենչալէ Տենչանքին . . . :

Այսպէ՛ս թողէ՛ք զիս վարժուիլ Լըռութեան ,
Յիշատակներ , ո՛վ դուք որ դեռ կը հըլէք ,
Յիշատակներ, գիտցէ՛ք մեռնիլ՝ լո՛ւռ եւ սէգ . . . :

Գիտե՛մ, յոգնած ես, համբո՛րդ, եւ օրն ալ է տարածամ.
 Ես ըստուգիւ քու վրբադ զերդ եղբօր մը կը խղճամ.
 Պէտք չէ՞ր հիմա խոնջէնքիդ առջեւ գտնել դուռ մը բաց,
 Պէտք չէ՞ր գոնէ համբուն մէջ հակատագրին կարծրացած՝
 Հին սիրոյ մը մայրական աղօսին մէ՛ջը պառկել,
 Երագելով երկնաբերձ սանդուղ եւ ցուպ ծաղկածիլ....:

Գիտեմ, համբո՛րդ, թէ կուգաս մըշուշասքօղ այն երկրէն
 Որուն ամուր շղթանները դեռ հոգիդ կը գերեն,
 Որմէ աղու՛րը չըկայ, որուն չըկայ նրմանն ալ,
 Զոր կ'ուզէիր՝ բայց երբե՛ք ա՛լ չես կրնար դուն մոռնալ:

Լա՛ւ, մի՛ մոռնար զանիկա, բայց մի՛ ուզեր դառնալ ետ.
 Անցեալն անթիւ դուռներ են՝ իրարու վրայ գո՛ց յաւէտ.
 Անցեալը մութ բաւիղն է որուն թելը առաջնորդ
 Զրտուեցաւ ոչ մէկուն..., զոր կ'ողողեն միայն յորդ
 Արտասուքներ, արիւններ..., եւ հոնկէ միշտ ու միայն
 Մա՛հը կ'անցնի, ու անվերջ կ'ամայացնէ, կ'աւլէ՛ զայն....:

Ես՝ պարտըւած մը կեանքէն, վիրաւորուած մը անկէ,
 —Մենք մեզի ենք, ո՛վ հոգիս, խոստովանի՛նք ասիկա—
 Ինչպէս կ'ըլլայ, կը խորհիմ, որ նորէն ժամ մը կուգայ
 Ուր սրտիս խորը յանկարծ կեանքին հանո՛յրը կ'երգէ....:

Բառ մը յաճախ կը բաւէ հորիզոններ բանալու,
 Ճառագայթ մը անցեալէս՝ կ'ըլլայ լո՛յսը ներկային,
 Եւ աչքերէն որ վայրկեա՛ն մ'ինձ բարութեամբ կը նային՝
 Ապագայիս վրայ անվերջ երջանկութի՛ւն կը հեղու:

Եւ անձնատուր այս անհուն արբեցութեան զոր ընդ միշտ
 Կը կարծէի անհրնար, ես կը մոռնամ ամէն վիշտ,
 Ամէն կասկած, ու կեանքին հե՛տ նորէն պար կը բռնեմ:

Յիմարութի՛ւն, սրտութի՛ւն՝ կ'ըսեմ վերջէն ինքզինքիս
 Երբ կը մընամ ես նորէն տրտմութեանս հետ դէմ առ դէմ:
 — Բայց այդ սուտին դուն ինչպէ՛ս կը փախաքիս,
 ո՛վ հոգիս:

Դուն չըգիտցար, չե՛ն գիտեր այդ տարիքին մէջ կանայք,
Թէ այն ամառն ի՛նչ սիրուն, ի՛նչ գեղեցիկ իսկ եղար-
Ինչպէ՛ս աչքիդ ու ձայնիդ շղթան օդակ առ օդակ
Շուրջըս կ'առնէր ու կ'ընէր զիս քու գերիդ դողահար...:

Շուրքիդ մէջէն շարունակ եկող գերի՛ն քեզի հետ՝
Ձոր դուն երբե՛մըն հագիւ ըզգացիր մօտդ, ու երբե՛ք
Չըկարծեցիր թէ ան կեանք կ'առնէր միայն քու տեսքէդ
Եւ կ'ըլլար մերթ յուսալից եւ մերթ նորէն սրտաբեկ...:

Դուն չըգիտցա՛ր ասիկա... Եւ հեռուէն այ երբոր
Մըտածումներս ամէն, զերդ տատարակներ ըսպիտակ,
Դիշեր ցերեկ, անվրհատ, հեշտաթըռիչ, անմոլոր,

Կը թըռէին դէպի քեզ՝ իբրեւ իրենց բիւին տակ,
Չըգիտցա՛ր թէ կեանքիս ծա՛ռն էր զոր ամբողջ՝ կտցակիր
Կը բերէին թափեւ շուրջդ, որպէս զի վրա՛ն կոխէիր...:

1907

Եթէ՛ հիշդ է որ ըզքեզ յանկարծ քայլե՛րրդ տարին,
Դեռ նոր անշուշտ, օ՛հ դեռ նոր, խորհրդաւոր ու շքեղ
Այն պարտէ՛զն ուր երազներ մեծ ծառերու կատարին
Եւ համբոյրներ՝ բաժակին վըրայ ծաղկանց կը թառին...:

Եթէ՛ իրօք այս ամառ միայն մըտար դուն այնտեղ,
Ֆանկարծակի՛՝ օր մը երբ անոր չէիր ըսպասեր,
Եւ շրջացած աչքերուդ դէմ՝ ծագեցան բիւր լոյսեր,
Եւ չըգիտցար բաւական տտեն թէ սէ՛րը այս էր...:

Եթէ՛ վերջէն, զարմանքիդ վախ մը յանկարծ յաջորդեց,
Եորունկ հանոյք մը գըտար տառապելուն մէջ լըռիկ,
Մերթ հեռանալ ուզեցիր, եւ ծառերուն կուրծքըդ յեց՝
Հոն մընացիր ու լացիր, ու գիտցար թէ որքա՛ն մեծ

էր գիւթութի՛ւնը տեղւոյն... Եթէ՛ իրօք, ո՛վ պզտիկ,
Մերոյ գաղտնի՛քը անհուն այսօր այլե՛ւրս գիտես...
Եկո՛ւր, եկո՛ւր, զի սրտիս դուն չափազանց ես մօտիկ,
Եկո՛ւր, անցեալս ու ներկադ թո՛ղ գրկըւին գաղտնապէս:

1912

Ա Ղ Բ Ի Ի Ն Ե Ր Զ Ո Ր Յ Ա Ն

Աղբիւրներ չորցան, գո՛վ, պայծառարե՛ւ,
Եւ չբղխեցան ուրի՛շ աղբիւրներ
Որոնց խուլ գոռո՛ւմը հողին ներքեւ
Ամառուան մէջտեղ կը լրսեմ մերթ դեռ...:

Հեզածայն գրնաց, թափեցաւ ի ծով
Մանկութեանըս ջինջ, պաղպաջուն առուն,
Եւ պատանութի՛ւնս անցաւ յուսալով,
Ժպտելով իր լա՛յն հորիզոններուն . . . :

Կեցած եմ հիմա կեանքի կէս-համբան .
Ջուրերն յորդաբուխ ցամբեցան բոլոր
Եւ բոլոր ծաղկունք շուրջը թոռմեցան . . . :

Բայց, ո՛վ Տէր, անոնց հին փոսին մէջ չոր
Զի՛ կրնար ըլլալ՝ որ յետամընաց
Հեղեղ մը սիրոյ գայ հոսիլ յանկարծ . . . :

Ն Ո Ր Է Ն Ո Վ Ս Է Ր

Նորէն, ո՛վ Սէր, զիս զարկիր եւ թողուցիր վերաւոր...
Դանակին ծա՛յրը սրտիս դրպաւ, սրտիս մէ՛ջն է արդ,
Եւ արիւնիս այդ վէրքէն կ'զգամ բղխո՛ւմը զըւարթ,
Եւ չեմ կրնար, չեմ ուզե՛ր խըլել դանա՛կը աղուոր...:

Իմ էութի՛ւնս ընդ առաջ ցատկեց իսկոյն այդ վէրքին,
Ընդունեցի զայն ինչպէս հաղորդութի՛ւնն ըսկիհէն,
Դանդաչեցի՝ բայց ինչպէս կոյրերը որ կը տեսնեն
Յանկարծակի, նշդրակի մը հարուածէն առաջին...:

Եւ եթէ վէ՛րբըս այսքան ինծի անուշ է հիմա,
Անո՛ր համար է որ զիս կը դարձընէ անցեալին,
Անո՛ր համար՝ որ սրտիս իր հին արե՛ւը կուտայ...:

Ո՛վ քաղցրութիւն... Հոգիէս մեծ հառաչներ կը թըռին,
Անըրջագօծ աչքիս մէջ մերթ արցունք կայ, մերթ ժըպիտ,
Եւ կը տեսնեմ ամէն ինչ արցունքներուս պէս վընիտ:

4910

Տ Է Ր Ի Վ Ե Ր Զ Ո Յ

Տէ՛ր , ի վերջոյ երբ նըւաղի լոյսը կեանքիս ,
 Վերջին շընորհ՝ պիտի ուզեմ որ դէմս ըլլայ
 Անո՛ր պատկերն այն տարիքին ուր սիրեց զիս ,
 Նոյն աչքերով եւ նոյն ժպտովն ալ անուղղայ . . . :

Թո՛ղ ատիկա ըլլայ իրկուն մը ամառուան ,
 Երկինքը թո՛ղ առնէ իր գոյնն ամենանուրբ ,
 Խաղաղութիւն մը պարուրէ թո՛ղ ամէն բան ,
 Եւ թո՛ղ մտքիս վըրայ իջնայ ստուե՛ր մը սուրբ . . . :

Որոշապէս պիտի գիտնամ թէ՛ ա՛լ կ'անցնիմ . . .
 Ո՛չ մէկ զոյժամ պիտի կրծէ սիրտըս սակայն .
 Թէ՛ այս միակ կեանքդ իսկ ըլլայ՝ օ՛հ Աստուա՛ծ իմ ,
 Անոր համար շընորհակալ եմ քեզ միայն . . . :

Եւ այդ պահուն յանկարծ ծովէ մը լուսաւոր ,
 Իմ անցեալիս ովկիանէ՛ն խաղաղադէմ ,
 Ինչպէս կղզի մը թո՛ղ յառնէ պատկերն անոր ,
 Ու ես յուզուած եւ հըմայուած զանի դիտեմ . . .

Ջայն ընդ երկա՛ր , յաւէրժութեան երկա՛ր վայրկեան
 Մը թո՛ղ դիտեմ , ծաղկասպիտակ ու հեշտագիծ
 Այդ փոքր կղզին , ու թարթիչներս երբոր իյնան՝
 Թող ինձ թըւի՛ թէ հիշդ հասայ իր ծո՛ցն անբիծ . . . :

Ե Ր Զ Ա Ն Կ Ո Ի Թ Ի Ի Ն Ը

Երջանկութիւնն այս է լոկ . . . Երկու հոգի ըլլալ հոս,
Երիտասարդ ու հարուստ, գեղեցկադէմ, քաջառողջ,
Որ կ'ունկնդրեն իրարու երբ կը մընան իսկ անխօս,
Եւ իրարմով են ամբողջ . . . :

Երկու հոգի մէկ տան մէջ, մէկ սենեակի մէջ մինակ՝
Երբ իրիկուան լամբարին կը զեղու լոյսն ընտանի,
Երբ տուն կուգայ այրը որ՝ ծընած բարի աստղի տակ,
Կինն աստղին մէջ կը տանի...:

Երկու հոգի, յաւիտեան խորհրդակից իրարու,
Որ չեն պահեր եւ չունին իրարմէ բան մը ծածուկ,
Որոնց աչքին բընութեան առեղծուածն իսկ անարկու
Կը պարզըւի անշըշուկ...:

Երկու հոգի, Աստուած իմ, հազարներու, բիւրից մէջ,
Որոնց մին ես ըլլայի, ինչպէս միւսն ալ անիկա,
Ան որուն զեռ կը պահեմ սրտիս մէջ յոյսը անշէջ,
Եւ որ պիտի ա՛լ չըգայ...:

1910

88

Ո՛Վ ՊԱՏՐԱՆՔԻ ԻՄ

Գըթութիւն . . . Չըլլա՛յ որ ինծի նայիս,
Չըգա՛ն բաղխըւիլ աչքերդ հոգւոյս,
Չըպղտորե՛ն լիճն անդորը ներկայիս,
Չընետե՛ն սրբտիս մէջ տենչանք ու յոյս...:

Թո՛ղ սէրըս ըլլայ միայն արշալոյս,
Թո՛ղ պարտէզն ըլլայ ուր եկաւ մայիս,
Պարտէզին թիթեռն ըլլայ մշտախոյս
Եւ դուն՝ ա՛մպն անցորդ որ չի՛ տեսներ զիս...:

Քանզի տեսայ քեզ ու հերիք է աս,
Եւ աչքերս իսկոյն գոցեցի արդէն
Որպէսզի ըզքեզ լաւ ե՛րբ տեսնեն . . . :

Եւ ի՛նչ պէտք որ ինձ կրկին երեւնաս .
Լաւագոյն բաժինն էութեանդ ունիմ,
Ո՛վ անմեռ ծաղիկ, ո՛վ Պատրանբըդ իմ...:

1909

89

Կը պատահի ալ երբե՛ մն որ Յաւս հրպարտ ընէ զիս...:
 Ես առանձին եմ, կ'ըսեմ, իր հանկին մէջ գալարուող,
 Եւ իր ճիչերն ալ՝ խորունկ անդունդներուն մէջ սրտիս
 Կընամ խեղդել ու մընալ լուռ, անտարբեր, մըթասքօզ...:

Սակայն երբե՛ մն երբ կ'անցնի երջանկութի՛ւն մ'ալ բովէս,
 Երբ անապատն որ յուսաց փոթորկին մէջ շիթ մ'անձրեւ՝
 Կը տեսնէ լոկ վերյառնումն աւազներուն հըրակէզ,
 Ես կ'անիծեմ Տառապանքս ու կ'ընկճըւիմ իր ներքեւ...:

[վրայ ,

«Աստուա՛ծ, Աստուա՛ծ, կը գոչեմ երեսանկեալ գետնին
 «Ահա՛ զընաց ան որ զիս պիտի ընէր երջանիկ ,
 «Ան որ կ'երթայ յաւիտեան ու պիտի ա՛լ չըդառնայ...:

«Ինձմէ ի զատ ի՛նչ օրհնեալ, ի՛նչ բախտաւոր են մարդիկ-
 «Յետին աղքատն ալ երբե՛մն իր պզտիկ գանձն է գըտած.
 «Զիս անոր եւ ամէնուն նըման ըրէ՛, ո՛վ Աստուած...:»

Եղայ քայլ առ քայլ մեկնումիդ վրկայ ,
 Տըղա՛ս , մանկութեան չքնաղ պարտէզէն .
 Առեւանգումիդ յամր , ամէնօրեայ ,
 Ըգբեզ անձնատուր տեսայ խեղճ, անզէն...:

Ինկան՝ թարշամած՝ վարդերն այտերուդ ,
 Եւ աչքիդ արեւն օր մ'անհետացաւ
 Հոգիէդ ելլող ամպերուն տակ մութ ,
 Եւ անմեղութիւնդ ալ թըռա՛ւ , տակաւ...:

Հիմա՛, պարտէզին դըրան մէջն ես դուն,
 Վաղը դուրսն արդէն , եւ ես միայն կամ
 Որ հոն կը տեսնեմ քեզ անհող, Ժպտուն...

Զի դուն չե՛ս զիտեր , իմ փոքր բարեկա՛մ,
 Զի մեկնողը ուշ , շատ ետքը միայն
 Կը յիշէ պարտէզն ու կ'ախտասայ զայն...:

Դուն գիտե՞ս, հոգի՛ս, համբան որ կ'երթայ
Անտառին անուշ ըստուերին ներքեւ,
Ուր զով մըթութիւն մ'աչքերուն վըրայ
Կիջնայ զերդ համբոյր մ'օղ առկախ ու սեւ,
Ուր սիւզը հազի՛ւ ներս կը սորսորայ . . .

Այդ խորշն է մատուռ ու ես՝ քահանայ,
Որ վարագուրող ծառերուն ետեւ
Կ'աղերսէ միշտ քեզ, ու յետոյ կուլայ՝
— Դուն գիտես . . . :

Միւռօնի տեղ ես սիրովդ օծուեցայ՝
Դիտե՛ս ո՞ւր եւ ե՞րբ... եւ գիտե՛ս նաեւ
Թէ պատարագուոր հոգիս նորընծայ
Բուրվառիս խունկին հետ կը բարձրանայ
Եւ քեզ կը գտնէ միշտ, միշտ իր վերեւ,
Դուն գիտե՛ս . . . :

I

Ահաւասիկ... ա՛լ չեմ լար եւ ա՛լ ոչինչ չեմ խնդրեր
Կեանքէն որ ա՛յնչափ եղաւ ինծի խոժոռ ու ազահ .
Ես կը դառնամ Երազին, որ զիս երկար տարիներ
Տեսաւ առջին ծնրադիր՝ զերդ թագուհի մը ի գահ . . .

Ես Երազի՛ն կը դառնամ, անդաւանան սիրելւոյն
Որ մերձաւոր եւ հեռու, որ յստակ է եւ տարտամ,
Որ անշարժ է, անբարբառ, եւ բարութի՛ւն գերագոյն՝
Կը խոստանայ լրուութեամբն ամէն ինչ որ կը ցանկամ . . . :

Կեանքին վըրայ, կեանքէն վեր կը բռնակի անիկա,
Ան աղուոր է՝ ամենէն աղուորներէն աւելի,
Դուրգուրացուած՝ զաւկի պէս, կընոջ նրման՝ տարիալի :

Անկարելի չունի ան, եւ ամէն ժամ է ներկայ,
Եւ ան այնքա՛ն է բարի, այնքան սիրող, հոգածու՝
Որ քունիս մէջ իսկ կուգայ իր ըստիմանքն ինձ տալու . . . :

II

Ահա՛ թէ՛ ինչ ես ըսեմ պիտի մեղմիւ , իրիկուն
Մը երբ անոր վերջատին ճամբուս վըրայ պատահիւմ...
— «Բարե՛ւ, Երազ...: Օհ այո՛, ուրիշ անուն չունիս դուն.
Ես քեզ այդպէս կը ճանչնամ եւ դուն կուզաս, Երազդ իմ,

Երկինքներէն հեռաւոր՝ զիս հետըդ հոն տանելու ,
Վազցընելով զիս քեզ հետ ու ձրգելով շնչասպառ,
Միշտ նոր մարմին մը առած՝ որուն միշտ սիրտըս հըլու,
Կը հետեւի՝ գիտնալով իր խաբուի՛լը չարաչար . . .

[իմա ես.

Ո՛վ նոր Երազ, ողջո՛յն քեզ... Բո՛ւլկդ եմ արդեօք՝ թէ
Դուն չե՛ս որսո՛րդը անցորդ որ ակամայ զիս որսաց,
Եւ կամ ե՛ս եմ որ ըզքեզ ըստեղծեցի հոգիէս . . . :

Մութին մէջ արդ քեզի հետ կ'երթան քայլերս համընթաց,
Փընտըռելով մերթ ըզքեզ ու գտնելով բուլըս միշտ ,
Մըմնջելով ինքզինքիս՝ «-Ա՛հ Երա՛զս է՛ ճիշդ ու ճիշդ...:»

III

Այսպէ՛ս, միա՛յն հեռուէն, ինչքան բարի ալ թըլիս ,
Դէպի անցեա՛լըս կարծես վերադարձով մը յուշիկ՝
Կ'ուզեմ վըրադ գաղտնաբա՛ր ըսքանչանալ, ո՛վ հոգիս ,
Մըմնջելով միայն մերթ՝ «Գեղեցիկ է, գեղեցիկ . . . » :

Այսպէ՛ս ես միշտ սիրեցի ու երջանիկ եղայ շատ .
Կը նայէի՝ նայելուն երջանկութեա՛նը համար .
Մաքուր էին աչուըներս , ու կիրքերէ դեռ ազատ՝
Սիրտըս թեթեւ ու դողդոջ՝ Երազին գիրկը կ'իյնար...:

Բայց , ո՛վ Երազ , հիացքիս հիմա ընկե՛րը նորէն ,
Որ քաղցրօրէն քու ճերմակ թեւերդ ինձի կը բանաս ,
Որ կը տանիս զիս հեռուն , հեռու եւ վե՛ր աշխարհէն՝
Փետուրներուդ տեղալով հոտաւէտ ձի՛ւնը վըրաս...:

Ո՛վ քաղցր Երազ, երբ անվերջ կը թեւածես շուրջս հիմա,
Ձիս կը գրկես , կը տանիս , ու կը ձրգես վերջատին ,
Ըսէ՛ ինձի, չի՛ կրնար ըլլալ որ պահ մ'իբ վըրայ ,
Իմ սիրելուդս գլխուն վրայ ալ թռչտիս տարփագին...:

Ճիշդ ինձի պէս՝ իր սրտին ան ալ զարնելը ըզգար ,
 Երջանկութեան լոյսը նոյն շաւիղին մէջը տեսնէր ,
 Երկրնքի մէջ սաւառնիլ ուզէր ճակարով մը երկար ,
 Եւ , ո՛վ երազ , քու գրկիդ մէջ ինձի հետ գրկըւէր...:

IV

Ո՛վ իմ երազս , երեւցար ինձ այս գիշեր դուն նորէն ,
 Անձանօթի մը դէմքով ;
 Ինձ երեւցար ու անցար եւ պահեցի քաղցրօրէն
 Այդ պատկերն ալ հոգեխռով...:

Ինձ թըւեցաւ թէ սակայն ուրիշներէ աւելի
 Նըման էր ան երազիս ,
 Հասակ մը վեհ , դէմք մը նուրբ , աչքեր ունէր լուսով լի՝
 Ողողելու համար զիս...:

Եւ կարծեցի նոյն իսկ թէ՛ երազ մը չէր ան միայն ,
 Թէ՛ կրնայի՛ մօտենալ ,
 Ժպտիլ անոր , բռնել ձեռքն ու փայփայել , գրկել զայն ,
 Սիրել զանի , սիրուի՛լ ալ...:

Ո՛վ քաղցր երազ , լեցուցիր այս գիշեր կեանքս քեզմով ,
 Ու հեռացար , մարեցար...
 Նորէն մինակ եմ հիմա , ինչպէս նաւակ մը ի ծով ,
 Ալետատան , հողմավար . . . :

V

Եւ հրմայքով մը յանկարծ՝ տարիքիս բեռն աւելորդ
 Կը թափի վար ուսերէս, խորհուրդներէս ու սրտէս ...
 Տես, տամարվեց տարեկան կ'ըլլամ նորէն եւ, անցորդ,
 ճամբուդ վրայ վերբստին զիս հոգեզմայլ կը գտնես...:

Կը կանչեմ քեզ դողահար երբոր անցած զացած ես,
 Քեզ կը կանչեմ անձկագին իմ Երազիս ծաղկայորդ
 Պարտէզին մէջ ուր կուգաս եւ ուր կ'օրհնեմ, կ'օծեմ քեզ:
 Ուր կը բանամ, հո՛ն միայն, քեզի իմ սիրտս աննաղորդ...:

Ի՛նչ երջանիկ, ի՛նչ ուրախ կ'ըլլամ քեզ լոկ տեսնելով,
 Երբ դուն կ'երթաս այնչա՛փ սէզ, այնչա՛փ փափուկ ու
հերմակ,
 Զիս ձըգելով ընկճըւած շընորհներուդ գանձին տակ...:

Ի՛նչ երջանիկ դեռ յետոյ, երբ Երազին ծաղկանց քով
 Կը մըտածեմ միշտ վրայդ, քեզ կը խառնեմ միշտ անոնց,
 Եւ կը պահեմ քեզ միշտ հոն՝ երբ դուն մեկնա՛ծ ես շա-
տոնց . . . :

VI

Երազն ալ անա կը գոցէ տակաւ
 Սրտիս թռիչներուն առջեւ ըսպիտակ
 Իր երկնակառոյց եւ աստղաքանդակ
 Դուռը մըտերիմ՝ աշխարհին անբաւ...:

Այնքա՛ն մըտերիմ՝ որ Երազն յանախ
 Կեանքն իսկ կարծեցի, եւ աւելի շատ
 Իր մըթութիւնովն եղայ յուսահատ,
 Իր արեւներովն եղայ ես ուրախ ... :

Կեանքէն աւելի իմ կեանքս էր ան .
 Ոչ որ ինձմէ զատ գիտէր այն համբան
 Որ իր անասնման գանձերուն կ'երթայ...:

Եւ սակայն տակաւ կը գոցէ հիմա
 Ան իմ երեսիս իր դռնն հիւրընկալ...
 Աստուա՛ծ իմ, Աստուա՛ծ, այժըմ ո՛ւր երթալ...:

VII

Մեռան, գացին . . . : ձակատագրին դէմ դաժան
Ոմանք անդուլ մաքառելով մինչեւ վերջ,
Ոմանք մեղմիւ առտըւան դէմ մարեցան՝
Գիշերն ի բուն գալարուելով մութին մէջ,

Իրենց ցաւին հետ առանձին, լըռակեաց...:
Մեռան, աւանդ, անոնք որոնք միսէս միս
եւ հոգիէս հոգի էին, եւ անթաց
Աչքով տեսայ ես այդ մահերը սրտիս...:

Իմ էութեանս անոնք անշուշտ լաւագոյն
Մասը տարին ու թաղեցին առ յաւէտ .
Անոնք մեռան՝ իմ մանկութեանն իմ հանգոյն...:

Իմ Երազներս... Դեռ կ'երազեմ իրենց հետ,
Իրենց անուշ յիշատակին հետ անգայտ,
եւ գօս հոգիս կը թրթըռայ կենսախայտ...:

Վ Ե Ր Ա Դ Ա Ր Չ

Քաղաքը իր ծաղկած վայրերն եւ օրն ալ
Իր ոսկեգօծ ժամերն ունի՝ անմոռաց
Անցեալիս մէջ, ուր բու հասակը օրհնեալ
Երանաշող այս աչքերուս երեւաց . . . :

Դուն կ'անցնէիր՝ շրջեղաշուք, բարձրայօն,
Դեռ մանկունակ, բայց վեհաբայլ ու անդորր...
Դուն կ'անցնէիր հորիզոնէ հորիզոն
Ըզմայլանքիս երկրներն մէջ հեռաւոր . . . :

Ամէն քարերն անցած համբուղ՝ զո՛ց գիտեմ,
Քայլերդ ամէն դեռ սրտիս մէջ կ'ընթանան,
եւ շրշուկներդ ամէն՝ կ'երգեն անլախսեան...:

Այն տեղերէն հիմա կ'երթամ ծանրադէմ,
Հիմա կ'երթամ, եւ քարերուն տակ, Աստուած,
Անշուշտ, կ'ըսեմ, հին արեւներ կան թաղուած...:

Սպիտակ ձեռքըդ զոր այսօր
 Ջեռքիս մէջ ըզգացի,
 Եղաւ ատենն մը որ
 Երջանկութիւնն մըն էր ինձի:

Ես այն ատենն՝ բոլոր
 Սրտովս անոր կը տենչայի..
 Կսպասէի անոր
 Ջերդ զանգակ մը՝ զանգահարի...:

Ինչպէ՞ս եղաւ որ ձեռքդ այսօր
 Երկարեցիր ինձի՝
 Իբր անցեալիս անդունդէն խոր...

Բռնեցի զայն եւ յիշեցի՝
 Թէ կա՞ր ատենն մը որ
 Երջանկութիւնն մ'էր ան ինձի...:

Ամառն անցա՛ւ, ու սիրոյ ծարաւս անյագ մընաց միշտ...
 Դաշտերը զիս առանձին տեսան ցերեկն ու երբեք
 Գիշերն ալ վրաս չըծորեց ո՛չ հեշտութիւն եւ ո՛չ վիշտ,
 Ջընայեցա՛յ աստղերուն՝ յուսայից կամ սրտաբեկ...:

Անցա՛ւ ամառն առաջին՝ այս հողին վրայ ուր երբեմն
 Այս խեղճ սիրտը խենդի պէս տըրտիւիւր էր եւ հեծեր. [սեմն
 Այս գիւղն, այս ծովն, այս բլուրն եղած էին կեանքիս
 Ուրկէ տըղայ բաժնըւած՝ կը դառնայի իբրեւ ծեր...:

Կը յուսայի, Աստուած իմ, եւ կը յուսամ տակաւին,
 Որ հեռաւոր, հիւրամերժ այլուրներուն մէջ յոգնած
 Եւ շիթ առ շիթ իր աւիւնն ի գո՛ւր վատնած այս հողին
 Պիտի գտնէ՞ր զինք այստեղ կենդանացնող ջուրնու հաց...:

Այս հողին վրայ որ այնքա՛ն զիս հրեռեցուց ու լացուց,
 Իր վըրայէն լուսանցնող տեսքովը գո՛ղտը հասակին,
 Պիտի չըլլա՞յ, Աստուած իմ, որ գէթ սէր մը վաղընջուց
 Իր դամբանէն արթննա՛յ ու զիս գգուէ՛ վերըստին...:

Վ Ի Շ Տ Մ Ը

Վաղորդ է որ կեանքն ինձի ամէն հրնուանք զըլացաւ,
եւ վարժըւած եմ ատոր .
Բայց չունենալ ո՛չ մէկ վիշտ, յարատեւող ո՛չ մէկ ցաւ՝
Որ հոգիիս մէջ պղտոր

Յստակութիւնն իր դրնէր եւ կազմէր կա՛պն օրերուս ,
Որ միայն ի՛մըս ըլլար ,
Իմ թաքստո՛ցս՝ ուր յահախ մարդոց աչքէն տալով խոյս,
Պահուըտէի՛ դողահար . . . ,

Չունենալ վիշտ մը շրքեղ, տոկուն ու կարծր ինչպէս վէմ,
Որուն վըրայ հակած միշտ՝
Կեանքս աշխատէր ու կերտէր անկէ անդրի մը վըսեմ...
Չունենա՛լ զայն, ա՛հ ի՛նչ վիշտ...:

1911

Գ Ա Ն Չ Ա Տ Ո Ւ Ն Ը

Գիտեմ հեռուն ես գանձատուն մը որուն
Ոչ որ անցաւ անկողս ճամբէն եւ ոչ որ
Ունի անոր բանալին փակ դուռներուն . . .
Միայն պահնորդ մը խոնջ արդէն եւ տարուօք,

Հոն կ'սպասէ, ո՞րի, ի՞նչի... չի՛ գիտեր .
Ահեղափայլ թերեւս օրուան այն շրքեղ
Ուր նըժոյգովն իր քառատրոփ, իբրեւ տէր
Դիպուած-Սրբան պիտի գըրո՞հ տայ այնտեղ...

Եւ կամ, թերեւս, վարանքով գայ ու կանգնի՛
Պիտի իր մօտ հեզ մանկուհի մ'որ գիտէ
Դուռներ բացող մոզական բա՛ւը գաղտնի...

Բայց , կը խորհիմ... Իմ Ապագաս մի՛ գուցէ
Ըլլայ պարապ գանձատուն մը, ո՛վ Աստուած,
Եւ հոն ի գո՛ւր Յոյսս ըլլայ ըսպասած...:

1911

Ա Շ Տ Ա Ր Ա Կ Ղ

Պաշտպանելու համար հոգիս, ա՛լ երբեք
Թոյլ չը տալու համար կեանքին ալեաց տակ
Ամէն օր քիչ մը կորսըւիլ, — բա՛րձր ու սէգ
Ես աշտարակ մը կառուցի, անյատակ

Ծովուն վերեւ ու երկրներին տակ դաժան...:
Հո՛ն միայնակ հիմա հոգիս կը բնակի,
Միտքըս պահակ՝ իր դիտակէն անբաժան
Եւ աշխարհի դէմ դուռըս զո՛ց կրկնակի...:

Հովն ու ալիք թո՛ղ զայն ծեծեն անխընայ.
Ռ՛չ մէկ համբորդ ա՛լ կ'սպասեմ ես ծովէն,
Եւ ո՛չ ոքի ալ արդէն հոն տեղ չըկայ...:

Իսկ պատահի որ փոթորկաց մէջ զարնեն՝
Ջուրերն անոր եւ նետեն բա՛ն մը անտես,
Գիտե՛մ թէ ան խնամկ մըն է անցեալէս...:

1909

Ե Ր Ե Ս Ն Ա Մ Ե Ա Կ

Երեսունի հրուանդանին առջեւէն՝
Անա՛ իմ նաւս առագաստները պարզած,
Փրփուրին մէջ կը հետեւին մինչ իրեն
Շանածուկի սեւ կըլափներ լայնաբաց . . . :

Կրտաւին վրայ կարկրտաններ կան անթիւ,
Եւ ծրուեցաւ շատ անգամներ դեկն անոր . . .
Երեսունի հրուանդանին ի պատիւ
Կրցածիս չափ նորոգեցի զայն այսօր . . . :

Մեծ մրրիկներ չանցուցինք մենք, բայց յաւէտ
Եկաւ մեզ հետ կարծես կոհակ մ'ընդծովեայ,
Նաւըս անդուլ տատանելով, ու իր հետ
Գայբայելով հոգիս, մարմինս անխընայ . . . :

Պատահեցաւ որ յոյսըս մերթ կտրեցի
Երեսունի հրուանդանին հասնելու.
Բան մը սակայն կ'ազդարարէր միշտ ինձի
Թէ հոն իյնա՛ր պիտի կոհակն ահարկու . . . :

Եւ մենաւոր, մըռայլ համբուն վրայ ջուրին՝
Ես ունեցայ շատ մը մահեր նաւուս մէջ. —
Մանուկ Իդօերս անգղերն առին ու տարին
Եւ ծովամոյն կորսւլ Հաւա՛տքրս վայրէջ . . .

Շատ մը Սէրեր՝ թեւերուս մէջ մեռնելով,
Եզերքէն դուրս, կամաց մը ջուրն եմ նետած .
Շա՛տ երագներ ինքնիրեննին ինկան ծով,
Եւ ես վերէն աղօթեցի գլխարաց . . . :

Յոյս մը միայն, զոր մեծցուցի, սընուցի
Երկար ատեն, հողույս ամբողջ զօրութեամբ,
Որ իր տեսքին նըշուլանքով առնացի՝
Երբ կ'երեւէր՝ կը փարատէր ամէն ամպ ,

Իմ Յո՛յսըս օ՛ր մը ըլլալու ան զոր չեմ,
Ըլլալու ան, որ առաջ տէ՛ր ինքզինքին՝
Յետոյ անյաղթ պիտի կռուէր տարերց դէմ,
Իմ այդ Յոյսս ալ չար ոգիները զարկին . . . :

Եւ նաւուս մէջ պառկեցուցած եմ զանի ,
Ալետատան , հեծեծելով , տըքալով ,
Հիւանդ այնքան՝ որ քիչ օրէն կը մեռնի ,
Մինչ կը մընամ ծալաբազուկ՝ մահնին քով . . . :

. . . Երեսունի հրուանդանին առջեւէն՝
Ահա՛ իմ նաւս , ու ծովն է նո՛յն վայրենին...
Շանածուկեր կը հետեւին միշտ իրեն
Եւ կ'սպասեն իմ մեծ Յոյսիս դիակին . . . :

1908

Հաւատքըս հո՛ն ձրգեցի, բրգիկ-բրգիկ, հեռաւոր
Ճամբաներուն վրայ ամէն, ուր իմ սրտէս ալ մասեր
Արիւնլըւայ կը մընան, եւ ուր ո՛չ մէկը կ'ըսէր
Թէ կ'անցնէի ընդմէջէն մաքառումի մ'ահաւոր....

Ամէն ինչ վէրք կուտար ինձ, բա՛ռ մը, նայուածք մը միայն.
Կը բացուէին սրտիս մէջ սէրերն հանգոյն վէրքերու.
Շնչելն իսկ ցաւ մըն էր լսի, կը տանէի զայն սակայն,
Վասընզի յոյսը յանախ կուզար վէրքերս փաթթելու...

Յոյսը յոգնած Հաւատքիս կուտար կազբոյր եւ ըստի,
Բայց զի կըռիւր տեւեց՝ յոգնեցաւ Յոյսն ալ տակաւ
Եւ տեսայ որ համբուն վրայ կը հեռանար թեւամիտի...

Եւ օր մըն ալ դիմացէս եկաւ Կասկածն ու կեցաւ
Իր կըտուցով կեռածայր, մագիլներով բրգըկտիչ,
Եւ տիեզերքը ամբողջ բանդեց, փշրե՛ց քիչ առ քիչ....

Ձէ՛, ջրկրրեց երկիրն ուրիշ բանաստեղծ
Մորուն հոգին բուկինիդ չափ բերնին վրայ՝
Ըլլար թեթեւ, խորհրդաւոր, սուրբ ու եղծ . . . :
Երբոր անգէ՛տ կարծես կ'երգես, հընօրեայ

Կարծես անտա՛ն մըն ես անծայր, ուր կ'երթանք
Ամէն բայլի հրաշալիքներ զանելով . . . ,
Կամ մեր հոգւոյն մէջ, խորհուրդի մըթին հանք,
Ոսկի լապտեր մըն ես՝ վառած հըրաշքով . . . :

Ինչե՛ր կ'ըսես, ի՛նչ մըմունջներ, բառեր կէս,
Որոնք յանկարծ անխայտ դուռներ կը բանան,
Որոնց առջեւ ծունգի կուգանք, մինչ կ'երգես

Դուն խորունկէն, զերդ անիծուա՛ծ քահանան
Որ կը հանչնայ մեղքին ծաղկիլը ծիլ-ծիլ
Եւ տանարէն դեռ չի կրնա՛ր բաժնուիլ....:

Ես կը ճանչնամ անտառին մէջ ուր գարուն է ,
 Չոր մը պզտիկ, ձոր մը ծաղկած, ուր երիցուկ
 Եւ շուշաններ ծիւն կը տեղան, ուր կ'արիւնէ
 Կարմիր հարսնուկը շիթ առ շիթ վերք մը ծածուկ...:

Մանուկ գարնան ան օրօրոցն է հոն կարծես . . .
 Երկու ճրկուն ուռենիներ՝ մէն մի ծայրին ,
 Թեթեւ հովին տակ կ'երերան երբ յամրապէս՝
 Ժանեկապատ ձորակն օրրել հոն կը թըւին . . . :

Եւ հոն, տեսէ՛ք, երկու մանուկ, ո՞րկէ եկած ,
 Անտառին ո՞ր երկու մուտքէն հանդիպակաց ,
 Կը կամըրջեն ձորը սէրով մը լըռակեաց . . . :

Երկու մանուկ օրօրոցին վրայ գարնան
 Իրենց անբիծ սէրը կ'օրրեն . . . : Օ՛հ չքճանչնամ
 Տերեւթափն եւ տրտմութիւնն իր անսահման . . . :

Օրերէ ի վեր՝ ծիւն, ծիւն է չորս դին,
 Բայց ձայն մը ներսէս կ'երգէ հրճուագին . . .

—Երբոր նոր գարունն այս տարի հասնի,
 Մարերը հագուին եւ դաշտերն ըլլան
 Զերդ քրդանցքն անոնց ըզգեստին հարսի,
 Երբոր դըրախտէն ընելով թալան
 Արեւը բուռ-բուռ ծաղիկներ բերէ
 Եւ սփռէ ամբողջ աշխարհի վրայ,
 Զեփիւռը անցնի՛ր ամէն մարգերէ
 Եւ դեռափրթիթ խոտին հետ խաղայ,
 Թռչուններն երգել ըսկըսին նորէն,
 Գառները մայնն եւ բիւր ճրճիներ
 Հողին վրայ անվերջ երթեւեկ ընեն,
 Երբոր վերջապէս այս ծրմեռը ձեր
 Մեռնի ու թաղուի՛ դալարի ներքեւ,
 Երբ ծիւնասպիտակ թիթեռներ թեթեւ
 Զմրան դամբանին վրայ բռնեն պար,
 Յորդառատ առուն բարձունքներէն վար
 Երբ հոսի յստակ ու խոխոզածայն,

Փափկաթոյր ամպեր կապոյտ երկինքէն
Առազաստաբաց երբ անցնին երթան,
Ցորենները երբ յարութիւն առնեն
Եւ մեզ կերակրել նորէն խոստանան,
Երբ շարժի, թըռի, խնդա՛յ ամէն բան...,
Ինչպէ՛ս հոգիս ալ՝ թըռած ժըրաթեւ,
Պիտի վերըմպէ հրեռանը ու արեւ,
Եւ իր գարունին փարած ուժգնապէս՝
Պիտի վայելէ զայն խենդերու պէս... :

1910

Լ Ո Ն Տ Ո Ն

Դետեգերքէն կուգամ եւ գորշ Ուէսթմինսթրէն՝
Որ գորշ երկնից մէջ բարձրագլուխ կը մխուի.
Հո՛ն բարացած մեծութիւններ կը նիրհեն...
Ապրողներուն այստեղ արշաւն է ծովի...:

Սթրէնտին մէջ կառքի հոյլեր կը թըռին,
Ուղիղ եւ խիտ, կարծես փակած իրարու...
Բոլիսմէնի մը կարճ հրպտոր լըռին
Անշարժացման հըմա՛յք մը մերթ կը հեղու...:

Օտարական եւ նոյն առտուն դեռ եկած՝
Այդ յորձանքին մէջ բռնըւած կ'երթամ ես...,
Մինչ սրտիս մէջ սէր մը կուլա՛յ գաղտնապէս...:

Որքա՛ն օտար ես զիս կ'զգամ...: Բայց յանկարծ,
Նորհուրդ մը զիս կ'եղբայրացնէ ամենքին.
— Ամենքն աչ, ա՛հ, պիտի սիրեն, սիրեցին...:

1904

Տ Ա Ղ Ա Ռ Պ Ո Տ Լ Է Ռ

Ինչպէս տրդան խաւարին մէջ, որ կը պօռայ
Զայն լեցընող ուրուականներն հալածելու
Եւ կանչելու համար կարծես իրեն վըրայ
Պաշտպանութիւնը հեռաւոր հօրն հոգածու՝

Դուն կը պօռա՛ս՝ չարտասուելո՛ւ համար գուցէ...
Ինչպէ՛ս սակայն անդնդահունչ հիչերուդ տակ
Մեծ քաղցրութիւնը հոգիիդ կը թափանցէ
Եւ կը նայիս միշտ երազի մը ըսպիտակ...:

Ո՛վ բանտարկեալը ծանծրոյթիդ սեւ պալատին՝
Զոր քու հոգիդ հասնանչագեղ լուսավառեց,
Որուն ամէն պատուհանին մէջ կը փթթին

Մինչ ծաղիկներ բազմաբուրեան..., հակատրդ յեց
Ապակիին՝ տժգոյն դէմքով դուն կը դիտես
Դարուց ամբոխն որ անցնելով կը ծափէ քեզ...:

1906

Վ Ի Շ Տ Ի Մ Ը

Ինծի կ'ըսես թէ վիշտիդ չըկայ ո՛չ մէկ վիշտ նըման,
Թէ աչուըներդ այս գիշեր պիտի նորէն չըգոցուին,
Թէ սենեկիդ մէջ ուր միշտ իրմէ մասեր կը ծըփան՝
Դուն մինչեւ լո՛յս վերըստին պիտի հեծես սարսուազին...:

Պզտիկ աղջիկ մըն էր ան՝ քեզ սիրելու անկարող,
Որուն ի տես մանկացաւ սիրտըդ մարդու չափահաս.
Ո՛վ այս պատրաս՛ները հիմա՝ քու հիւանդ սիրտըդ ծածկող,
Թէ սիրելով զայն միայն՝ անկէ սիրուի՛լ ալ կրնաս...:

Ո՛վ բարեկամ, ընդունէ՛ ցաւըդ սիրով, քաղցրութեամբ,
Զայն փայփայէ՛ ու զրկէ՛՝ իբրեւ տըրողը անոր,
Սէրըդ խաւարն ըլլայ թո՛ղ՝ միայն երազ մ'իրեն լամբ,
Եւ թո՛ղ վառի ան երկար, մենիկ, լըռիկ, սրզաւոր...:

Կանցնին սէրե՛րը ամէն, եւ կը փրտի՛ն մանաւանդ.
Երա՛զը լոկ կը մընայ, եւ տառապա՛նքը ուրկէ
Փախիլ կ'ուզենք՝ կը ջամբէ անոր սընունդ ու եռանդ
Արիւն-արտէն մեր սրտին, զոր ի՛նք միայն կը հերկէ...:

1907

Ե Ր Ա Ժ Շ Տ Ո Ի Թ Ի Ի Ն Ը

Հոգիներո՛ւն վշտացած, անո՛նց որ սէր յուսացին
Եւ չբարտան, եւ անո՛նց որ շատ սիրով հիւժեցան,
Մեծ լըռութիւնն իբր ըստիւի ծընաւ ծոցէն այդ հուրին,
Եւ ան կ'երթայ աշխարհէն՝ գորովաստի՛լու, սիրացա՛ն....:

Վիրաւորուած սիրտերուն կը մօտենայ անիկա,
Եւ սիրտերուն կարծրացած՝ իշխանաբար կը բաղխէ...
Եւ, ո՛վ հրրաշք, վէրքն անոր ներկայութեամբ վարդ կ'ըլլայ,
Եւ, ո՛վ դիւ թանք, կը բղխին աղբիւրներ քա՛ր սիրտերէ...:

Ան ամէն տեղ կ'երեւայ, մթնոլորտին մէջ առկախ, [ւոյ,
Մերթ գեղջկուհւոյ մը նըման եւ մերթ՝ հանգոյն թագուհի-
Ու երբ կ'անցնի՝ չի գիտեր մարդ տըխո՞ւր է թէ ուրախ,
Կառ-տխարութեա՛ մըր ուրախ՝ միշտ ըստիւփուած է յետոյ:

Կուգա՛յ, կ'անցնի՛... յուզելո՛վ միջոցը զոր կը լընու
Ամբողջ իրմով, եւ միջո՛ցն ալ կը գրկէ զայն հեշտիւ,
Զայն կը տանի օրրելով, մէջէն կապոյտ ծուխերու,
Մինչեւ այն պահն ուր գրկին մէջ կը մեռնի՛ ան մեղմիւ...:

Աշխարհներու հեռաւոր հոգին իր մէջն ունի մերթ,
Եւ հոգիին վրայ դժգոհ՝ երկինքն անոնց կը բանայ. [թերթ
Անոնց լերանց վէտվէտումն ու ծաղկա՛նց ալ թերթ առ
Տեղատարախն է փափուկ, հրպո՛ւմներո՛վը թաւշեայ...:

Հեւք մըն է ան՝ որ հեւալ կուտայ կուրծքերը իր հետ...
Որ տենդ կուտայ ձեռքերուն եւ աչքերուն ալ արցունք...
Որ կը յառնէ հեթանոս խնջոյքներէն տարփաւէտ,
Ինչպէս յարկէն Աստուծոյ՝ ուր կ'ընծայուի պաշտամունք:

Սակայն անո՛նց մանաւանդ, անո՛նց որ սէր յուսացին
Եւ չբարտան... եւ անո՛նց որ շատ սիրով հիւժեցան՝
Մեծ լըռութիւնն իբր ըստիւի ծընաւ ծոցէն այդ հուրին,
Եւ ան կ'երթայ աշխարհէն՝ գորովաստի՛լու, սիրացա՛ն....:

Ա Շ Ո Ւ Ն

Երբեմն զիս կը յուզէր այս տեսարանն՝ երբոր նոր
էին աչքերս տակաւին.

Զիս կը յուզէր լալու չափ աշնան դայուկն ու անոր
Ողբակոծ շունչն ահագին...:

Ո՛վ բընութիւն, որ միշտ նոյն խաղը կրկին կը խաղաս,
Դուն՝ դերասան եւ դուն՝ բեմ,

Ալ չես խօսիր իմ սրտիս եւ չես ազդեր իմ վըրաս,
Քեզ խոնջէնքո՛վ կը դիտեմ...:

Կը կարծէի քեզ նրման իմ անցեալիս՝ երբ զարնան
Ծաղիկներով կ'ողողուիս.

Կը կարծէի՝ երբ աշնան ալ տերեւներդ կ'իյնան,
Սուզըդ նրմա՛ն իմ սուզիս...:

Բայց ծաղիկներդ բոլոր կը վերածնին զարնան հետ,
Քու զեփիւռներդ վերըստին

Դըրախտաշունչ կը փրչեն, եւ թռչուններդ կուզան ետ,
Եւ առուակներդ կը հոսին...

Մինչդեռ տարի՛քը մերին ա՛լ երբեք ետ չի դառնար,

Մեր հրնուանքները բոլոր

Ա՛լ չեն ծընիր երբ անգա՛մ մը կը խամրին ցրտահար...

Մենք կը մեռնի՛նք ամէ՛ն օր...:

[խաբես

Մենք կը մեռնի՛նք՝ մինչդեռ դուն, ո՛վ բընութիւն, կը

Թէ մեր կեանքին ես նրման...

Ա՛ն որքա՛ն շատ կեանքերու տեսար անցնի՛լը այսպէս,

Որքա՛ն սիրտեր մէջդ ինկան...:

Մ Ա Հ Ա Ք Ա Յ Լ Ե Ր Գ Շ Օ Ք Է Ն Ի

Մա՛րդ մը մեռաւ...: Մարդը որ էր՝ յամբօրէն
Դէպի անդունդ կը գըլորի ու կ'երթայ.
Յուզարկաւորք՝ արեւին լո՛յսը իրեն,
Օդը անշարժ, եւ հո՛ղն ոչ ե՛ւրս համբայ...:

Անդունդին մէջ իր գահավէժ զընացքին՝
Ընդհատ-ընդհատ այս աղմուկն է հեռասքօղ.
Ա՛յս՝ երկրի վրայ իր արծազանգն է վերջին,
Իր հուսկ վանկերն են լըռութեան հետ կռուող...:

Բայց հազիւ թէ իր վիհին խո՛րը հասած՝
Կը փնտրուեն զանի հո՛վերը թրթռուն,
Եւ ա՛յն համբան ուրկէ անցաւ սրընթաց՝
Կոգեկոչէ տըրո՛վը թունդ քայլերուն...:

Յիշատակներ դեռ կը ծըփան փոսին վրայ,
Յիշատակներ շինուած լոյսէ ու ծաղկէ...,
Երբոր յանկարծ Յաւէրժութի՛ւնը կուգայ
Եւ ուժգնօրէն փոսը մարդուն կը կնքէ...

1910

Հ Ր Ա Յ Ր Ք Ի Պ Ա Հ Ե Ր

I

Գ Ա Ջ Ա Ն Ը

Ինչպէս նախնիքս անգղերու եւ զայլերու աստուծոյն
Ատեն ատեն, իբրեւ զոհ, գեղեցկագոյն գառն հօտին
Կընծայէին..., այնպէ՛ս ես՝ հոգւոյս հո՛ւնծըր լաւագոյն,
Իմաստութեան կը նետեմ խարտեաշ հասկերը գետին:

Ձի ճիւղին կը տեսնեմ ստուերը միշտ ոտքիս տակ,
Ձայն կը գտնեմ մտքիս մէջ, նայուածքիս մէջ եւ ձայնիս,
Կուրծքիս վըրայ կը սըրէ ան իր ժանի՛քը ճերմակ,
Եւ վըզիս շո՛ւրջ են ձեռքերն որոնք խեղդել կ'ուզեն զիս...:

Դազանն իմ մէջս է, աւա՛ղ, մշտապատրաստ, ակընդէտ-
Տարիքիս հետ միշտ մեծցաւ, զօրացա՛ւ ան, պահանջե՛ց,
Եւ զիտեմ թէ յաւիտեան ան պիտի գայ ինձի հետ...:

Անմեղ Հոգւոյն՝ մեղաւո՛ր ան խննդ եղբայրն է երէց,
Ան Մարմի՛նն է, նախնական, անզսպելի վայրենին,
Եւ զոհերով մերթ միայն կը բընացնէ զայն Հոգին...:

1909

II

Մ Ա Տ ՈՒ Յ ՈՒ Մ

Աչքերս երկու լոյս-բաժակներ են կարծես՝
Մինչև բերան քու տեսիլովը լեցուն ,
Դրբան ետև բարձրամատոյց եւ վախէս
Դողըզգազին՝ հասակիդ ներս մտնելուն

Սպասելով . . . : Մըտածումներս՝ զոյգ կարգի
Վըրայ շարուած , անշարժ ու լուռ կ'սպասեն . . .
Մինչ Տենչանքս ալ՝ կոտորներով ամենի ,
Դժուարագուսպ մատաղի խոյ մ'է անգէն . . . :

Կարմիր արի՛ւնը ոտքիդ տակ քիչ յետոյ
Պիտի հոսի . ըզգայութի՛ւնս բըռնկի
Պիտի յանկարծ՝ որպէս խարոյկ չոր փայտի .

Եւ շամփուրին վրայ նայուածքիդ Տենչանքս՝ խո՛յ ,
Դանդաղօրէն , հեշտանքով ու անխընայ ,
Պիտի դառնա՛յ ու ճենճերի՛ , ածխանա՛յ . . . :

1963

III

Գ Ո Հ Ա Յ ՈՒ Մ Ը

Տենչանքին քով գոհացումը կ'ուզեմ արդ . . .
Պէտք է գոնէ Տենչանքին թող տալ շարժիլ
Ազատօրէն , աներկեւան ու հրպարտ ,
Եւ չարզիւել որ ան լեռնէն վար ի գիլ

Դայ ուժգնօրէն՝ համբաներէ մերթ խօտոր ,
Եւ ըլլա՛յ իսկ գուցէ արշաւն անյաջող՝
Թողուլ որ սիրտն ըմպէ նեկտա՛րը պղտոր
Իր վայելքի յոյսին, հեւքին քրտնողո՛ւ . . .

Դոհացումի պէտք է իմ յոյսըս հիմա
Ճահանջ դընէ սիրուած աղուոր գլխուն շուրջ . . . ,
Ըսպասումիս մէջ դիմացէս երբ կուգայ՝

Պէտք է գիտնայ — օ՛հ կէս-կատակ ու կէս-լուրջ —
Թէ բերնիս տակ պիտի շրթները հալի՛ն ,
Թէ ի՛մա ըլլա՛ն պիտի մարմինն ու հոգին . . . :

1903

IV

Կ Ի Բ Կ Ե Ր Ս

Իմ արիւնիս մէջ թոյն էք, եւ իմ ջուրիս մէջ նեկտար:
Զիղերուս վրայ՝ տաք երկաթ, մինչ արեւն էք աչքերուս:
Սրտիս մէջ օձ էք լորձնող եւ գալարուող անդադար,
Մինչ արբեցած ձեզ կ'օրհնեն անհա թեւերս ու լեզուս...:

Ըզձեզ երկա՛ր կ'անիծեմ երբ յազեցած կը մեռնիք
Ու ա՛լ կ'ըլլամ գերեզմա՛ն ձեր դիերուն ժանտաբոյր...
Բայց կը ծընիք վերջատին, յաւերժադէմ, գեղեցիկ,
Եւ ես նորէ՛ն, հեշտօրէն, ձեզ կը մատչիմ ի համբոյր...:

Ո՛վ իմ կիրքերս, իմ որդե՛րս, զիս կրծոտող ու քամող:
Ո՛վ իմ կիրքերս, քաղցրագոյն իմ որդիներս մըթաշող
Որոնք երբե՛ մն ուրացայ, -ձեզ արդ նորէ՛ն կը հանչնամ...:

Բընակեցէ՛ք ինձի հետ, խոնջ եմ ձեր դէմ կռուելէ .
Այսուհետեւ կեանքս ամբողջ պիտի ձեզի ծառայէ,
Եւ թէ ուզէ՛ք՝ պիտի զամ ձեզ հետ դրժո՛խքը անգամ...:

1907

V

ԱՆՆԻԱՆԻ ԳՆՐԹՈՒԱԾԸ

Վաղուան յոյսին ծանրութեամբ աչքերս անհա կը գոցուին,
Մարմնուդ յուշը մարմնուդս վրայ լաիլիզելով կը սուրայ
Եւ փետուրի գերդ տարափ մը թափթըփող գլխուս վրայ՝
Հին գգուանքնե՛րըդ նորէն ես կ'ըմբռնանեմ հոգեւին...:

[սեմ.

Դուն այն աղուոր բերթուա՛ծն ես՝ զոր այս գիշեր գոց կ'ը-
նա՛խ՝ հանդիպումը մերին, ուր միշտ վախ կայ եւ վա-
րանք.

Գգուա՛նք մ'արդէն համարձակ, եւ առաջին իբրեւ յանգ՝
Համբո՛յր մ'երկար, տենդասպա՛ռ, մարող շրթա՛նցըդ ի
[սեմ. . . . :

Գիտեմ յետոյ թէ ինչպէ՛ս իմ ընթերցումս անհամբեր,
Սրագաթո՛ւիչ կ'ընթանայ, թէ մերթ հեշտիւ կանգ կ'առնէ
Զայնարկութեան մը վրայ... եւ ցընորած, տարուբեր՝
Մերթ ալ ինչպէ՛ս իրարու տողերն ամբողջ կը խառնէ...:

Այդ բերթուածը, այս գիշեր, կ'արտասանեմ հոս, մինա՛կ.
Վերջաբա՛նն է, փոթորկոտ, աշխարհասաստ ալելո՛ւն,
Զոր սակայն չեմ աւարտեր... եւ գերդ վիհէ մ'անյատակ՝
Կը նետուիմ վեր ու կ'երթամ հիւանդ, յոգնած, սարսը-
[ուուն :

1907

VI

Հ Ր Ա Ւ Է Ր

Քեզ արուեստով պիտի սիրեմ . . . : Գիտնալիք
 եթէ հրմայքը իմ վարպետ ձեռքերուս՝
 Անութներուդ գրկող խորշերն ամբասիր
 եւ կողերուդ փայփայող մո՛րթը մնուս ,

Երկարօրէն, վախկոտօրէն . . . , մինչեւ հո՛ն
 Ուր կը սարսի , կը տապալի՝ կիսանդրիդ
 Կուրծքիս վրայ , եւ կ'ունկընդդեմ՝ երգեհո՛ն
 Մարմնիդ հեւքոտ խոր նըւագին . հեշտառիթ . . .

Սրբունքներուդ ողորկ ու պինդ սիւներուն
 Թեւերս իբրեւ դափնէպրսակ կը փաթտեմ ,
 եւ դընելով ճակատքս գիրգ լանջքիդ դէմ՝

Կզգամ ուսիս վրայ՝ ինչպէս ոլորուն ,
 Աղուամագէ թեթեւ , ճերմակ կարապի ,
 Քու պարանո՛ցդ՝ որ հոն յոգնած կը պառկի . . . :

1902

VII

Գ Գ ՈՒ Ս Ա Ն Յ Ե Ն Ե Ր Ը

Գգուանքներուն եւ զխութի՛ւնը ուսայ
 Քու քովդ, հոգի՛ս . . . , նախ վախնալով, գաղտնաբար
 Թեւըս թեւիդ վրայ դըրած, եւ ապա՝
 Քու հասկըցող, քու թոյլատրող, անբարբա՛ռ

Նայուածքիդ տակ համարձակիլ փորձելով . . . ,
 Շուրջը մէջքիդ եւ ազդրերուդ սահանքին
 Վրայ ձեռքերուս անկումներովը գինով ,
 Անկումներո՛վն երկար , անվե՛րջ, զայրագի՛ն . . . ,

Մինչեւ այն պահն ուր վախնալով գերագոյն
 Գգուանքի մը մերձեցումէն, անկարո՛ղ
 Իմադրելու իր հեշտութեան նըւածող՝

Կը հըրես թեւս եւ սարսուռով մը խսկոյն
 Ոտքի կ'ելլես , ձրգելով զիս որ այստեղ
 Հեծեմ մութի՛ն մէջ առանձին , սիրագեղ . . . :

1902

VIII

Կ Բ Ն Ս Յ Ի

Ո՛վ տարակոյսն ըզմայլահար իմ մտքիս՝
Անկարելի անմեղութեանըդ վրայ ,
Դըրանդ առջեւ կեցընելու համար զիս
Եւ յուսալու ներսը անոր՝ անվըկայ

Քօղամերկումն արձանագեղ քու մարմնոյդ . . . :
Վերադարձի մութ համբուս մէջ ամայի՝
Դեռ կը կարծեմ տեսնել աչքերըդ կապոյտ ,
Եւ կը խորհիմ թէ բերնիդ վրայ կրնայի՛

Դընել համբո՛յրը շրթներուս տարփաւոր...
Թէ կրնայի թեւերուս մէջ քաղցրօրէն
Ըզբեզ գրկել ու փայփայել... մինչև որ
Դըլուխդ ինկած կուրծքիս վրայ , եւ խորէն

Երախտիքիդ բղխած ժպտով մ'աչքիդ մէջ,
Սրբեցնէի՛ր զիս շունչիդ տաք բուրումով ,
Եւ ա՛լ հսկէ՛ր տենչանքիս լոյսը անշեջ
Հեշտավաստակ քունիդ վրայ անխըռով . . . :

1902

IX

Գ Ի Ն Ո Վ Ո Ւ Թ Ի Ւ Ն

Ո՛վ դուն, այս գիշեր գինովնա՛նք մէկտեղ . . .
Իմ երկչտուութիւնս, քու դիմադրութիւնդ,
Գինոյ բաժակին մէջ յակընթագեղ
Թո՛ղ լուծուին եւ թո՛ղ սիրոյ տան ծընունդ :

Գինովնա՛նք... Ո՛վ դուն որ զիս չես սիրեր,
Կիսախուփ աչքով թոյլ կուտաս անա՛
Որ վըրադ շրջին ձեռքերս հեշտասէր ,
Որ բերանըս մի՛շտ բերնիդ վրայ իյնայ . . . :

Կը լսնդա՛ս, թրթռուն, հնչուն ծիծաղով ,
Պըլուխըդ ուսիդ վըրայ թաւալած ,
Մերթ սաստելով զիս եւ մերթ անկասկած

Ջրգելով վըրաս մարմինըդ գինով . . . ,
Մինչ այդ ծանրութեան տակ ես կ'սթափիմ,
Ու կը խենդենա՛մ նորէն, ո՛վ սէրդ իմ . . . :

1903

X

Խ Ն Զ Ո Յ Ի Ը

Ես կ'սպասեմ դեռ անոր, այն ըսպիտակ, դեռատի
 Եւ ողորմած էակին, որ ա՛հ գիտնար պիտի թէ՛
 Իմ էութի՛ւնըս ամբողջ, ծարաւահիւժ ու նօթի,
 Ինծի տալիք անսահման իր խնջոյքին կ'սպասէ . . . :

Պիտի գիտնա՛ր ան հարկաւ...: Տըղու մը պէս միամիտ
 Եւ Աստուծոյ պէս գիտուն, պիտի գիտնար իր ձայնին,
 Շարժումներուն եւ աչքին բիւրեղներո՛վը վըճիտ
 Մատընունակել ինծի նախ յոյսի կարմիր թունդ գինին:

Յետոյ ինծի թոյլատրէր պիտի որ ձե՛ռքը բռնեմ,
 Որ ըմբռնանեմ մարմինին բուրումն աղուոր ու հըզօր,
 Եւ արբենամ շրթներուն ժըպիտներէն քաղցրածոր...:

Թոյլ պիտի տա՛ր որ յետոյ զինքը պահեմ կուրծքիս դէմ,
 Որ՛զինք սեղմեմ ու ժգնօրէն թեւերուս մէջ, բերնիս վրայ,
 Եւ սեղանին կործանմա՛մբ այս խնջոյքը լըրանայ...:

XI

Խ Ո Ս Յ Ո Ւ Մ

Քու թարմութի՛ւնըդ ինծի խոստացուեցաւ լրութեայն,
 Չէ՞, ո՛վ աղուոր, այս գիշեր դուն խոստացար ինծի զայն,
 Նայուածքներուդ կըրակով որ բըռնկցուց իմ հոգիս
 Եւ ձեւերուդ պերճախօս լեզուով որ խենդ դարձուց զիս:

Ի՛նչ թարմ էիր, ի՛նչ ներմակ, բարձրահասակ, փափկադէմ,
 Մարմնեղ սակայն, եւ արդէն կը բերէի աչքիս դէմ
 Ինչ գաղտնիք որ երջանիկ քու ըզգեստներդ կը պահեն,
 Շընտրի ու լո՛յս մարմնացած, ձեւ ու մարմի՛ն լուսեղէն...:

Սակայն ինչպէ՛ս, Աստուած իմ, ինչպէ՛ս յիմար եղայ ես՝
 Որ գողացող տենչանքիս հետ մեկնեցայ առանծին,
 Գալարուելու մինչեւ լոյս, դողդըղալու որբի պէս...:

Այսօր հիւա՛նդ եմ քեզմով, ու կը նայիմ անձկագին
 Ամէն վայրկեան, ամէն տեղ, անցորդներու դէմքն ի վեր,
 Փնտրուելով ըզքեզ միշտ, քեզ գտնելու անհամբեր...:

XII

Գ Ի Գ Ո Ւ Ա Ծ Ը

Փնտուեցի այս զիշեր հանդիպում մը դիպուածի,
Անոնց նըման զոր առոյգ տենչանքս մերթ կ'ունենար...
Սիրոյ բոյր մը այս զիշեր գաղջ օդին մէջ կը յածի,
Զոր շնչելով քիչ առ քիչ՝ գացի գինով, տենդահար...:

Դիպուածը զիս երջանիկ կրնար ընել այս զիշեր...
Շընորհագուրկ այքերուս եւ ձեռքերուս մէջ լըջուած
Ըսպասեցի որ իջնան աստուածային նահանջներ,
Համբուրասով շրթունքիս վրայ իյնայ շունչ մը թաց...:

Թափառեցայ ընդ երկար վայելքին մէջ ըսպաման,
Անծանօթին երկիւղով, ընտանութեամբ ծանօթին,
Լեցընելով մութն ամբողջ պատկերներով ցնծութեան...:

Դիպուածը միշտ կ'ուշանար, ու կ'երթայի սարսուզին՝
Բողոր սէրերն ապրելով բոլոր մարդոց այս պահուն,
Եւ տուն դարձայ տիեզերքը սիրելէ պարտատուն...:

1906

XIII

Վ Ա Յ Ի Կ Ն Ա Ն Ը

Ա՛հ, վայրկեանին մէջ՝ կրկին
Վայրկեաններ կան, իրարու
Դէմ յանդիման. կը նային՝
Զիրար առանց նանչնալու...:

Երկու բերան միասին
Եզան անոր օրհներգու՝
Նո՛յն համբոյրով. կը զատուին,
Եւ էր վայրկեանը երկու...:

Կը յիշեմ զայն, բայց այնպէ՞ս
Ինչպէս դուն ալ. ես զիտե՞մ
Թէ անկէ ի՞նչ կը պահես...:

Եւ այս խըրամը դժխեմ,
Կայ սէրերուն մէջ ամէն...
Միշտ վայրկեանները զոյգ են...:

1912

Ծ Ե Ր Ո Ւ Թ Ի Ի Ն

Կը ծերանամ...: Հանոյքներէն երէկուան
Բերանըս ա՛լ համ չառներ .

Սիրոյ յոյսն իսկ եւ տեսիլն ալ յաղթութեան
Զիս կը թողուն անտարբեր . . . :

Կեանքի նաշակն արմատախիլ ո՞վ ըրաւ ,
Ո՞ր դաժան ծե՛ռքը սրտէս . . .

Հոգիիս մէջ հիմա մոխիր կայ անբաւ,
Հո՛ն ուր առաջ կար պարտէզ...:

Դերեզմանի ցուրտ մը դէմքիս վրայ կ'զգամ
Երբ կը նայիմ ոտքիս տակ . . .

Ո՛չ թէ այսօրն՝ այլ կ'ատեմ վա՛ղը անգամ,
Եւ երէ՛կն ալ բովանդակ . . . :

Չորցա՛ն, աւաղ, բիւր ծաղիկնե՛րը սրտիս...
Ոչ մէկ փափաք, ո՛չ մէկ սէր...

Ո՞վ իմ Անցեալս, դուն իսկ ինձմէ՛ կը զատուիս,
Ինչպէս ծառէն՝ ճիւղ մը ծեր . . .



Բայց այս գիշեր, վերջին անգամ մը թերեւս,
Ո՞վ իմ Անցեալս, եկուր գրկենք մենք իրար,
Անո՛ւշ Անցեալ, զոր ներկայի իմ ցաւերս
Կը դառնացնեն յամբարար . . . :

Վերջին անգամ մը երեւցի՛ր ինձի դուն,
Այնպէ՛ս հանդարտ, այնպէ՛ս փափուկ ու վրճիտ՝
Ինչպէս գիւղ մը արշալոյսին մէջ հեռուն,
Պայծառութեա՛մբը խղճիդ . . . :

Դուն ունեցար, գիտե՛մ, վիշտեր որ մեռնի՛լ
Կուտային քեզ, եւ հրճուանքնե՛ր՝ որոնցմով
Կը թօթուըւէր հոգիդ, անտա՛ռ նորածիլ,
Անտա՛ռ որուն սէրն է հով . . . :

Դիտեմ թէ ի՛նչ մեծ յոյսերու անձնատուր՝
Կը վազէիր եւ յուսախաբ կ'իյնայիր.
Ինչպէ՛ս մերթ ալ՝ պատկերներու դէմ տըխուր,
Կը հեւայի՛ր անյարիր . . . :

Յետոյ պզտիկ քաղցրութիւններ, մերթ ընդ մերթ,
Քեզ օծեցին, լեցուցին քեզ . . . , մինչ հիմա
Զերդ ծաղկէ մը որ թափեցաւ թերթ՝ առ թերթ՝
Բոյրէդ ոչինչ կը մնայ . . . :

Ուրեմըն ի՞նչ, առանց սիրոյ եւ յոյսի
 Պիտի մընամ միշտ առանձին ես այսպէս,
 Միշտ ու միայն լալու համար մեկուսի,
 Աւերակաց բուին պէս . . . :

Ո՛վ իմ Անցեալս, կը մեռնիս դուն, բայց նորէն
 Վերջին անգամ եկո՛ւր գրկենք մենք իրար.
 Զիս թեւերուդ մէջ դուն սեղմէ՛ ուժգնօրէն,
 Եւ խեղդէ՛ զիս յամբարար . . . :

1911

ԱՆԿԱՐԵԿԻՐ ՔՆԱՐԸ

Ամենատեւ փայրիեաններուս կը մօտեաւ երբ իրեն,
 Եւ ինձ գիտե՛ որ ա՛յ ոչի՞նչ զիս իրե՛ գաս կ'սփռփե՛,
 Հոգիս իրեն երբ կը յանձնեմ բընագործե՛ն, հեգորե՛ն,
 Ան կը փախի՛ հիմս ինձե՛ եւ չի ճանչնա՛ր զիս, բարե՛ . . .

Ի գո՛ւր իրեն կը ցուցնեմ փոքրս խորունկ, ցարս մեծ,
 Ի գո՛ւր իրեն կը յիշեցնե՛մ քե՛ երբնձնի՛ սրղան եւ
 Որուն յանախ աչուրներուն քեքե՛ արցունքը արեց,
 Զոր օրօրեց իր երգերոյ՛ եւ ինձացոց կուրծփին դեմ . . .

— «Դաշնակուրթեան հեղեղներուդ հիմա՛ ե՛ որ պե՛ք ունիմ,
 Կ'ըսեմ իրեն, հաշածեղու հաւար ժրխո՛րը կեանքի՛ն
 Եւ մոռնալու համար հոգոյս յոգնութի՛ւնը անաղին . . . »

Բայց ան ինձի բառ մը չուղղե՛ր, եւ ո՛չ մեկբառ մըսերիմ,
 Զիս չի՛ ճանչնար եւ կը քողու զիս իմ ցարս հե՛տ միևսկ,
 Միևսկ ու շուն, գօտեւարսի՛ց եւ ընկճըրի՛ց անոր սակ . . . :

1910

ԻՆՁ ԿԸ ԹՈՒԻ ԹԷ ԱՊՐԱԾ ԵՄ

Ինձ կը թըլի թէ սպրած եմ Եդդադայի մէջ հիկն ասէն ,
Սոկրատիկն պէս վընիս հոգւով ինասաստեր մըն եմ եդած ,
Ասուածայիկն գաղտնիքիկն դեմ կեցած եմ յուն ու երկիդած ,
Սխանչահար գայն դիտելու եւ յուծելու գայն ըզբադած . . . :

Սակաւընիտ աշակերտներ զիս ցերեկիկն կը շորջպատեն
Հոպսանաւոր ծառի մը սակ , Ահրոքոյի ոսքիկն ներեւ ,
Չիս կ' ունկընդրեն սկյագորհէն , եւ մերթ թառով մ' 'արփիաքեւ'
Անցրպէսիկն մէջ իրենց հէս կը վագցընեն զիս հեւ ի հեւ . . . :

Այր չափահաս եւ ծանրախոհ , այդ քարմերամ խոււրիկն մեջտեղ
Ես իմ հոգիս սնորադարձած անոնց աչքիկն մէջ կը գտնեմ .
Քրնարական ձեւ ու ձայնով , իմսդադաւեոս ու յուսադեմ'
Անոնկ կանանց կղզիկն' ինձ խորհուրդներու ծրփանկիկն դեմ . . . :

Ինաստութիւն , դուն կը քոյսիս առասպորդ' եւ մաքրագեղ ,
Հորիզոնիկն վրայ կանգնող սա՛ հեշագիծ թըլուրներէն ,
Սա՛ երկընկիկն մաքուր ու նուրբ , եւ այս տղոց խոււրիկն նորհէ՛
Որոնկ , աղբիւր մշտանորոգ , սիեգերքի թարմութիւնն են . . .

Ի՛նչ փոյթ թէ զիս չըհասկընան , դասապարտեն աչ ուրիշներ ,
Ի՛նչ փոյթ եթէ զիս ֆարկոծեն , ճամբուս վրայ հայհուջ բառնան ,
Թէ ի վերջոյ ինձ երկարեն նստը թածակն աչ սեւ մահուան ,
Եւ արսասուոջ ինձա՛տ գասուիկն աշակերտնե՛րս անխալկան . . . :

Ինաստութիւն , միշտ կը ծըռեմ առջիդ գըղո՛ւխըս աշեներ...
Կեանկըս անբողջ պաշտամունքիդ նըրիտեղէ յէտոյ՝ հիմնայ
Իր հուսկ ժըպիսն աչ իմ հոգիս սեսս վըրայ դեռ կը բսնայ ,
Եւ՛ այդ ժըպի՛տը կը մընայ այս շեռներուն , հողիկն վրայ . . . :

Մ Ա Հ ՈՒ Ա Ն Տ Ա Ղ Ե Ր

I

ԵՐԿՈՒ ՄԱՀՆԵՐԸ

Ես այս երկու մահերն ալ, ո՛վ Տէր, սիրով կ'ընդունիմ...
Կա՛մ ունենալ գիւղական խրճիթ մ'ուր սէրը տիրէ,
Շարժի՛լ շունչին մէջ կընոջ մ'ու գիրքերու մըտերիմ,
Եւ իրիկուն մը մարի՛լ շրջապատուած վարդերէ . . . ,

Եւ կա՛մ յանկարծ վրայէս անցնող հովէն մարտագոռ
Տարուիլ դաշտե՛րը կռուոյ, վըրիժաբորբ, հըրաչուի,
Թափելով մերկ սուսերիս ծայրէն վէրքեր բիւրաւոր,
Եւ իյնալով անոնց մէջ՝ զերդ անկողնո՛յ մը վարդի...:

Ես այս երկու մահերուն կը փափաքիմ փոխն ի փոխ,
Անոնք ինձի կը ժպտին եւ կը ժպտի՛մ ես անոնց,
Անոնց մէջտեղ իմ հոգիս կարծես կեցած է շատոնց...:

Օ՛հ եթէ կեանքս եղաւ պարտէզ մը զոր ոտնակոխ
Ըրին դիպուածն ու անեղ ճակատագիրը դժխեմ՝
Գոնէ թոյլ տո՛ւր, Աստուած իմ, որ ելքն անոր ե՛ս ընտրեմ:

1910

II

ՎԱՐԺՈՒԹԻՒՆ ՄԱՀՈՒԱՆ

Որոտաբեր ամպին տակ՝ սարեակն ինչպէս, թառին վրայ,
Գըլուխը ներս կը քաշէ, կ'անշարժանայ, կը լըռէ . . . ,
Ո՛վ Մահ, ի տես ըստուերիդ որ ճամբուս վրայ կ'երկննայ՝
Ես կ'ամփոփուիմ, կը նայիմ ու կը դադրիմ երգելէ . . . :

Ժամանակաւ, հեռուէն երբոր տեսած եմ ըզբեզ՝
Մերթ վախցած եմ, մերթ լացած, ու անիծած եմ յահախ
Ըզբեզ, ո՛վ Մահ, որ գիշերն ես օրուան մը տօթակէզ,
Որ մեծ, խորո՛ւնկ օրրանն ես՝ այս կեանքին ծա՛յրը առ-
[կախ:

Անկէ ի վեր քայց այնչա՛փ ինձ մօտեցար, Ուրուակա՛ն,
Կըմախանդամ լողալով կեանքի կապոյտ ծովուն վրայ
Եւ շուրջս յանկարծ խեղդելով անոնք որ ճա՛նկըդ ինկան,

Անկէ ի վեր ես այնչա՛փ քեզ նայեցայ ու դըպայ՝
Որ ա՛լ միշտ քոյս ես կարծես, աներեւոյթ քայց միշտ գոյ,
Եւ կ'սպասեմ քեզ ինչպէ՛ս բունին, ամէ՛ն երեկոյ...:

1911

III

Յ. Ռ. Մ. Ա.

Կը յուսայի — իմ մանուկ յոյսս անսանձ էր —
 Քեզի հասնիլ ծիրանեշող, դափնեւոր...
 Կեանքն ինձ դերբուկ մը ցոյց կուտար, ո՛չ ցանցեր,
 Որուն դուն ծայրն էիր կանգուն, Մա՛հ աղուոր...:

Կը յուսայի տակաւ առ Քեզ բարձրանալ
 Հաստատ, հրզօր եւ խորադրոշմ քալերով... ,
 Անո՛նց թիւին վրայ յաւելուլ թիւ մըն ալ
 Որոնց դամբան՝ Պատմութիւնն է անխրոտով...:

Ըսպասեցի եւ ուղղեցի բիւր աղերս
 Որ տանէիր հոգիս փառքով փաթտըւած՝... ,
 Մինչ կեանքը զայն հիմա ըրաւ քրջազգած...:

Դուն կրնայիր սակայն, ո՛վ Մահ, երբ թեւերս
 Կուղղըւէին դէպի աստղերն ոսկեթել ,
 Զիս այդ դիրքին, անոնց լոյսին մէջ զարնել... :

1910

IV

Մ. Ս. Ա. Ս. Ռ. Ս. Ռ.

Շուրջըս ամէն օր տեսնելով զանի
 եւ մէջս ըզգալով զայն ամէն վայրկեան՝
 Մահն եղած է ինձ այնչա՛փ ընտանի,
 Որչափ աչքերուս՝ արե՛ւը վաղուան... :

Մա՛հ, արե՛ւ, այնպէ՛ս խառնըւած միմեանց
 Կերեւին ինձի, որ մերթ կը խորհիմ
 Մի՛ գուցէ արեւն ըլլայ մահ մ'անանց
 եւ մահն ալ՝ արե՛ւ մ'անդրը քան շիրիմ...:

Ինչպէս խաղամու մ'որ լուսցուցած է
 Կորանցընելով իր վերջին լուման ,
 եւ պատուհանէն աչք մը կը յածէ

Ծագող այգին վրայ... , այնպէ՛ս ես Մահուան
 Կը նայիմ՝ հիմա, անհոգ, անտարբեր,
 Իբրեւ թէ նոյն խեղճ օրն ինձի ծագէր...:

1908

V

Վ Ե Ր Ա Յ ՈՒ Մ

Ո՛չ ընտանի անասուն, ո՛չ ալ գազան քարայրի...
 Երբե՛մըն ծով եւ երբե՛մն հազիւ առու մը պզտիկ...
 Հոգւոյն մէջ շո՛ղ մ'աստղերէն, մինչդեռ մարմի՛նը կ'այրի
 Գեհե՛ններո՛ւ կըրակով... այսպէ՛ս ծընաք զայն, ո՛վ դիք...:

Իր մըտափին վրայ երկինք մակընթանայ պիտի յար...
 Պիտի յաւէ՛տ գալարուի անհունարբու իր հոգին...
 Եւ մերթ հրպարտ Հերակլէս, մերթ ալ գերի դողահար՝
 Ինքը իր դէմ յաւիտեան պիտի կռուի՛ գայրագին...:

Շընորհեցէ՛ք այժմ, ո՛վ դիք, որ չըղարձած դեռ հողին
 -Որուն յոգնած քայց ազնիւ մէկ կոյտէն զայն կերտեցիք-
 Իր աչուըներն հաւատքո՛վ վերջին անգամ փողփողին...:

Երկրէ երկինք երկարող յոյսի ճամբէն գեղեցիկ
 Թողէ՛ք հոգւոյն որ մեկնի սրբաթըռիչ, լուսաւէտ,
 Թողէ՛ք երթայ՝ մահուան մէջ՝ իր մեծ սէրերը իր հետ...:

1908

II

ԻՐԻԿՈՒԱՆ ԽՈՐՀՈՒՐԴՆԵՐ

Սպասէ՛ դեռ, եւ աշնան օր մ'երբ կ'իջնէ
Արեւն երկինքէն,
Ցուպրդ վեր ա՛ռ եւ հակատէ՛դ քշէ՛ դժնէ
Ամէն խորհուրդ : Քէն ,
Նախանձ ու ոխ, հզմէ՛ քարին վրայ առջիդ
Զերդ ոլորք մը իժ,
Հըպարտութիւնդ ալ արիւնէ՛ շիթ առ շիթ,
Եւ իբրեւ պատիժ
Անցեալ ամէն աններելի հեշտութեանց՝
Նետէ՛ խորն հովտին
Յիշատակի արկղիկը ծանր, ծա՛նըր գանձ...:
Երբ աչքիդ ետին
Նըշուլէ աստղ մը նոր, պայծառ, հեռաւոր,
Կտրէ՛ վերարկու
Մը գիշերէն, եւ ա՛լ զքնա՛, ուխտաւո՛ր,
Հոգւոյդ ահարկու
Ճամբաներէն, լեռնէ՛ ի լեռ, միայնակ,
Ժայռերուն անխնայ
Զարնըւելով եւ սրբելով գերդ դանակ՝
Կամքդ անոնց վրայ . . .

Հովերուն մէջ, անհորջէն տարածուող,
Թեւերըդ պարզէ՛
Եւ քանդումի եղի՛ր անոնց պէս կարող...
Անգղ, արծիւ, բազէ
Թո՛ղ սորվեցնեն իրենց խաղերը քեզի,
Թէ ինչպէ՛ս, զերդ սլաք,
Իրենց թիւը որսին վրայ կը նետուի՛
Անշեղ եւ արագ . . .
Յետոյ դարձո՛ւր գիշերներուն մէջ պայծառ՝
Աչքըդ դէպի վեր
Եւ աստղերէն անդորրութի՛ւնն անոնց ա՛ռ...
Երբ ամէն աւեր
Հին ու խարխուլ շէնքէն հոգւոյդ մէջ լրանայ,
Երբոր հոյզ մը նոր
Ոտքէդ մինչեւ գլուխդ անզուսպ բարձրանայ,
Երբ անդնդախոր
Լքես յանկարծ ծայր հողին հեծեծող...,
Կատարներէն վար
Սա՛ ուղխերուն հետ ձիւներուն լուսողող՝
Իջի՛ր խօլաբար,
Մոլեգնորէն, շրքեղապէս, անարգել,
Դաշտե՛րն ոռոգել . . . :

Գ Ա Յ Լ Ի Ն Հ Ս Կ Ո Ւ Մ Ը

Ձիւն...: Անտունդնե՛րը լեցուցեր, եւ լեռներուն
Կողերն ի վեր, եւ դաշտերուն ծածկած վըրան...
Գիւղ մը, հիւղե՛ր՝ համբորդներու կարծես նըման,
Բըլուրին ո՛տքը թաւալած, ինկած նըկուն . . . :

Լո՛ւռ իրիկուն միապաղաղ դաշտին վըրայ .
Ճերմակ ծառեր կը խոնարհին մինչեւ գետին .
Դէպի քաղաք համբան անհետ կը քընանայ . . .
Վերադարձող կուսութեան ի՛դ մըն է յետին . . . :

Հորիզոնին անփայլ լուսին մըն է փակեր . . .
Կեանքը յանկարծ . . . Գիւղին վըրայ, կաթիլ կաթիլ,
Ինչպէս արիւն՝ կարմիր լոյսեր կուզան թափիլ...:

Եւ կը դառնան նայիլ մարդիկ բըլուրն ի վեր,
—Ձիւնին երեսն երկարած շուքն իր ահաւոր՝
Գայլ մը, անշարժ, գիւղին վերեւ կը հսկէ կոր...:

1903

Մ Ե Ս Հ Ա Շ Տ Ո Ւ Թ Ի Ի Ն Ը

Նըշուլավառ ունիմ այգերը կեանքիս,
Ուր անգուսպ եւ փրփրերախ
Պատերազմիկ մ'է հոգիս՝
Անմիջական մարտին յոյսո՛վը ուրախ . . . :

Սեմին առջեւ կ'եռայ այնքան ~~բարձ~~ անհամբեր,
Ծափերու մէջ խըլելու
Արիւնաներկ դափնիներ . . . ,
Որ կը խորհիմ թէ հոգւոյս մէջ կը զարթնո՛ւ

Հոգին անշուշտ իմ հին ռազմիկ մէկ պապուս...:
Բայց մարտաշունչ հովն ահա՛
Շուրջըս տակաւ կը նըլաղի ու կ'իյնայ . . .

Եւ կը խորհիմ նորէն տրտմած ու անյոյս՝
«—Այդ նախահայրս մի՛ գուցէ
Անխըզելի մեծ հաշտութիւն մ'ուխտած է...»

1906

Հո՛ս՝ կեանքն ահա՛, իր անվերջ կարաւանո՛վը յուզմանց,
Հրճուանքներու, վիշտերու, ոգորումի տենդագին, [փանց
եւ հո՛ն՝ կեցած քիչ մ՛անդին՝ ա՛յն սեւ խորհուրդն անթա-
Ռումէ բոլոր խորհուրդներն ահասարսուռ կ՛ընկրկին...:

Հո՛ս, այս պահուս, խօլական տենչերու վա՛զքը անսանձ
Մէկ ծայրէն մի՛ւսը երկրի եւ բարձրացող մինչ երկին...
Հո՛ն, մեծ դադարը յանկարծ ամենագզի բիւր հրգանց,
Անդնդահունչ հո՛ն հաւա՛չն իմաստնագոյն խորհողին...:

Հո՛ս ո՛չ մէկ նետ կը հասնի նըպատակին յոր կ՛ուզդներ,
Շէնքը զոր հոս կ՛սկսինք կը մընայ միշտ կիսաւարտ,
Ամէն թըռիչ կը կասի, եւ կը կոտորի՛ ամէն գէնք...:

Անգիտակից Ամբողջին զիտակցութի՛ւն մեղապարտ՝
Ռ՛վ մա՛րդ, պատիժդ է ասի, որմէ փախիլ կրնաս լոկ,
Ինքզինքըդ կա՛մ լըքելով կոյր Աստուծոյ մը ի գոգ,
Եւ կա՛մ անծայն երթալով կեանքի գետին հետ հան-
[դարտ...:

Ուզեցի ըզքեզ սէգ ու անընտել.
Ուզեցի մագերդ ովկիանին խաժ
Ալիքներուն պէս ձեռքիս տակ զգուել.
Ուզեցի բազո՛ւկըդ հրզօր ու վարժ...:

Ուզեցի անգուսպ քեզ իբրեւ կորիւն՝
Իմ փափաքներէս, ցասումէս ծընած,
Որպէսզի գոչեմ սրտէս «Յաղթութի՛ւն»,
Երբոր թարթափին աչքերս քնէած:

Որպէսզի սիրեն, դողալով, ըզքե՛զ,
Որպէսզի ուժիդ, շընորհիդ ներքեւ
Իմ թշնամիներս՝ մարդերը՝ ընկճես...:

Եւ մեծնա՛յ հասակդ ամբոխին վերեւ,
Եւ երգե՛ն անո՛ւնըդ միաբերան,
Ու հանչնա՛ն զիս վրադ, որդի՛ս աննըման...:

ՏԱՂ ԱՌ ԱՏԵԼՈՒԹԻՒՆ

Ատելութիւն, քեզ այսպէս բացած չէի կուրծքս դեռ...
Սէր ունէի, կամ գոնէ կը ներէի՜ շատերուն.
Կը դառնային միշտ աչքերս երկինքն ի վեր լուսայեռ՝
Միշտ լեցուելու, լեցուելո՛ւ աստեղց ժպտո՛վը քթթուն...:

Բայց ի՞նչ տրգեղ են մարդիկ, հետըզհետէ ի՞նչ տրգեղ,
եւ անդադար մութին մէջ ինձի ինչպէ՛ս կը դաւեն...
Ե՛ւ կ'ուզէ՛ք որ տակաւին Ատելութիւնը շքեղ
Ձրսրէ՞ սուրն իր ժանգոտ՝ պիղծ օրերուն անիւէն...:

Թերե՛ւքս քաղցր էր ապրիլ հանդարտօրէն, բարութեամբ,
Ժպտի՛լ երբեմն ու յանախ խորհրդածե՛լ անայլայլ...
Սըրինգը քա՛ղցր էր թերեւս՝ քան շեփորին երգը բամբ...:

Կ'ուզեմ նետել ես հիմա, զերդ ծեր սատան մը շրոայս
Ատելութեանս հուրը բորբ չորս անկիւններն աշխարհի...
Եւ ի՞նչ փոյթ թէ այդ հուրէն իմ էութիւնս ալ այրի...:

1906

Վ Ր Է Ժ Ի Գ Ի Ն Ի Ն

Ուրա՛խ եմ այսօր...: Գամուած է գինին
Ձոր պիտի խըմեմ կաթիլ առ կաթիլ՝
Մաքրելու համար սրտիս ժանգը հին . . .
Կ'ուզեմ ամբոխին մէջ սուրալ, նետուիլ՝

Ձերդ վայրի երինջ մը անտառին մէջ,
Կոտրելով ճամբուս վրայ թուփե՛ր անթիւ...
Կ'ուզեմ որ ըլլայ Վըրէժըս անշէջ,
Իբրեւ մորենին այրի ցայգ եւ տիւ...:

Կ'ուզեմ ըզգլխի՛լ մըտածմամբն ուժիս՝
Որ իրեն արգելք չի ճանչնար բընաւ . . .
Լի եմ քանդումի մրրիկո՛վն անբաւ:

Եւ եթէ, ո՛վ դուք, վաղը գտնէք զիս
Աւերակներու ներքեւ գանկըս բաց,
Գիտցէ՛ք, հրճուանքո՛վ իմ շունչս եմ տըւած...:

19 2

ՏԱՂ ԱՌ ՓՈՐՁԱՌՈՒԹԻՒՆ

Ինչպէ՞ս կ'ուզես որ սիրեմ, յարգեմ ըզքեզ ու լըսեմ
Ատամնաթափ այդ բերնէդ ականջս ի վար ձայնով ցած
Փսիբսացուած խօսքերուն՝ որոնք բարի ու խոհեմ,
Որոնք բարւո՛յս համար են, գիտեմ, խորհուած ու ըս-
[ուած....:

Ինչպէ՞ս կրնամ հանդուրժել քեզի առանց զայրոյթի
Եւ տարփողել կրնամ քեզ՝ երբ քու տեսքիդ մէջ արդէն
Ես թառամած կը գտնեմ յոյսերս ամէն ծաղկատի,
Երբ ձայնիդ մէջ իմ ամբողջ հին երազներս կը հեծնն....:

Հիմա գիտուն, իմաստուն եւ շատ լո՛ւրջ եմ, Աստուա՛ծ իմ.
Փորձառութի՛ւն, ա՛լ հիմա դուն յաւիտեան իմ մէջս ես
Ինչպէս որդը պըտողին, եւ ես քեզմո՛վ կը փըտիմ....:

Դուն կը ցայտես աչքերէս, շարժումներէս, խոհերէս,
Եւ ամէն օր որ կ'անցնի՝ կ'ընէ քեզմո՛վ զիս հասուն,
Եւ ամէն օր աւելի՛ քեզմով կ'ըլլամ ազազուն....: ՆԿ

1909

Հ Ա Ի Ա Տ Ա Փ Ո Խ Ը

Ա.

Դեռ շատ պզտիկ՝ կը յառէր իր աչուրնե՛րը յանախ
Տեղափոխուող իրերուն, անցնող ձեւին, գոյնին վրայ.
Իր մտածո՛ւմը կ'աճէր խոտին հետ որ կը մեծնայ.
Կը թօթուըւէր իր հոգին թիթեռին հետ թեւաբախ....:

Դեռ պատանի՝ կը խորհէր ամէն արդեանց պատճառին,
Կ'անշարժանար Շարժման դէմ, եւ կը թըւէր իրեն թէ,
Ինչպէս ալի՛քը մօտի՛ ուրի՛շ ալեաց ծընունդ է,
Այնպէ՛ս իր կեանքն ալ կուգայ կենաց ծո՛վէ մը լըռին....:

Եւ կը վախնար՝ գտնելով զինք խորհուրդով մը լեցուն,
Ճակատագրին խաղալիկ, անձանօթին սահմանուած,
Շղթայապի՛րկ զերդ գերի, արարչագո՛րծ զերդ Աստուած:

Եւ կը մեծնար՝ մատնըւած իր հետ մեծցող վախերուն,
Եւ երբ Աստուա՛ծը իր մէջ յաղթահարուած ա՛լ ըզգաց՝
Ան վանք մըտաւ եւ եղաւ սեւ ստուեր մը սրբասաց....:

Բ.

Կարծես լարուած եւ հիմա թրթրուածայն ու անվերջ
Քակուող պզտիկ զսպանակ մը լըռանիստ խուցին մէջ,
Վանականին շրթունքէն բառերն իր հին աղօթքին
Կը թափթրփին մենակերպ, խըռովայոյզ, անձկագին...:

Գուցէ դուրսի աշխարհէն եկաւ խորհուրդ մ'այցելել
Յանպատրաստից իր հոգին...: Գուցէ բաւի՛ղը անել
Հաւատալեա՛ցը խրթին՝ մոլորեցուց միտքն յանկարծ...
Կամ իր անցեա՛լն էր գուցէ որ վառեցաւ ինքնարծարծ...:

Նայուածքն ահա քիչ առ քիչ կը սեւեռի սարսափով...
... Երկինք շրջած է ահա՛ եւ եղած վիհ մը իր քով.
Սեւ ագռաւներ գլխուն շուրջ կը թռչրտին անդադար
Եւ իր հոգին վիհին մէջ կը փըստըն կոցահար...:

Եւ աղօթողն երբ կ'զգայ որ սուրբ բառերը փըցուն
Դեռ խըռովքին մըրուրով կը թողուն սիրտը լեցուն,
Դանդաշելէն կը քայլ դէպի լուսանցքն իր խուցին,
Եւ աչքերէն արցունքի երկու ուղխեր կը հոսին...:

Գ.

Լուսամուտին առջեւ նստած է ան հիմա,
Աչքը դաշտին եւ լեռներուն փոփոխակի,
Որոնց ետեւ գիտէ թէ մեծ քաղաքը կայ
Եւ հոն մարդոց հօտը անթիւ կը մակաղի...:

Նայուածքին մէջ կայծեր կ'անցնին արեգակէն
Եւ մտքին մէջ մեծ փայլակներ՝ որ անդադար
Կենանքի մըթին անտառը հոծ կը փեռեկտեն
Եւ կը ցուցնեն հոնկէ անցնող գետերն երկար...:

Լուսամուտին առջեւ նստած կը դողա՛յ ան...
Մութ է իր խուցն եւ մո՛ւթ՝ աշխարհն ալ իր առաջ...
Զընըշուլած ըլլար ճահանչն այս գիտութեան
Որ կը խաղայ երեսն հոգւոյն լալահառաջ...:

Սակայն ոտքի կ'ելլէ յանկարծ, եւ վճռօրէ՛ն
Կը սրբէ աչքն ուր կը փայլի բոց մը գաղտնի,
Եւ խըլելով Խաչելութիւնն իր սընարէն,
Զինուորուա՛ծ անձ, հետը կ'առնէ ու կը մեկնի...:

I

ԱՐՇԱԿ Ա.Ի ԿՈԹՈՂԸ

Ծովեզերքին վրայ կանգուն՝ կ'երեւի Սի'ւն մ'ըսպիտակ
Որուն գագաթը մինչդեռ կը ծփծրփայ ձիւնափառ՝
Կը դիզուի աղտը տակաւ իր անպաշտպան ոտքին տակ-
Մարդը հոն խո'ւխ կը նետէ եւ շունը ժա'յթք անըսպառ:

Բայց լեռներէն հեռաւոր կուգայ դիւցազն պարմանին.
Թեթեւազէն, ամրաբայլ, արծուէհայեաց, աճառուտ,
Եւ մարմարին լուսողող լանջքին վըրայ անօգուտ
Մէկ հարուածով կը մըխէ յանկարծ նիզա'կը Փառքին...:

Դիշերուան մէջ կայծակներ գլխուն հաճանչ կը սփռեն
Եւ ամբոխներ երկիւղած զայն պաշտելու կուգան միշտ,
Մինչեւ որ օր մ'ալ ուրիշ գան ամբոխներ ամբարիշտ
Եւ ալեաց տակ գըլորեն Կոթողն ու Փա'ւքը իրեն...:

1902

II

ՏՐԿԱՑ Ա.Ի ԿԱՌՔԸ

Տե'ս, նենգաւոր քու վըրանիդ մուտքին առջեւ,
Կառք մը որուն անիւներն են երկու արեւ,
Երիվարներն ալ մութ ամպեր . . . , տե'ս, ո'վ նախկին

Արքաներու հրգօր սերո'ւնդ, ըզքեզ կրկին
Կը կանչէ կառքն արշաւներու... Օ'ն, թո'ղ համբան
Քեզ առաջին տեսնէ, ըլլա'յ միշտ անխափան...:

Մինչեւ երկինք կ'ելլէ փոշին ակօսներուդ
Որուն ետեւ ախոյեաններդ կը գալարուին . . .
Դո'ւն ուժերուդ վարէ՛ երա'մը խմբովին . . . :

Եւ թէ ըլլայ որ նեղ համբու մը մէջ ժուռու
Քեզ վար նետէ յանկարծ Դիպուա'ծը դժպատեհ,
Սուրա' իսկոյն եւ անիւէն զայն կալանէ' . . . :

1903

ԱՐՏԱՆԵՍ Բ.Ի ԳԵՐԵԶՄԱՆԸ

Ահագնամեծ բացուեցաւ զերեզմանին հայրենի
Երախը լայն ուր անթիւ ինկան քաջեր ինքնագոհ...
Նորոգուեցաւ թարմ արեամբ պատմուեանը ծիրանի,
Եւ սարսուացին անոր տակ ոսկորները բրրածոյ...:

Արքայորդի՛, միայն դո՛ւն խոտուաղէմ, սեպածեւ,
Կանգնած եզերքը փոսին՝ մութ խորհուրդներ կ'որոնաս.
Կ'ընկրդմի շո՛ւրջըդ աշխարհ եւ արեւը քեզի սեւ
Կ'երեւայ ռումբ մը միայն կործանումի վերահաս...:

Արքայորդի՛, օ՛ն թօթուէ՛ այդ տրամութիւնդ եսական.
Եղերամա՛րք թո՛ղ հեծեն եւ թո՛ղ գանձեր մեծագին
Թաղուին իր հետ եւ ըլլա՛ն զոհաբերումն իր փառքին...:

Դեռ թաց աչքեր, արդէ՛ն իսկ, յոյսով վերադ կը դառնան
Եւ կը փնտռեն սուրն աջիդ...: Չայն շողացո՛ւր եւ քեզ հետ
Վազցո՛ւր ամբո՛խը մինչեւ նոր ափունքներն արփաւէտ:

1903

ԱՐՏԱՆԵՍ Գ.Բ.

Սալերուն վրայ կիրակնօրեայ հարուածներ
Այլեւքս թո՛ղ չըզարնըւին...: Կեր տարէ՛ք
Մասեաց այրին առջեւ՝ որուն խորը ծեր,
Հսկայ՛ գամբուեր կ'ոռնան զիշեր եւ ցերեկ...:

Թո՛ղ զօրանան անոնք եւ թո՛ղ վերջապէ՛ս
Կրժեն շղթան Բանտարկեալին դարաւոր...
Ո՛վ մեծ շուներ, որքա՛ն նայուածք գաղտնապէս
Կը դիտեն ձեր անվրհատ ճիգը այսօր...:

Եւ թո՛ղ լուծուի ա՛լ հօրն անէծքը յամառ
Իր փոսին մէջ նետուած այս նոր զոհերով,
Եւ յայտնըւի՛ որդւոյն հասակը պայծառ
Մեր դաշտերուն վրայ որ դարձա՛ն մահուան ծով...:

Հայ աշխարհի հուններուն ^{մաս} ~~վայ~~ անպաշտպան՝
Իր տէգերուն կայծակն անվերջ թո՛ղ շողայ,
Թո՛ղ թշնամոյն գունդերն իր շո՛ւրջը իյնան,
Եւ թո՛ղ կանգնէ՛ հայրենի գա՛նն հրնօրեայ...:

1905

Ան յազգեաց թո՛ղ եր վերեւ

Վ Ա Ր Ա Չ Դ Ա Տ

Աւելի՛ արագ քան նետն աղեղին,
 Աւելի՛ աշխոյժ քան իր յոյսն անսանձ՝
 Զոր տարիներով գգուեց կաթողին
 Օտար երկրնքի մը տակ անթափանց
 Եւ օտար ու ցուրտ աչքերու ներքեւ . . . ,
 Հիմա՛, դաշտերէն ու անտառներէն
 Կը սուրա՛յ, եւ իր արշաւին առջեւ
 Կը կենայ՝ յաղթուած՝ մրըրկօտն երէն . . . :

Գիտէ թէ հեռուն զահն Արշակունեաց
 Բացած է թափուր բազուկներն իրեն,
 Թէ իրեն՝ նոյնպէս սրտեր լայնաբաց
 Կ'սպասեն հեռու հայրենի երկրէն . . . :
 Կը ժպտին ահա՛ Մասիսք երկոքին . . . ,
 Վեհաշարժ սօսիք կարծես մեծ բարեւ
 Մը կուտան իրեն . . . , մինչ Եփրատն անդին
 Կը քակէ իր դէմ գօտին հրրանձրեւ . . . :

Ահ շուտ, հիմա շու՛տ, Հայերու Աստուած,
 Իշխանը Հայոց հասցո՛ւր իր փառքին . . .
 — Յանկարծ, քարայրէն սա՛ սեպագանգուած
 Թշնամի մարդիկ դուրս կը սողոսկին
 Եւ իր լուսեղէն ճամբան կը կտրեն . . .
 Բայց ի՛նք կը թօթուէ զանոնք զերդ տերեւ
 Եւ ահեղ թափով մը կ'ոստնու գետէն,
 Հրաշալի՛ կամուրջ Եփրատի վերեւ . . . :

1905

VI

Յ Օ Ր Յ Ա Լ Է Ձ Ն Ն Ր Ը

Երբեմնական ո՛վ մեր դաշտե՛րը օրհնացան,
Բերրի՛ դաշտեր, որ աշնայնի հովին ներքեւ
Ձեր դեղինփառ հասկերուն ծո՛վը անսահման
Վէտովէտելով երկընքին տակ՝ երկնապարզե՛ւ

Ձեր հունձրն առատ հայ գիւղերուն կը բաշխէիք...
Դժբա՛խտ դաշտեր, իր բրտինքէն ետք զոր սիրով
Գիւղացին ձեզ կը նըւիրէր, իր կարմրրիկ
Արի՛ւնն ալ ձեր վըրայ վազեց հեղեղներով...

Եւ ա՛լ անձայր գերեզմաննոց մը դուք դարձաք,
Մըւա՛յլ դաշտեր..., եւ գիշերուան շաղը չքնաղ
Իբրեւ արցունք իջաւ մինչեւ արեւածագ
Ըզձեզ ծածկող մեռելներուն վրայ կիսաթաղ...:

Սակայն, դաշտե՛ր, Հայո՛ց դաշտեր, ջրզգացի՛ք դուք,
Այդ ահաւոր գիշերներուն մէջ անթափանց՝
Երբ կը պատէր ըզձեզ խաւարը մեծասուգ
Ու կը լսուէր հոգեվարքի ճիչը մանկանց ,

Ձրզգացի՛ք դուք ձեր հուններէն լայնատարած
Խուժող այդտեղ մըթին վոհմակ մը խօլարշաւ ,
Սեւ շուներու անձայն վոհմա՛կ մը որ սուրաց
Եւ մեր անթիւ դիակներուն վրայ կանգնեցաւ...

Եւ ջրճանչցա՛ք Յարալէզնե՛րը հին Հայոց ,
Արարատի կիրճերէն դուրս ելլող յանկարծ,
Դէպի զիրենք կանչող դիե՛րը բազմախոց
Մօտենալով, եւ լրգելով վէրքերը թաց . . . :

Դաշտե՛ր Հայոց, մեր զոհերուն համար պէտք չեն
Ո՛չ դամբարան, ո՛չ ալ ծառեր իբր հովանի...
Յարալէզնե՛ր մենք շինեցինք մեր սրտերէն.
Եւ զոււղն այդպէ՛ս օր մը ոտքի պիտի կանգնի...:

VII

ԿՆՂՕՆ

ՍՕՍԵԱՅ ԱՆՏՍՈՒՆ

Հայոց երկրին մէջ միշտ կ'ապրին
Մեծ սօսիներն արմէնաւանդ . . .
Եւ լրութեանն ու ըստուերին
Մէջտեղ անոնց, անարգաւանդ
Օրէ մը ետք քերթողն երբ խանդ
Ու ներշնչում խնդրել կուզայ,
Երբովայոյզ հիւղերն աստ անդ
Կը փսփրսան «— Դո՞ւն ես, արֆայ . . . :»

հայաստան

Կ'անցնին անվերջ օրն ու տարին
~~Խառնաճառ~~ . . . : Դաշտ, դարեւանդ
Եւ լեռներուն ալ կատարին
Ձիւնը փայլուն զերդ ադամանդ
Կը կրբեն հետքն անոնց հիւանդ
Ծա՛նըր քայլին . . . Մինչ հոս՝ հսկայ
Ծառերն, յոյսով միշտ անվրկանդ,
Կը փսփրսան «— Դո՞ւն ես, արֆայ . . . :»

Սեւ աղէտի մը նախօրին՝
Անտառն յուզուած է՝ մանաւանդ
Եւ տխրութեամբ սօսիք կ'օրրին .
. . . Օ՛հ թշնամուոյն ըստուերը ժանդ .
Տունե՛ր, գիւղե՛րը քարուքանդ . . .
Բայց մինչ թաւուտքը կը սրգայ,
Ահա՛ ձայներ անհրճազանդ
Կը փսփրսան «— Դո՞ւն ես, արֆայ . . . :»

Չ Օ Ն

Իշխա՛ն, անյայտ դեռ քու անուանդ
Հայորդիները ապագայ
Ուխտած պաշտում մը մոլեռանդ՝
Կ'աղաղակեն «— Դո՞ւն ես արֆայ . . . :»

1903

Գ Ո Ղ Թ Ա Ն Ե Ր Գ Ի Չ Ն Ե Ր

Տաւիղն առկախ իրենց ուսէն՝ կ'երթային
Գիւղէ ի գիւղ, զըւարթ, անհող, աներկիւղ.
Ճըպուռներէն մեղեդիներ դաշտային
Կը սորվէին եւ գիշերը՝ նորընծիւղ

Խոտերուն մէջ կ'երգէին գովքն Աստղիկին...
Առտուն նորէն համբայ ինկած, արեւո՛վ
Արդէն գինով, գիւղի մը մօտ երբ այգին
Կը տեսնէին՝ կը մտնէին անոր զով

Յանցերուն մէջ եւ մեղրագօծ ողկոյզներ
Կը քաղուէին անոնց շրթանց վրայ թովիլ...
Որթատունկն ալ իր ոստերով կը՝ պննէր
Անոնց զըլուխն՝ որ կը հակէր քիչ առ քիչ...:

Ասպնջական դուռ մը հեռուն կը բացուէր
Անոնց առջեւ... Կանանց, տըղոց՝ ցնծութի՛ւն...
Իր անկիւնէն կ'օրհնէր հանին ալեհեր
Եւ կը խայտար, կը վրժա՛ր տո՛ւնը համբուն...:

Սեղանն առատ, ինչպէս զինին ալ աշխոյժ,
Կը գրգռէին երգիչներուն խանդն անմեռ...
Կը հեծեծէր տաւիղն իբրեւ սիրտ մ'անբոյժ
Եւ ձայներէն միշտ ըսփոփանք կը հոսէր . . . :

Գողթան երգիչն աւանդապահն է ցեղին .
Վահագնի ծնունդ, Արտաշէսի հարսանիք ,
Դարէ ի դար անոնց երգին մէջ կ'ապրին...
Մատա՛ղ ձեզի, երգիչնե՛րս, դո՛ւք ալ ապրիք...—

. . . Կ'անցնին, կ'անցնի՛ն շատ տարիներ ու դարեր,
Եւ կը հոսի արի՛ւնն, աւա՛ղ, զինւոյ տեղ . . . ,
Բայց կը դառնայ խնդութի՛ւնը անհամբեր
Եւ դուք կ'երգէք նորէն ձեր ե՛րգն արփագեղ...:

ՍՈՒՐԲ ԲԱՐԿՈՒԹԻՒՆԸ

Գառնուկներուն համբերութիւնը հասաւ ա՛լ.
Երբէ՞ն ի վեր եւ մինչեւ ե՞րբ գառնուկ ըլլալ...
Տանարներուն աղաւնիներն ալ սրբագոհ
Կորագրուի իրենց կեանքէն եղան դժգոհ . . . :

Մասնակցեցան շուշանները անոնց քէնին,
Գալարեցին մաքրասարսուռ հեզ հասակնին . . .
Մանիշակներն ալ դարձուցին վիզերնին վեր
Եւ իրիկուան մէջ սիւռեցին բա՛րկ բուրումներ...:

— Ո՛վ հեղգութիւնն մարտիրոսաց եւ հին սրբոց.
Հերի՛ք որչափ պագինք դահե՛ին ձեռքերն ու զէնք.
Մեր կարգին մե՛նք ալ արդ դահի՛ն ըլլալ կ'ուզենք—:

Եւ գառնուկները գայլ եղան, տատրակներն՝ օձ,
Եւ շուշանները փոխուեցան ժանտափուշի,
Եւ մոլեխինդ՝ մանիշակաց տեղ արդ կ'անի . . . :

1903

Գ Ե Ղ Օ Ն

ՎԱՆԱՅ ՏԱՐԵՆԻՆ ԵՒ ԿԱԽԷԹԻ ԳԻՆԻՒՆ

Դրրախտը անշո՛ւշտ հաստատուած էր հող,
Բարեբեր երկիր, դժբա՛խտ հայրենիք . . .
Հունձքըդ ատոք էր, մարգըդ քաղցրահոտ
Եւ վրրադ ապրող մարդո՛ց երջանիկ
Ամէն օր տօն էր, ամէն օր հարսնիք . . .
Արիւնը հողին եւ բերքն ալ ծովին
Ճաշակելով յար՝ կ'օրհնէ՛ին նախնիք
Վանայ տարելսն ու Կախէթի գինին . . . :

Չըկոխկուտըւած չըմընա՛ց արօտ . . .
Ամէն անկիւնէ զազանն իր ժանիք
Ցուցուց եւ քանդեց... եւ ամէն ջրրոտ
Դաշտերը չորցան... ամէն մէկ տանիք
Սուգի քօղ կապեց... մանկուներ, պատանիք
Երգելը մոռցան, եւ իրենց հանին
Ա՛լ մոռցաւ բերել մառանէն աննիզ
Վանայ տարելսն ու Կախէթի գինին...:

Ո՛վ երզանկութեան աննըւան կարօտ . . .
 Լոյս մը կը ծագի ճամբուն վրայ մենիկ . . .
 Ահա՛ կը դառնայ հօտը հովուին մօտ ,
 Եւ ահա՛ այգին, մանկամա՛րդ կրնիկ ,
 Կ՛զգայ իր ծիծերն հոյզով նորէն լիք . . .
 Եւ սեղաններուն վըրայ կ'երեւին
 —Մինչդեռ օրհնութեամբ, քաջե՛ր, կը յիշուիք—
 Վանայ տարեխն ու Կախէթի գինին . . . :

2 0 Ն

Շարայ, գէր իշխան Շիրակայ, հերի՛ք
 Որքան ամբարներդ պարապ հեծեցին .
 Ողջունէ՛ դարձեալ երկնային բարիք՝
 Վանայ տարեխն ու Կախէթի գինին . . . :

1903

Հ Ա Յ Ա Ս Տ Ա Ն Ի Ն

Սիրեցինք Քեզ նախ դրօշակի մը պէս . . .
 Մեզ ըսեր էին, երբ փոքր էինք դեռ ,
 Թէ լերանց կատարն էիր պանծացեր ,
 Թէ ծալլեր, նետե՛ր էին հիմա Քեզ ,
 Բայց թէ պիտի գար այն օրն ուր նորէն
 Պիտի ծեծուէիր դուն լայն հովերէն
 Ու լուսաւորէ՛ր պիտի ցոլքըդ մեզ . . .
 Սիրեցինք Քեզ նախ դրօշակի մը պէս . . . :

*

Իբրեւ ուռենի՛ մը Քեզ սիրեցինք . . .
 Հերարձակ գըլուխդ կ'օրրէիր մեղմիւ ,
 Նայելով կոտրած ճիւղերուդ անթիւ . . .
 Կ'անցնէին քովէդ ժանտաղէմ անձինք՝
 Հաստաբուն կոճղիդ զարնելով կացին . . .
 Օ՛հ, Քեզ մեր աչքերը ծով-ծով լացին՝ →
 Երբ այլք ոստերէդ շինեցին սրբինդ . . .
 Իբրեւ ուռենի՛ մը Քեզ սիրեցինք . . . :

*

Սիրեցինք ըզՔեզ, վրիժառու դանա՛կ...
 Հողին տակն էիր՝ երբ ձեռք մը անտես
 Քեզ մէջտեղ հանեց, շողացուց ըզՔեզ...
 Դահլիճը ըզգաց Քեզ կոկորդին տակ
 Եւ պահ մը դողաց, բայց պա՛հ մը միայն...
 Կոտորեցար, ժանգո՛տ դանակ, նոյն հետայն,
 Եւ Քեզ ծաղրելով թողուցին մինակ . . .
 Սիրեցինք ըզՔեզ, վրիժառու դանակ . . . :



Կը սիրենք Քեզ արդ, գերութեան շղթա՛յ,
 Որ ըմբոստացման կը մըղես ըզմեզ . . .
 Մեր միսերուն մէջ, մեր վրզին շուրջն ես
 Եւ ամէն շարժում գոր կ'ընենք հիմա՝
 Մեզ կը գալարէ ցաւերով անգութ...
 Բայց պիտի սիրենք հետքն ալ վէրքերուդ
 Այն օրն ուր ըլլաս Դուն կապ մը ծաղկեայ...
 Կը սիրենք Քեզ արդ, գերութեան շղթա՛յ...:

1901

« Հ Ա Յ ՈՒ Հ Ա Դ Ի Ն »

Ողբայեալ Դ. Դաւիթեանի յիշատակին

Կ'երթայ, կ'երթայ... մարդու մը պէս որ գինով,
 Որ հիւանդ է..., զոր շատ խաբեր, տանջեր են,
 Եւ ո՛ր նորէն, դանդաչելով, տըքալով՝
 Կ'երթայ յառաջ իր տաժանքի համբայէն...:

Դէպի առաջ, դէ՛պ՝ իր կայանն հեռաւոր՝
 Որուն յոյսը իր մէջ փոխուած է ուժի,
 Ան մի՛շտ կ'երթայ, երազելով, մինչեւ որ
 Փոսի մը մէջ յանկարծ նորէն գըլորի . . . :

Մերթ մընացորդ մը իր նախնեաց քաջութեան
 ձախատագրին դէմ զինք ոտքի կը հանէ,
 Եւ չըղբած դեռ կոտրած սո՛ւրը պատեան՝
 Ան մութին մէջ քիչ մ'ալ ինքզինք կը զարնէ...:

Եւ միշտ կ'երթայ, դանդաչելով, տըքալով,
 Հագիւ կանգուն յիշատակովը իր հարց...
 Կ'երթայ մութին մէջ իր ցաւովը զինով...,
 Մինչեւ որ օր մ'ելլէ լոյսին մէջ յանկարծ...:

1902

ՏԱՂ ՀԱՅԵՐԷՆ ԼԵԶՈՒԻՆ

Քեզ, Հայ լեզո՛ւ, կը սիրեմ մրգաստանի մը նրման...
Մեր անցեալին թանձրախիտ ստուերներուն մէջ՝ կարծես
Մէյ մէկ պըտտո՛ւղ՝ քու բոլոր բառերդ ինծի կ'երեւան,
Որոնց մէջ միշտ կը քալեմ ու կը քաղեմ զանոնք ես...:

Մրգաստանի մը նրման կը սիրեմ քեզ, Հայ լեզո՛ւ...
Մեր հայրենի պալատէն, պարտէզներէն մընացորդ՝
Դալարագեղ դուն պուրակ, որ դիմացար դարերու,
Եւ կը մընաս միշտ առոյգ, հին աւիշովդ կենսայորդ...:

[ման,

Ծառերուդ մէջ հովանուտ կ'երթամ խինդով մ'անսահ-
Արմատներուդ, հիւղերուդ վրայ նայելով հիացիկ,
Զարմանալով թէ ինչպէ՛ս դուն մընացիր՝ երբ սաստիկ
Քամին քու շո՛ւրջըդ փրջեց եւ տապալեց ամէն բան...:

Մէյ մէկ պըտտուղ գոյնըզգոյն՝ ամբողջ բառերդ ահա՛,
Հիւթե՛ղ բառերդ՝ զոր որքա՛ն հասունցուցին արեւներ,
Բառերդ որոնք այս պահուս ունիմ շրթանցքս վըրայ,
Բառերդ որ քիմքըս կ'օժեն՝ միբզերո՛ւ պէս հոտեւան...:

Ի ԼԵ ՉԻՆ ՄԻՋ ԱՅՆ-ԳԻՐԻՍ

ԱՐԱՐԱՏԻ ԴԱՇՏԻՆ ՄԷՋ

I

Մ Ս Ս Ս Ս Ն

Դուն Մասի՛սն ես...: Եւ կը նայիմ, կը նայի՛մ քեզ,
Անյագ աչքով, մինչ սիրտըս ալ ա՛յբ մ'է կարծես
Որ ընդլայնած՝ քեզ կը գրկէ ամբողջապէս,
Քեզ կը ծըծէ՝ զերդ ջուրը հո՛ղն արեւակէզ...:

Կը տեսնե՛ս զիս, ո՛վ Մեծ Վըկան մեր անցեալին,
Եւ կ'զգամս թէ նայուածքիս մէջ որքա՛ն նայուածք
Եւ հոգւոյս մէջ զահակործան քանի՛ աստուածք
Քու անսասան գահիդ առջեւ կը կողկողին...:

Արշալոյսին մէջ ծիրանի կ'զգենուս դուն,
Զինչ օղին մէջ կը ծփծրփաս՝ բայց չես ժպտուն,
Քեզ զըրաւած է յիշատակն հին դարերուն...:

Եւ տըխուր ես, զի իշխանաց փառապըսակ
Հսկայաբայլ տեսար անցնի՛լը ոտքիդ տակ,
Եւ զի յոյսի հորիզոններն են բոլո՛ր փակ...:

II

Ա Ի Ե Ր Ա Կ Ն Ե Ր Ը

Ի զուր, աւանդ...: Դարերն իսպառ անցեր են
 Եւ հազիւ թէ աւերակներ են թողեր,
 Հետքեր միայն անո՛նց կեանքէն ու փառքէն
 Որոնք երբե՛ մն հոս կ'ապրէին իբրեւ տէր...:

Սաւառնաթեւ կայ յիշատակ մը այստեղ՝
 Մեծ տրտմութեամբ մը ծանրացած, մըթընցած...
 Դաշտերն ի վար կ'իջնայ անցեալը ահեղ՝
 Իր օթեւան սեպ սարերէն ամպամած . . . :

Գանի մը քար, քանի մը քառ՝ հոս ու հոն,
 Տապանազի՛ր գերեզմանի՛ մը անծայր . . .
 Եւ մինչ ծրուած՝ կ'ուզես կախել սիրտդ ի ձօն

Ազատ արանց որ հայրերուդ էին հայր,
 Ո՛վ խեղճ ստրուկ, անցեալը չի՛ հանչնար քեզ
 Եւ ձեռքիդ մէջ սիրտըդ փոշի՛ կը զանես . . . :

III

Լ ՈՒ Ս Ա Ւ ՈՐ Չ Ի Կ Յ Ն Թ Ե Ղ Ը

Երկնի անթիւ աստղերէն՝ մերն է միայն անկեա . . .
 Ամէն գիշեր, վերը հո՛ն, Արագածի գլխուն վրայ
 Ան կը շողայ առանձին, այնքան անջատ միւսներէն՝
 Որ ուրի՛շ ձեռք մը կարծես զանի վառեց գաղտնորէն...:
 [եա՛ն .

Կարծես թէ ան հոն կախուած է մեզ համար, յաւիտ-
 Ան կանթեղն է՝ լոյս առած Լուսաւորէն Հայութեան,
 Անկէ լըցուած, անոր ջինջ արտասո՛ւբէն՝ իւղի տեղ,
 Պլպրլացո՞ղ քաղցրութեամբ, պլպրլալի՛ք միշտ կանթեղ...:

Այդպէ՛ս հաւտաց ու այդպէ՛ս դեռ կը հաւտայ հայ հոգին՝
 Որ միշտ դարձաւ, նայեցաւ եւ յառեցա՛ւ անձկագին
 Առտուն՝ ձիւնոտ Մասիսին, եւ գիշերներն ալ՝ անո՛ր...:
 [թեղիդ

Այդպէս եւ ե՛ս, ո՛վ մեծ Սուրբ, հաւատարժարժ կան-
 Ըզգացի որ հոգւոյս մէջ կը ծագէր շո՞ղը վրճիտ,
 Եւ կը մեծնար, կը մեծնա՛ր, մինչեւ կ'ըլլար ա՛յգ մը նոր...:

I V

Հ Ր Ա Շ Ա Լ Ի Յ Ա Ր ՈՒ Յ Ի Ն

Հըրազդա՛նն է անիկա . . . եւ իր գոռո՛ւմը անեղ
 Կը լեցընէ տարածութի՛ւնը շուրջի...
 Ո՛վ խուլ ժըխոր, որ օդին մաքրութեան մէջ ծայրայեղ
 Ձերդ բզզիւն մը մեղուանոցի կը թռչի . . . :

Կը մօտենաս եւ տակաւ կը համակէ ձայնը քեզ,
 Կը մտնէ ներս ականջներէդ ու սրտէդ,
 Մինչ դաշտին մէ՛ջ ալ կարծես կը ծովանա՛յ փրփրադէզ
 եւ կ'ընթանայ՝ քեզ վարելով իրեն հետ...:

Իջած է մո՛ւթը հիմա Մասիսի հին երկինքէն՝
 Ուրկէ այնչա՛փ արեւներ ալ բարձրացան,
 Իջած է լուռ ու հանդարտ, փոշիի պէս ձիւննեղէն,
 Կամ անցեալի ինչպէս անի՛ւն սրբազան . . . :

Երբ կամուրջէն անցնելով ա՛լ կը մտնես երեւան՝
 Գետին աղմուկն արբեցուցած է ըզքեզ . . .
 Իր ջրվէժող ալեաց տակ աննետացած է ներկան .
 Պատմութեան մէջ, պապերուդ հե՛տ կը քալես...:

Եւ ի՛նչ հրմայք՝ քիչ յետոյ՝ երբ Հովուատո՛ւնը Հայոց
 Ուր կը մտնես ինչպէս դղեա՛կդ հայրենի,
 Բերդի մը պէս կը կանգնի գետին վերեւ ցաամսակոծ
 եւ այդ անվե՛րջ մըռընչիւնով կ'օրօրուի...:

Գիշերուան մէջ կը կենաս պատըզգամին վրայ անոր...
 Յերեկուրնէ Մասիսն աչքիդ մէջ է դեռ .
 եւ կը խորհիս. «—Հայութեան Մասիս իրա՛նն է հրգօր,
 «Եւ Հըրազդան՝ իր աղաղա՛կըր անմեռ...»

V

ԶՈՒԱՐԹՆՈՑ ՏԱՃԱՐԻՆ ՄԷՋ

Այս տաճարին մէջ, ո՛վ Տէր, աղօթեցին անո՛նք որ
Իրենց ցաւի ծուխին խառն՝ հրեճուանքի բո՛ց մ՛ուռնէին.
Իրենց մաքուր քրտինքին հետ արեան ուղիս մ՛ալ բոսոր
Շաղախած էր այս հիմերն, եւ բուրումին հետ խուռնկին

Կը բարձրանա՛ր անոր հոտն եւ կ՛ափովէր միշտ զիրենք...
Խաղաղութի՛նն ամէնուն հոգիին մէջ կը տիրէր
եւ հաւատքով դեռ ամուր ու շրթներով ալ աննենգ,
Անոնք ըզ՛բեզ կ՛օրհնէին՝ զի կ՛օրհնէի՛ր զիրենք, Տէ՛ր....:

Հիմա, այստեղ, ծածկըւած են դարերու փոշիով
Անոնք որոնք հայրերուս եղան հայրե՛րը ազատ,
Անո՛նք որ հոս ատենօք ծնրադրեցին քովէ քով,
Խոնարհեցան, բայց նաեւ շտկըւեցա՛ն անընդհատ . . . :

Մինչդեռ այսօր, այս փրլած տաճարին շուրջ կը տեսնեմ
Տարածաափի՛ւռ ամէն կողմ, մինչեւ հեռուն, շա՛տ հեռուն,
Անոնց սերո՛ւնդը ամբողջ, մի՛շտ ծնրադիր, թախծադէմ...
— Տէ՛ր, արձակէ՛ ա՛լ զանոնք, ի սէր իրենց պապերուն...:

1911

ՅՈՒԼԻՍ ՏԱՍԸ

Անո՛նց որոնք այս առաւօտը չը տեսած՝
Գիշերն ի բուն Խաւարին դէմ մաքառելով,
Խաւարին մէջ տապալեցան գետնատարած...,
Անո՛նց՝ երթանք աւետերգել տապանին քով...

«—Ահա՛ արեւ որուն սիրո՛վը դուք մեռաք,
«Ահա՛ երկինք՝ ձեր յոյսերուն նրման պայծառ,
«Եւ ապագա՛ն, անուշ ու ջինջ, զոր մենք անյազ
«Հոգւով կ՛ըմպենք՝ մեր ծարաւի՛ն մէջ հրրավառ...»

«Աշխարհ ամբողջ հիմա ծո՛վ մ՛է ուրախութեան,
«Ուրկէ, աւա՛ղ, առանց ձեզի մենք կ՛արբենանք,
«Թէպէտ գիտենք որ բղխեցաւ ձեր մըտածման
«Աղբիւրներէն եւ ձեր նիզէն ան առաւ կեանք...:»

Երթանք հծծել մենք անոնց քով՝ «Ներողութի՛նն...»
Անո՛նց, որոնք այս առաւօտը չը տեսած,
Խաւարին դէմ մաքառելով գիշերն ի բուն,
Խաւարին մէջ տապալեցա՛ն գետնատարած...:

1908

Մեծ Վրճիռին հասած էր օրն, ու բացուած
էին բոլոր գերեզմաններն աշխարհի . . .
Բիւր սերունդներ կեցած էին դէմ դիմաց,
Մութ երկնից տակ՝ որուն վրայ վիթխարի

Ձեռք մը միայն կը նըշուէր . . . : Այդ Ձեռքէն
Կ'իջնար տակաւ, կ'իջնար դանդաղ, լըռելեայն,
Հսկայ Նըժար մը շղթայով հըրեղէն՝
Ձոր յարուցեալք կը դիտէին պիշ, անծայն . . . :

Սարսափազդու Նըժարն եկաւ ու կեցաւ
Այս մարդկային ծովուն վերեւ . . . եւ տակաւ
Հոգիներուն կ'երթար հեղեղն անոր մէջ . . . :

Նըժարն ամէն արժէք հշդիւ կը կշռէր . . .
Միայն երբ գար Գըթած Հոգին, հրեշտակներ
Կը տանէին զայն լոյսերու մէջ անշէջ . . . :

Այս գիշեր ալ, այս հեռաւոր լեռներուն մէջ,
Մըղոններով հեռու բոլոր հին տեղերէն,
Մինակ, մինակ բոլորովին, ամիսներէ
Ի վեր ո՛չ մէկ մըտերիմ բառ ուղղած մէկուն,
Յիշատակներս իսկ վախնալով շատ քրքրելէ
Ձի չըլլայ թէ այս ներկային մէջտեղ սառին . . . ,
Այս գիշեր ալ, նորէն քաշուած սննեակիս մէջ,
Վարէն ահա՛ տըղոց աղօթքը գիշերուան
Կը լըսեմ որ կը բարձրանայ մինչեւ ինձի՝
Կարծես Մութին հսկայակա՛ն թեւերուն վրայ . . . :
Ու կ'ունկնդրեմ այդ նըւագին, ու կը դառնայ
Կ'իջնայ միտքըս, կ'իյնայ յանկարծ անոնց վրայ,
Հարիւր քըսան տըղաքներո՛ւն՝ որոնք այստեղ
Սամիսներէ ի վեր կ'ապրին միշտ ինձի հետ,
Որոնց ահա՛ ամէն մէկուն աչքերն ու դէմքն
Իրենց ձայնին հետ դէպի ինձ կը բարձրանայ . . . :
Երգը լըռեց . . . Վայրկեան մը վերջ խուլ ժըխտով
Կը թըթըռայ բակը ամբողջ . . . : Ժըխտըր վեր
Կ'ելլէ տակաւ սանդուղներէն, դաշնաւորուած

Ոտքի աշխոյժ տրրոփներով...: Վանդակապատ
 Թռչուններու խումբ մ'է կարծես, որոնք յանկարծ
 Իրենց թեւերը թօթուելով՝ գետնէն կատար
 Կը բարձրանան՝ թառին վրայ քրնանալու . . . :
 Եւ կը խորհիմ՝ աչքըս մուծին մէջ ընդլայնած.
 «Որքան երագ, բուն թէ արթուն, անոնց մտքին
 Մէջ կը ծագին, հո՛ս, այս շէնքին, այս ամրափակ
 Պարիսպին մէջ...: Որքան յոյսեր գուրգուրագին
 Կը մեծցրնեն...: Ի՛նչ արշաւներ բաց դաշտի մէջ,
 Եւ ի՛նչ անեղ մըխըրճումներ ապագայի
 Կ'ընեն անոնք...: Եւ անոնց մէջ շատերն որքան
 Ունին մարտեր ու անհամբեր բոց հոգիներ . . . :»
 Եւ դողալով կ'ըսեմ նորէն «Ո՞ր մէկն արդեօք
 Կը նըմանի իր հոգիին մէջ այս պահուն
 Ճիշդ այն տրդուն որ երագեց հեռուն, հեռո՛ւն ,
 Որուն կտրեց Կեանքը թեւերը երագին
 Տղա՛ն զոր ես եղայ եւ չեմ այլ եւս հիմա . . . :»
 Ու մրտածումն ու դեգերումն այս անտրոշ,
 Հարիւր քրսան տրդոց խումբին մէջ հոս ապրող ,
 Հոս յուսացող, հոս ամէն պահ քիչ մը մեծցող ,
 Ու գիշերուան հոծ մուծին մէջ իմ անցեալիս

Այս յարո՞թիւնն իր դամբանէն եւ առ խարխափ
 Այս որոնումն հոգեներման իր փոքր եղբօր,
 Այնչա՛փ, այնչա՛փ զիս կը յուզէ ու կ'այլայլէ՝
 Որ կը մընամ ես շըւարած ու մոլորած,
 Ջը գիանալով թէ ո՞վ եւ ո՞ւր եմ ես հիմա ,
 Հո՛ս, այս նստող մա՞րդը՝ թէ ոչ վերը այնտեղ
 Երկար շարքին մէջ քրնացող տրդոցմէ մին...:

1913

Այն պահուն ուր կը վերջանայ այս հասորին սպագրութիւնը՝ հեղինակը պէտք կ'զգայ պզտիկ բացատրութեան մը, զոր առաջ անհրաժեշտ չէր դասած :

Հոս հաւաքուած ֆերթուածները տասներեք տարուան երկար օրջանի մը միջոցին գրուած ըլլալով, անո՛նք որ կը փնտնեն՝ պիտի չզսնեն այստեղ ոգիի եւ նիւքի միութիւնը : Այսուհանդերձ, իր կրած օրջափոխութիւնը որքան կարելի է հասկնալի դարձնելու համար, հեղինակը իւրաքանչիւր ֆերթուածի սակ պահեց անոր գրութեան բուսականը, առանց սակայն կարգն ալ պահելու :

Հազիւ կրցաւ անոնցմէ երկու խմբում ընել — կը խոստովանի որ քիչ մը կամայական եղան ստոնք — առաջինը աւելի անձնական, երկրորդը աւելի ընդհանրական նիւքերու, որոնք, այսպէ՛ս, կազմեցին իր հոգիին երկու երեսները . . . որպէսզի, թերեւս, երբ մէկ երեսին զարնեն՝ միւսը կարենայ դարձնել . . . :

Յետոյ կ'ուզէ ըսել՝ թէ անունը, ՀՐԱՇԱԼԻ ՅԱՐՈՒԹԻԻՆ, գրեթէ կրօնական իմաստով մը առած է. Հրաշային անուտես «հրաւճով» կը նշանակէ, եւ այս Յարութիւնը «յարութիւն»ն է անցեալին, ամբողջ հոգիի մը անցեալին, եւ միայն Բանաստեղծութիւնն է որ այս հրաւճը կարելի կ'ընէ . . . :

Վ. Թ.



I

	5
+ Գայլըզը	7
+ Ողբ	9
+ Ողջոյն	10
+ Էր հրբեմն	12
+ Քու յիշատակդ այս գիշեր	13
+ Օրհներգ ճանապարհին	16
+ Արեւը	17
+ Կ'անձրեւէ աղաս	18
+ Տարիքը	19
+ Ահաւանակ կ'ուզէի	20
+ Չարնուած թռչունը	22
+ Գաղանիք	23
+ Առիթները I — II	25
+ Կը սիրէի	26
+ Փոթորիկ	27
+ Տաղ առ արցունքներ	30
+ Թախիծ	31
+ Եղերերգ	32
+ Կարապետը Համպուրկի լիճին մէջ	33
+ Խաւարի պահեր I — XII	33

Ալէմ-Տաղիի անասուը	46
Հանրմը	48
Խամսին	49
Հոկտեմբեր	50
Որպէսզի մնայ	51
Այսչափ ետքը	52
Մտածումս	53
Հրածեչտ	54
Դեկտեմբեր	55
Իրիկուան Աղօթք	56
Յուսախարութիւնք	57
Մաքուր սիրոյ ձայնը	58
Ապրիլ	59
Գեղջկական	60
Կ'երգէի	62
Մնցեալս այնչափ հեռացաւ	64
Ներկան անապասն է	65
Պաթիւլէսի մա՛ը	67
Սէր մը գաղտնի	68
Ես զինք կարծեմ	69
Աղուորները	70
Զէի կարծեր քեզ սիրել	71
Անունդ	72
Հոգիդ	74

Ժպտուն աչքերդ	75
Զորցաւ աղբիւրը սրտիս	76
Հայրենի գարնան յիշատակը	77
Եւ նորէն խոնջ են շրթունքներս	79
Յոգնած ճամբորդին	80
Խարէութիւն	81
Դուն չգիտցար	82
Տղու մը	83
Աղբիւրներ չորցան	84
Նորէն ով սէր	85
Տէր ի վերջոյ	86
Երջանկութիւնը	88
Ով պատրանքդ իմ	89
Հեծեծանք	90
Մեկնողի մը	91
Դուն գիտես	92
Երազներ I — VII	93
Վերադարձ	101
Սպիտակ ձեռքդ	102
Ամառն անցաւ	103
Վիշտ մը	104
Գանձատունը	105
Աշտարակը	106
Երեսնամեակ	107

Կասկածը	110	✓
Տաղ առ Վերլէն	111	✓
Անտառին մէջ	112	
Գարնան յոյսը	113	
Լոնտոն	115	
Տաղ առ Պատլէո	116	
Վիշտի մը	117	
Երաժշտութիւնը	118	
Սչուն	120	
Մահաքայլերդ Շորէնի	122	
Հրայրքի պահեր I — XIII	123	
Ծերութիւն	136	
Անկարեկիր քնարը	139	
Ինձ կը թուի թէ ապրած եմ	140	
Մահուան տաղեր I — V	142	

II

Իրիկուան խորհուրդներ	148	
Գայլին հսկումը	150	
Քաջութիւն	151	✓
Կռուի երթ	152	
Այս առտու	154	
Մեծ հաշտութիւնը	155	
Գիտակցութիւնը	156	

+ Չաւակո	157	✓
+ Տաղ առ ասեղութիւն	158	
+ Վրէժի գիւն	159	✓
+ Տաղ առ փորձառութիւն	160	✓
+ Հաւատախօխը	161	
+ Հայրենի գրոյցներու վրայ I — VII	164	
+ Գողթան երգիչներ	174	
+ Սուրբ բարկութիւնը	176	
+ Գեղծն Վանայ տարեխօին եւ Կախէթի գիւնիին	177	
+ Հայաստանին	179	
+ «Հայու հոգին»	181	
+ Տաղ Հայերէն Լեզուին	182	
⊖ Արարատի դաշտին մէջ I — V	183	
Յուլիս Տասը	189	
Գութը	190	
⊖ Գիշերուան աղօթքը	191	
Իբրեւ Վերջաբան	194	

ՎԻՊԱԿ.— Կը խնդրուի՝ էջ 92, տող 4ին մէջ «օդ առկախ»ը ընել «օդառկախ», էջ 155, տող 5ին մէջ ջնջել «բայ է» բառերը, էջ 167, տող 13ին մէջ «վայ»ը «վրայ», էջ 172, տող 10ին մէջ «խսահալաւ»ը «հալաւական» եւ էջ 167ին վերջին տողը ընել՝ «Եւ յագինայ թո՛ղ իր վա՛հմն հընօրեայ. . .»: Նոյնպէս՝ էջ 182ին վերջին տողը պիտի կարդացուի՝ «Թառեղ որ քի՛մքս կ'օծեն եւ են գիս մի՛ջս սընուցնր. . .»: էջ 74, տող 5, «հուհըն»ի տեղ՝ «հուհեն»:



« Ազգային գրադարան



NL0331292

37185

891.99

12-55